

Antiquitates Britanno-Belgicae, praecipue Romanae ... tribus voll. comprehensae ; quorum I. De Belgio Britannico. II. De Geta Britannico. [Acc. ... de icuncula quondam M[agni] Regis Aelfredi dissertatio] III. De Julii Vitalis epitaphio [cum notis ... Hen. Dodwelli ... Quibus acc. ... ad cl. Goetzium, de Puteolana et Baiana inscriptionibus, epistola] : quibus acc. appendix / [William Musgrave].

Contributors

Musgrave, William, 1655?-1721.
Dodwelli, Hen.

Publication/Creation

Exeter : Vols. III and II, Farley [-P. Bishop] for P. Yeo. [Vols. I and IV, G. Bishop and sold by J. March, etc., 1711-1720 [vol. I, 1719]

Persistent URL

<https://wellcomecollection.org/works/qx4ysm8h>


License and attribution

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.




Wellcome Collection
183 Euston Road
London NW1 2BE UK
T +44 (0)20 7611 8722
E library@wellcomecollection.org
<https://wellcomecollection.org>





38146 /B


Vol 1




Digitized by the Internet Archive
in 2019 with funding from
Wellcome Library











GUILH. MUSGRAVE,
Med. Doctor Oxoniensis, et
Regiae Societatis utriusq. Socius.
MDCCXIX.

87549
ANTIQUITATES

BRITANNO-BELGICÆ,
Præcipue ROMANÆ,

Figuris illustratæ,

Tribus Voll. comprehensæ ;

QUORUM

I. De BELGIO BRITANNICO.

II. De GETA BRITANNICO.

III. De JULII VITALIS Epitaphio :

Quibus accedit APPENDIX.

AUCTORE

GUILH. MUSGRAVE, BELGA,

Reg. Societ. utriusque Socio.

—*Veterum volvens Monumenta virorum.*

Virg.

ISCÆ DUNMONIORUM :

Typis GEO. BISHOP : Prostant venales apud
JOH. MARCH, Bibliopolam EXONIENSEM ;
GUIL. TAYLOR, & JOH. SPRINT, LONDI-
NENSES. M. DCC. XIX.

ANTIQUITIES

BRITAIN - BELGIC

PRÆCIPUE ROMANÆ

FIGURIS ILLUSTRATÆ

THESE VOL. CORRIGENDÆ

QUORUM

I. D. BRITANNICO

II. D. CÆTA BRITANNICO

III. D. PALLI VILLÆ EPISCOPICÆ

IV. D. BRITANNICÆ

AUCTORE

GUILL. MARGGIAV. BELLG.

— Rex Societ. antiquæ 340.

— Vetus collect. monumenta

VII.



Jack Duxbury

Typeset by Duxbury

for Messrs. B. & C.

Printed by M. DCC.

Nobilissimo CÆSARI
Pio, Felici, Inchyto,

GEORGIO

Principi **Walliæ**

REGI DESIGNATO,


Syntagma hoc Antiquitatū

BRITANNO-BELGICARUM,

O egregia ILLIUS *in* Rempub: *merita,*

pro Pietate posuit

Auctor





PRÆFATIO

Generalis.



COGITANTI mihi serioque
perpendenti, quanta celerita-
te a Tempore, tamquam ab
immani quodam Monstro, hi-
anti ore, cuncta fere ab Orbe
condito devorentur; tanta scil. ut Viro-
rum illustrium, & ab iis præclare actorum,
forsan ne quidem millesima pars hodie ser-
vetur, & memoria retineatur: hæc, in-
quam, animo perpendenti mihi visum est,
nihil honestius, nihil laudabilius, quam
memoratu digna, sive literis ea mandando,
sive

sive alia quavis arte, ab oblivione vindicando, tueri, & ex Monstri faucibus eripere.

HOC autem eo laudabilius, ut ii, de quibus agitur, eorumque Acta fuerint præcellentiora: Hujusce vero numeri cum sint in Belgio nostro Romanorum multa, nimirum magnifica, populoque Orbis universi domino plane digna, & quidem in Natali nostro Solo acta, ad ea celebranda commemorandaq; nescio quo impulsu feror:

Hic Amor, hæc Patria est.

HAC opinione fretus, Julii Vitalis Epitaphium, quod Aquis Solaribus ante aliquot annos effossum, mihi sese obtulerat, quam potui diligenter excussi, variaque de Fabrica Bathoniensi, de LEG. XX.V.V. de Patria Cangorum, de Quadrivio, & Sepulcreto ad Aquas Solis celebri Romano, ab aliis sive prætermissa, seu jejune tradita, contexui, Annoque MDCCXI. publicavi: Huic Dissertationi post quadriennium successit altera, de Geta Britannico, quam ex Equestris Statuæ Fragmento, prope eandem Urbem nuper item effosso, nactus occasionem, sedulo composui: Plurima

rima sunt, quæ Getæ Aug. hanc fuisse Statuam nervose arguant, ne dicam extra dubium ponant; quibus innixus argumentis, de Geta, præcipue de illius in Australi Britannia Gubernatione, (quo videlicet Imperatorem illum nimis obscurum, neque pro meritis celebratum, clariori luce perfunderem) quicquid occurreret, in medio posui.

CUM Monumentorum hoc nobilissimorum par examinasset, animus erat ulterius progredi, & Belgii nostri Chorographiam, primo lineatam, in æs incidere; Limites ejus, Fluvios, Urbes, Deos, Æstiva, Vias Militares, Populum, Mercaturam, aliaque in eo Monumenta, quo cæperam modo, describere. Hæc ad finem jam perducta in publicum tandem mittuntur, & ut Antiquitatum Britanno-Belgarum hæc Volumen primum; ita de Geta Dissertatio, alterum; de Julio Vitali, tertium merito censeretur potest: Hic enim est earum naturalis ordo.

JUVANTE Deo, brevi sequetur ad hæc tria volumina Appendix. Hæc sunt de Belgio nostro, quæ habui dicere.

EQUIDEM post Clariss. Camdeni in Britannia illustranda tam felicem industriam, supervacaneum habeatur, Belgium nostrum, cuius ille, cum Insula reliquo, auctor & fundus, iterato adgredi: At qui bonum illum in hoc studiorum genere Choragum, in nonnullis Hominem fuisse, & (quod multo magis adnotatu dignum) qui plurima nuper effossa in Belgio Monumenta, Camdeno penitus ignota, cum animo cogitaverit, hæc etiam suas mereri Commentationes, suaque luce donari oportere, (si modo Antiquitatis cultor religiosus sit) nequaquam inficiabitur. Ideoque mihi persuasum est, non tam actum a me agi, quam opus isthoc Camdeni, si non aliquanto correctius, & emendatius, at certe locupletius & auctius edi, mortales opinaturos.

HAC ego materia, inque Terram, unde sum, amore ardenti & sollicito instructus, opus arduum & impeditum, sed & jucundum exorsus, horis subsecivis, alias sæpe occupatus, opus, inquam, hoc Otii demum exegi; in eam spem & fiduciam adductus, cum e Terræ visceribus crebro eruantur apud Nos huiusmodi *παι Λοιπὰν*, non defuturos olim Commentatores, qui ex
is

is absolutam tandem Belgii Britannici, ne dicam Insulæ totius notitiam aliquando elucubraverint.

HOSCE vero quod ad Libros attinet, Gratia Viris illis munificentissimis habenda est, qui eos Figuris, ære Cyprio incisis, benignissime ornare: quorum in numero primas egit Vir Clariss. Rob. Eyre, Eques Auratus, Juris Anglorum Municipalis Antistes, unus e Banci Regii Justitiariis, qui operis hujus & monitis hortator, & sumptibus adjutor fuit.

GRATES etiam merito persolvendæ sunt eruditione & humanitate Viro præcellenti D. Isaaco Gilling; qui cum aliena manu in chartis hisce publico parandis, uti necesse habuerim, opus hoc laboriosum, etiam si rerum suarum satagens, ultro sustinuit, & scribundo adfuit.

TE vero, Reynolde optime, doctissime, carissime, tuosque labores, silentio præterire, nefas existimem; qui cum Ipse in populo Iscæ futuro, scil. Juventute nostra Literis informanda, sic, ut etiam Mela tuo adornando abunde verferis, Typographiæ tamen nostræ curam inter edendum has Antiquitates, habere non graveris. AT-

ATQUE hæc, Amice Lector, de Patria, sua cuique Parente, & Altrice; cui ortum, & incrementum; cui Carnem, Ossâ, Sanguinem, Spiritum, cui denique totos nos debemus. Carissimum mihi dulcissimumque vel ejus nomen est. Pro Patria, si ei sit profuturus, nemo bonus dubitat mortem appetere. Unde Cicero rectissime [omnibus, qui Patriam conservarint, adjuverint, auxerint, certum esse in cælo ac definitum locum, ubi beati ævo sempiterno fruuntur.]

VALE, Lector, & laboribus hisce nostris utere, frueri. Scribebam ex S. S. Trinitatis Capella, MDCCXIX.



BELGIUM BRITANNICUM

IN QUO

Illius LIMITES, FLUVII, URBES,
VIÆ MILITARES, POPULUS,
LINGUA, DII, MONUMENTA,
aliaque permulta clarius & uberius
exponuntur.

AUCTORE

GUILH. MUSGRAVE, BELGA,
Reg. Societ. utriusque Socio.

*Præfixa est Dissertatio, De Britan-
nia quondam pene Insula.*

O Patria ! O Divum Domus ! Virg.

ISCÆ DUNMONIORUM :

Typis GEO. BISHOP : Prostant venales apud
JOH. MARCH, Bibliopolam EXONIENSEM ;
GUIL. TAYLOR, & JOH. SPRINT, LOND-
NENSES. M. DCC. XIX.



Societati Regiæ
LONDINENSIS

Artium & Disciplinarum Matri,
BELGIUM BRITANNICUM,
Pro Patria lucubratum ;
Tamquam Columnam;
OB AUGMENTUM SCIENTIARUM,
Ex Voto posuit

Guilh. Musgrave,
BELGA.

Societas Regia
LONDINENSIS

Actum & Dispositum
BELGIUM BRITANNICUM
Pro Patria Incubatum;
Tandem Columnam;
OB AUGMENTUM SCIENTIARUM
Ex Voto soluit

Guild. Musgrave,
BELGA



Syllabus Capitulorum.

Prooemium, a Pag. i. ad xxvi.

CAPUT	Pag.
i. De <i>Belgii nostri Limitibus</i>	I
ii. De <i>Fluviis</i>	16
iii. De <i>Divisionibus</i>	32
iv. De <i>Urbibus</i>	36
v. De <i>Aquarum Calidarum Urbe</i>	56
vi. De <i>Romanis Aqq. Calidarum Monumentis</i>	68
vii. De <i>Viis, in Belgio, Militaribus</i>	73
viii. De <i>Insulis, Belgio nostro, adjacentibus</i>	81
ix. De <i>Belgii Populo</i>	89
x. De	

SYLLABUS CAPITUM.

x. De Belgarum Lingua	103
xi. De Diis Belgicis	108
xii. De Penatibus, apud Devisas, anno 1714, effossis	123
xiii. De Belgarum Mercatura	153
xiv. De Camaletto, aliisque in Bel- gio Romanorum Æstivis	172
xv. De Colore Belgico	178
xvi. De Claudii Tropæo, & duo- bus ejus Nummis	181
xvii. De Urnis, Seria, Rebusque aliis in Belgio dudum inventis	191
xviii. De Arca Lapidea, & Mu- nimento Sepulcrali	195
xix. De Andromache Britanno- Belgica	212

Pro-

ERRATA sic omiffa corrigantur.

Pag. 30. lin. ult. lege *Ptolemaum*. Pag. 62.
lin. 12. lege XVIII. Post Tab. XIV, lege
pag. 178. Post Tab. XV, lege pag. 212, in
Tabularum Dispositione. Pag. 160. lin. ult. pro
Vol. III. lege *Vol. II.*



PROÆMIUM,
DE
BRITANNIA
Quondam pene Insula.



UM *Belgium* nostrum a *Britannico* adluitur Oceano, illo latere Insulæ hujus triquetraë, quod est ex adverso *Galliæ*; visum mihi fuit, priusquam id describere conarer, antiquam & diu agitatam movere quæstionem, de *Britanniæ* cum *Gallia* conjunctione, &
an

an revera umquam esset, exquirere, simulque quo dissolvi modo posset, exhibere.

PRIMUM igitur, posita Chersoneso Britannica, utrum exedi potuerit :

DEINDE, utrum exesa fuerit, edisseram.

DE priori propterea dicendum, quod a docto & magni nominis Viro, *Vossiorum* altero, strenue negatum sit, umquam, ubi hodie Fretum est, ibi quondam fuisse Chersonesum : & quidem ideo negatum, quoniam, illo sentiente, nihil in natura rerum ei deterendæ dividendæque par inveniatur. Ut *Taprobanam* (Insulam *Ceylon*) a vicina continente non avelli probet Vir Clariss. [*Otio* 1, inquit, abundant, qui istiusmodi *Ægyptiorum* fabellis, jam millies productis, totiesque recoctis, aurem commodant. Quam constans & tenoris sui observans sit rerum natura, patet e *Bosporis*, omnibusque omnium terrarum *Fretis*. *Iis* cum præcipue *Marium* & ipsius *Oceani* vis semper incubuerit, eadem tamen ubique a tot annorum millibus & ab ipso,

ipso, ut verisimile est, rerum exordio, servaret intervalla. Currant licet, ac recurrant Undæ, allatrent undequaque Fluctus, fortius est Elementum quod resistit, quam quod oppugnat. Exesi Scopuli, ac vasta maris antra, satis ubique ostendunt, quantum Oceani impetus lapsu seculorum possit efficere: verum hæc ipsa quoque, quid non possit efficere Oceanus, multo clarins ostendunt.]

Hæc Isaacus.

UT disputationem ea de re ingrediar, Vir hic Clariss. Naturæ, nec qua agit illa, nec qua patitur, statum ac conditionem, ex omni parte, sic, ut est revera, animo satis advertisse videtur. Cum non de *Taprobana* solum Freto commentatur, sed de Fretis in universum, & quidem Argumento a constante & tenoris sui observante rerum natura accepto, videamus quam hæc cum Oceanis & Freto nostris conveniant, & in iis quam constanter agat Natura.

OCEANI *Britannici*, prout nunc dierum est, cum latitudo tum profunditas investiganda, ut ex iis de prisco seu Freto, five Sinu, possimus sententiam ferre. Ut autem eas comperiamus, adeunda est

Tabula *Halleiana*, sui generis omnium accuratissima, ex iussu Regis *Guilhelmi* ejus nominis Tertii constructa. Ea docemur, in Oceano *Britannico* ubi Terrarum hiatus, hac illac amplissimus est, a veterum *Ocrino* (*Lizard-Point*) ad Insulam ei oppositam *Ushant*, unum esse gradum cum semisse, id est, Leucas quasi triginta, sive milliaria 90. Hinc Oceanus se in oriente parum adducit, at multo magis ubi Promontorium in eum procurrit *Normannicum*: ibi enim est dimidio adductior; cum inter *Peverel-Point*, & *Cap. de Hogue* e regione sita, Leucarum *Anglicarum* quasi 16 distantia sit. Tunc se iterum effundit, ubi *Sequanam* recipit: at brevi in arctum agitur, inter *Beachy-Head* & *Cape St. Vallery*. Dein paulatim angustior, fastigiat se molliter, usque dum in Fretum contrahitur, inter *Nefs Anglorum*, & *Gallorum Blackness*, non amplius octo Leucis, id est, 24 milliariibus patens. Terræ tunc aperiuntur longe lateque vastissime, & spatium Mari faciunt *Germanico*.

HÆ sunt Oceani Fretique *Britannici* diversæ latitudines; quibus apparet, eas, si non continuo, tamen adeo rara tamque exigua cum ampliacione minui, ut argumento

mento nostro nihil inde queat derogari. Ita enim Oceanus contrahitur, ut qui initio, seu Faucibus ejus *Britannicis*, Leucas triginta, five Milliaria præterpropter nonaginta latus sit, post Leucas 153 circiter, five Milliaria 460, (quæ hujus Oceani longitudo est) ad 24 milliaria contrahatur; id est, ad primæ latitudinis partem quasi quartam.

PROFUNDA hujus Oceani altero jam loco sunt expiscanda, & quidem optime beneficio ejusdem Tabulæ. In ea dividitur Oceanus *Britannicus* una cum Fretto, in Columellas numero decem, oblongas. Harum singulæ latera sunt ex circulis Meridianis accepta; quæ cum in plano ducta sint, videntur esse recta. Columellæ terminantur adversis *Galliæ Britannique* litoribus: hoc est, Lineis huc illuc curvatis in litorum morem,

INCIPIAMUS a prima in occidente, quæ & longissima Columella est: & (præmisso, quod *Hiberniam* & *Galliam* inter, Oceanus orgyias altus sit in locis compluribus octoginta; uti paulo ulterius in aperto Mari, 100, 120, 140) notandæ sunt

sunt in prima Columella *profunditates* omnium altissimæ; quæ decies exploratæ se habent, ut 58, 66, 63, 65, 58, 65, 68, 60, 60, 60. quæ *profunditatum* Summæ faciunt 623 orgyias. Eæ per decem, i. e. *profunditatum* numerum, divisæ, mediam earum *profunditatem* ostendunt esse 62.

IN Columella altera, decem altissimarum media *profunditas*, simili modo investigata, est orgyia 51. In tertia 51. In quarta 40. In quinta 43. In sexta 40. In septima 36. In octava 37. In nona 33. Post nonam Columellam, cum Oceanus in lævam flectitur, & obliquus in Fretum desinit, accipiam illud ut Terris interjacet, in *Britannia* locis appellatis *South-Foreland & Hastings*, in *Gallia* *St. Valery & Estaples* inclusum. Hic *profunditatum* decem media est 30. In Freto angustissimo 16: quæ ad profunditatem mediam in prima Columella, est, ut 16 ad 62; id est, ut 1 ad 4 fere; & ad altissimam profunditatem *Galliam* inter *Hiberniamque*, ut 16 ad 80, i. e. ut 1 ad 5: ad altissimam in aperto Mari, ut 16 ad 140; i. e. ut 1 ad 9 fere.

QUA

QUA proportione minuitur altitudo Maris, ea crescit Terræ Mari subiectæ acclivitas ; & est illi in *ratione inversa* : quæ utique propositio, si non ex omni parte vera, (propter orbis figuram minime rotundam) tamen adeo veræ proxima est, ut argumentationi nostræ sufficiat. Est ergo Terra, in Freto nostro angustissimo undis subiecta, quam in Oceani *Britannici* faucibus, orgyias 46, id est pedes 276 altior ; & quam Terra, *Galliam Hiberniamque* inter, Oceano subiecta, orgyias 64, sive pedes 384 altior ; & quam Terra, aperto Mari subiecta, 124 orgyias, sive pedes 744 altior. Vide quanta sit Terræ ab alto Mari ad Fretum acclivitas ; eaque ut ex calculo prædicto patet, fere continua. Hæc est Oceani *Britannici*, tam in illius Latitudine, quam Profunditate contra-ctio.

AGE, nunc tendamus ultra, velis expansis, in Oceanum *Germanicum* : Hic Mare subito patentius, sic, ut etiam profundius : quod inter Promontoria *Northfore-land*, *Orfordness*, Oppida *Caletum* & *Ostendam* interfluit decem maximas habet men-

mensuras quarum media 24 Orgyias cum quatuor e quintis continet: quod inter *Orfordness*, & *Tarmouth*, *Texellam* & *Ostendam* est, maximas decem mensuras habet, quarum media 25 Orgyias cum una parte quinta. Quicquid ultra est, Terris, hinc ad occidentem, illinc ad orientem se retrahentibus, vastissimus est Oceanus, in quo mensuræ sunt ab Orgyis 45 ad 50 numero quamplurimæ.

HÆC a Freto *Britannico* tam in oriente, quam occidente Terræ declivitas (quæ a Maris altitudine utrobique aucta patet) omnino probat, *in ipso Freto jugum esse Terræ excelsum, acutum*; quod cum hodie non multum infra Maris superficiem esse reperiatur, olim se emergere; hoc est, *Cherronesum olim hic fuisse, monstrat.*

ALIA sunt duo, quæ cum in hac re momenti sint immensi, tenore tum minus certo, & natura minus sunt constanti; quandoquidem a Maris motu & Ventis accepta. In refluxu Maris Aquæ nunc quiescentes incubant arenæ; nunc eam molliter præterlabuntur. In æstu mitiori, Litus & ima Rupium blandissime lambunt,

bunt, tenerrime osculantur. Fervente vero æstu, res omnino alia est: Aquarum Fremitus auditur, Fluctus cernuntur, & se non parum attollunt. Nihilominus sine multa strage, terrisve aliquot annorum millibus exesis, hæc omnia posse fieri, cum *Vossio*, cogitandum est.

SIN æstuant Mari, quod altero loco dicendum est, Ventus superveniat (*Flat autem Ventus sic, ut vult, & quis ei tempus statuerit, aut modum imposuerit?*) papæ! quoti, quantique Fluctus advolvuntur! *Alpes* existimare licet Crystallinos, nisi quod cito diffluant. Montem enim Mons invadit, detrudit, discutit; tantisper ejus spoliis adauctus, dum in cœlum altissimus exurgit Aquæ Mons. Tanta vis Aquarum ex Oceano occidentali in *Britannicam* immittetur, & tanto impetu, quantus in universo Terrarum orbe rarus inveniatur; imo quantus ab ipso rerum initio rarissime. Oceani *Britannici* tum brevia, tum angustia, continuo pæne (quod ostensum est) crescentes, faciunt, ut Aquæ sic impulsæ mirum in modum eleventur, & in Isthmum (quem argumenti gratia fuisse damus) arietent, ita ut ab iis Isthmum exundari, deteri, ablui;

lui, sicque Insulam fieri *Britanniam* non videatur *ιδουδης* εἶναι : verum e contrario factu probabile. Quantæ Ventorum, at præcipue Zephyri Caurique virtutes sint, in cogendo impellendoque hoc Oceano *Britannico*, paucis expendam, a Doctissimo viro *Rad Bobun*, (*Novi olim Collegii Socio*, qui *de Ventis* omnium eruditissime scripsit) hac in re adjutus.

ETIAMSI Zephyrus a Poetis *vitani rebus* ferre dicatur,

— *ejusque tepentibus auris*
Laxent Arva Sinus ; —

interdum ita fit, ut

— *Eurique Zephyrique tonet domus* ; & ut
 — *Zephyro multa turbentur arena.*

Adeo sævus, horribilis, iracundus sæpe Zephyrus, Vires in Oceano, qui *Europam* & *Americam* vastus interjacet, acquirens, & in amplissimo hocce campo recensens, vix concipi potest, quanto *Britannicæ Gallicæ* oras impetu invadat. Exploratissimum enim est, in hæc oras eum communiter anni plus dimidio flare, (quod jam olim a *Julio Cesare* notatum) & flatu eas sævissime verberare : maxime autumno, a quo sumunt originem Tempestates

pestates Idiomate nostro dictæ [*Michaelmas-Storms*] eumque adeo interdum favire, ut si cum æstu fervente jungi Ventus hic acciderit, tam Oceanus *Britannicus*, quam Fretum *Sabrinianum* immane quantum augeantur. *Sabrina* vastissime turget. *Uzella* longe lateque *Somerssettensem* Agrum exundat. Mirum ab hisce Cataclysmis quantum mea patria perpessa est. Continuatur æstus ad usque *Tevesbury*, id est, milliaria magis ducenta. Apud *Chepstow* Aqua pedes interdum octoginta assurgit. Idem fere dicendum de Oceano *Britannico*, Venti ejusdem viribus elato: nisi quod hic, Chersoneso jam effracta, liberius Aquæ moveantur, non adeo sistantur, non tantum eleventur; quæ utique Aquarum libertas ante Chersonesum abruptam, nequaquam adeo magna esse potuit.

HAC igitur de causa [*Zephyro* nempe, *Cauro*, sive alio Ventorum aliquo, Maris æstui superveniente] Oceani *Britannici* Undam in Isthmum validissime impingi, & ab illis primum ejus superficiem, quæ ex Silice & Calce (prout hodie Terræ e regione oppositæ) constabant, ablui; deinde Isthmi quod reliquum erat, spatio
b. bis

bis mille annorum & eo amplius, Aquæ fluxu refluxuque ad 16 orgyias, quæ hodierna Freti hujus (quod diximus) altitudo est, atteri credibile, verisimile est.

TANTUM abest, ut *Vossio*, Fretorum perpetuitatem a naturæ in operibus suis *constantia* tenoreque eodem arguenti, fidem habeamus, ut e contrario Fretum hocce nostrum illius *inconstantia* deberi, lubens agnoscerem. Vir ille clarissimus, naturæ ulitatum agendi modum unice respiciens, *extraordinarium prætermisit*; qui tamen, in raris hujusmodi effectis, potissime videtur respiciendus. In Freto *Siculo* considerando, ejusque diducendi modo investigando, quis Ignis subterranei supra modum erumpentis, tamquam Causæ hac in re probabilis, non meminerit? nisi istam *Catanensem* confectus, qui (tradente *Alphonso* ¹ *Borello*) post Eruptionem *Ætnæ* diu intermissam, Ignem ejus immodicum ne semel quidem unquam fuisse, satis insulse putavere. Ut Vento nihil inconstantius, sic ad Fretum hoc aperiendum (posito causarum apparatu

raturæ cætero) nihil conducibilius: & cum
eo res deducta est, fortius elementum esse
quod oppugnat, quam quod resistit, (aliter
quam *Vossius* statuit) omnino probabile
mihi videtur. *Salmasium* ille, Virum &
candidum & doctum convellit, quod de
Navibus absque Costis & Interamentis,
ita scripsit, ac si in *Burgundia* mansisset,
nec quid rei Navis aut Mare foret, in-
tellexisset. Nequæo satis *Isaacum* mirari,
quod de *Mari & Ventis* scriptor luculen-
tus, horum vires in Mari turbando agi-
tandoque in terris obruendis abrumpen-
disque prorsus omitteret, atque adeo quod
Batavi omitteret: ea scilicet Regione ori-
undus, quæ Mari & Vento tam obnoxia.

NON alienum erit hic Inundationum
aliquot exempla, uti revera fuere, in me-
dium proferre; quibus abunde patet, Ter-
ræ faciem frequenter obrui, & ab iis non
parum mutari. Hic autem nihil necesse
est, ut *Helicem* & *Burim*, *Achaia* Urbes
adeamus: de quibus tamquam magna-
rum Inundationum argumentis, *Ovidius*,

i Invenies sub Aquis, & adhuc ostendere nautæ

Inclinata solent cum manibus oppida versis.

Metam. Lib. 15.

Eurus dicitur, & fluxu Maris super provinciam Hollandiæ terribiliter invalescente, praevaluerunt Aquæ Maris, adeo ut Fossata, qua Terram ipsam & Mare determinant, inopinatus quam credi poterat, transgrederentur; posuitque Terram fructiferam in salsuginem tam repentinus Maris impetus; qui per indigenas nullatenus poterat obviari: & maxima pars S. Botolfi submersa, hominumque & pecudum inestimabilis periit multitudo.] Ita Chronicon Tho. i. Wikes.

DE Hollandiæ Inundatione sic Hadrianus Junius 2 in Bataviæ Historia [Quadringentis abhinc annis inaudita illa Inundatione quæ universam Hollandiæ faciem longe lateque operuit, obstructo fluminis (Rheni) cursu, steriles arenarum colles Litus occuparunt, Mare, Terras, ipsamque Litoris oram attrivit.]

ANNO 1404. quo beatissimus noster Wiccanus obiit, [Tanta repente raptis limitibus irrupit Aquarum influentia in Cantio, quanta nunquam fuerat illic ante visa, qua submersa sunt animalia numero & pretio excessivo: nec solummodo deflevit

Anglia

Anglia *damna talia, sed ut fertur*, Selandia, Flandria & Hollandia, per *Undarum excrementa, innumerabilia sensit dispendia eo anno*] Hypodigmate *Neustriæ* per *Tho. 1. Walsingham.*

REGNANTE Edwardo I. cum Oceanus ventorum violentia exasperatus, hunc (Cantii) tractum operuisset, lateque hominum, pecorum, edificiorumque stragem dedisset, & Bromhill viculo frequente perfundato, etiam Rother, qui hic prius se in Oceanum exoneravit, alveo emovit, ostiumque obstruxit, novo in Mare aditu compendio per Rhiam aperto.] Camdenus in *Britannia Cantio.*

QUID quod *Tungros*, oppidulum *Leodienſe*, a Mari pæne centum milliaria jam remotum, Mare quondam adluere opinati sunt Viri doctissimi, argumento non uno persuasi 2.

NEQUE nostra ætas caruit hujusmodi Exundationibus: Narrant *Novellæ* Feb. 27. 1713. in *Essexia*, plura Terræ jugerum millia, per milliaria aliquot, inter *Barking & Purfleet*, everſis obſtaculis, Maris influxu obrui.

HÆC

1 pag. 564. Ed. *Frankfurt.* MDCIII. 2 *Verſtegan's Antiquities*, pag. 102. *Ray's Phyſico-Theological Diſcourſes*, 1693. pag. 169.

HÆC de Oceani *Germanici* exundationibus: *Britannici* nostri, & *Sabrinae*, neque pauciores, neque minores sunt. Enimvero vidimus ætate nostra Isthmum, uno eodemque *Pededri* fluxu & refluxu (Terræ superficie prius ab Agricolis semota) dilui, fluviumque veteri cursu relicto novum acquirere: hoc, inquam, unico fluvii istius æstu factum vidimus, nullo auxilium præbente vel Undas adigente Vento.

SABRINÆ fluminis impulsu fieri probabile est Exundationem illam, qua in Agro *Monumetensi*, Parœchiæ No. 26. A. D. 1607. mense *Januario* Aqua obruerentur: Cujus eodem Anno publicata fuit 1 *Historiola*.

JOHANNE rerum *Anglicarum*posito [*Subita & improvisa Aquarum Inundatio pluribus in locis per Angliam facta est, unde plures homines submersi sunt, & domus eversa, maxime apud Excestre & Sanctum Ivonem.*] *Imagines Historiarum* Autore 2 *Radulfo de Diceto*, [Post diutinam

1 *Lamentable News from Monmouthshire.*

2 pag. 710.

diutinam malaciam, mare Vergivium, adeo per totam hyemem, regnante tunc Henrico secundo, tempestatibus agitabatur, ut toto illo temporis spatio, Navicula nulla ad Hiberniam adpulsa, de reliquo terrarum orbe nihil apud eam inauditum. Terror hinc universus, tamquam malo impendente quodam gravi, de caelis missus. Arenarum aggeres, in Australi Cambria, quasi Cataclysmo ablucebantur, Litora subvertebantur] Giraldi Cambrensis i Hibernia expugnata.

AT o quam terribilis illa tempestas, qua, Maris Undam in Oceanum *Britannicum* impellente *Africo*, ita ille turgebat, ut Pharos illa celeberrima, *Eddystone* appellata, quæ fuit e regione *Plimuthæ*, tamquam in contemptum *Æoli Neptunique* fabricata, quasi ludibrio habita, simul cum ædificatore dirueretur. Cujus utique tempestatis in hoc nostro Oceano si non eadem vis & potestas esse videatur, atque illarum in prædictis Oceani *Germanici* Exundationibus, propter majorem ab hisce stragem & damnum in *Hollandia Zeelandiaq;* factam; Litoribus hoc nostris rupibus

c mur-

munitis, quæ & duriores & altiores quam apud *Batavos* sunt, deberi judico.

TEMPESTATES [ut argumentum hoc conficiam] quæ in Oceanis *Germanico* & *Britannico*, nostra & patrum memoria sæviere, & de quibus omnino constat, adeo fuere turbulentæ ut si earum aliquæ in Chersonesum, ad hosce dies usque manentem, recta fuissent collineatæ, nullus (ut opinor) esset dubitandi locus, quin a tanta vi auferretur Isthmus : & tot annorum sæculis, quot illico dicentur, revera hoc accidisse, nequaquam improbabile videtur.

SIN ex *America* Turbo maris æstui superveniat, mare, cœlum, omnia miscens, omnia confundens, ac si naturæ instaret dissolutio, (posse vero hæc concurrere nemo sanæ mentis ibit inficias) en causam huic negotio parem ! Aquas Oceani super Isthmum efferentem, Terræ cutim abripieniem, viscera ejus exedentem, sabulum abluentem, totum denique Isthmum, crebris reciprocationibus, ad eum, in quo nunc est statu, reducentem.

AL-

ALTERUM hujus Dissertationis membrum jam aggrediamur, & speciatim inquiramus, utrum **exesa** fuerit **revera** hæc **Chersonesus**; annon. Si de ejus dividendæ modo, qui fieri posset, conveniat, magna inde lux emanabit, unde argumenta, quæ a Viris doctis passim afferuntur, ad divisionis hujus probabilitatem arguendam, **egregie** confirmabuntur: præmisso nempe (quod hæctenus fuit desideratum) Vento, ejusque in elidendo hoc Isthmo virtute, omnium causarum maxima, tantoque negotio (cum cæteris) pari. Horum ego argumentorum nonnulla persequar; sed leviter tangam, utpote ab aliis fusiùs antehac tractata.

PRIMO, Terræ jugum illud notabile, quod Freto subjicitur, (& de quo supra) quid aliud sibi vult, quam quod eo loci Terra olim multo altior esset; at Maris per aliquot annorum millia reciprocationibus, ad eum in quo nunc est statum, abluta & detrita? Præcipue, si advertamus Regulam hanc constantem & perpetuæ veritatis esse, *Maris scil. inum, quo magis*
C 2 *Oceanq*

Oceano præterlabente tritum, (quantum patitur ejus durities) eo magis planum & æquale reddi.

QUID deinde Rupes in Freti Litoribus oppositis, five Montes prærupti, albi, ex eadem materia, Calce nimirum & Silice compositi, ad sex utrobique milliaria, sibi invicem, tamquam Tesseræ respondentes; quid, inquam, volunt, nisi olim interfringi se, & ablutione Terræ interpositæ disrumpi?

TERTIUM apprime convenit cum isthac Chersonesi *Britannicæ* opinione, tractus illius, qui hodie *Rumney-Marsh* appellatur, ratio & ingenium. Durante enim Isthmo, cum Oceani fluxus eo tamquam obice sisteretur, æstuarium eum necesse erat, atque adeo Terram illam *Rumneensem*, utpote planam & humilem, in propinquo exundare. Hoc ostendunt Oceani *Britannici* Fluxus, hodieque hac planitie altiores, aggere fortissimo & magnis sumptibus aspulsi: Dentes item ostendunt, atque Ossa, five Hippopotami, five alius cujusdam marini animalis ¹ anno

¹ Vide Clariss. Somneri *Diatribam* *Chartham-New*s appellatam: *Athorum Philosoph.* No. 272. Et Clariss. Wallisii de hac Chersoneso *Dissertationem.* *Ath. Phil.* No. 275.

no 1668, *Charthami* altitudine pedum 17, dum puteus aperiretur, eruta: at luce clarius ostendit Anchora, non ita pridem ex alto loca hæc circiter effossa. Perrupto autem Isthmo obiceque jam remoto, Oceani unda subfidit, a Terra illa recessit, in alveum se contraxit; unde quæ olim Æstuarium, hodie Planities, longa viginti milliaria, lata octo, eaque fertilissima, bobus saginandis aptissima reperitur.

NOVISIME, fac Chersonesum olim fuisse, Lupos, aliaque animalia, generi humano inimica, posse huc migrare, conceptu facillimum est: at si illa non fuit, navigiis ea, tamquam ad tuendas & conservandas eorum Species, advehi, stulte cogitabimus?

NEQUE me moratur, quod nulla sive *Latinorum*, sive *Græcorum*, sive alius cujusvis populi Historia Chersonesi hujus abruptæ mentionem fecisse perhibeatur, (quamvis hoc nequaquam ex omni parte verum :) Dic fodes, Historiæ quam brevis sit ætas, si ad ætatem mundi comparetur. A rerum initio ad primam, quæ nunc exstat (i. e. *Herodoti*) Historiam, 3500 circiter anni sunt; & a *Noæ* Diluvio,

vio, 1800. At tam immenso temporis spatio (quod supra innuimus) quæ Causarum accidere possint συζυγίαι; quæque ex iis in orbe nostro fieri mutationes, nemo tam cito statuere debet.

DIXI hoc nequaquam ex omni parte verum: quid enim planius illo Virgilii,

¹ —Penitus toto divisos orbe Britannos.

[Nonne putatis, (inquit eruditissimus & Antiquitatum Britannicarum scientissimus ² Joh. Twissus) vocabulum [divisos] habere eam vim ut significet abscissionem alicujus ab aliquo? Et Auctorem mire gnarum significationis fuisse, & rerum antiquarum maxime peritum, & bene memorem sui?] Ad hæc verba Servius [Quia olim juncta fuit Orbi Britannia] Nihil clarius esse potest ad demonstrandum Isthmi hujus divisionem veteribus fuisse notam. Huic ³ Claudianum Illud convenit,

—Nostro deducta Britannia Mundo.

Ut

¹ Ecloga 1.

² De rebus Albioniciis, pag. 22.

³ De Consulatu Mallii Theodori. V. 51.


Ut omnino frustra esse *Vossius*, & nimio plus *ὑποδέσσει δουλεύειν* existimetur cum in Fabellis *Aegyptiacis* (quo nempe suæ opiniononi habeatur honos) eam poni voluerit.

IN naturæ rebus exquirendis permultum interest, *Causarum συζυγίας*, earumque operandi modum peculiarem attendere: Cum enim *Causæ* simplices plerumque debiliores sint, & proportionē languidius agant, e diverso *Compositæ* plus habent virium, & fortius, imo mirum sæpe in modum valide, operantur. Palam & aperte rem hanc probabunt *Exempla*. Medicinam exercenti *Tussis* sine difficultate sæpe mitigatur, aufertur; quæ tamen in corporibus *Phthificis*, ubi malo favet imbecillitas pulmonum, periculo non caret: si vero *Diathesi Phthificæ Arthritidis* se junxerit, in *Pulmones* irruens *Anomala*, multo plus inde periculi; quod tamen adhuc gravius, si *Arthritis* ista *Scrofula*, vel *Luis Venereæ* *μιάσματι* debeatur: adeo nempe grave, quod ex *Phthisi* tam composita, & de *Arthritide*, deque *Patursa* participante, pauci admodum se recolligant, & salutem restituantur.

NAVI se in portum infinuanti opem fert Aquarum Fluxus, secundo eam Flumine propellens : Major autem est propulsio, si ventus insuper accedat, eamque acceleret : maxime vero omnium, si velis expansis & remis agitatis eadem promoveatur. Similiter, in Isthmum Oceanos *Britannicum* & *Germanicum* separantem, blandius hac atque hac conissat æstus aquarum modicus; arietat exundans : Plante Cauro & oceanum, e longinquo orientem versus impellente, vis augetur; maxime omnium si ex *America* Turbo fuerit : Causæ enim ita gradatim auctæ, tam virtute potentiores quam numero plures, Elemento, quod resistit, (i.e. Freti Terra) Elementum, quod oppugnat (i. e. Aquam) contra quam *Vossius* est opinatus, validius reddit; unde abluitor Isthmus, & Insula perficitur.

CONCLUDIMUS ergo e prædictis simul acceptis, *Britanniam non jam inde ab initio fuisse Insulam, sed ex Pæne-Insula factam* : idque, ut videtur, a Vento e sævioribus aliquo, cum Maris æstu concurrente & Isthmum perrumpente.

CAP.



TABULA BELGII BRITANNICI CHOROGRAPHICA.




BELGII nostri Tabulam hanc Chorographicam,
Georgius Musgrave. I.C.
 Frater carissimus, ab Charlton Musgrave in Com:
 Somerset Oriundus Reipub. Literariae D.C.Q. 1777
 MDCCXVII.

Notarum Explicatio

- ∞ Denotat Ogonem
- Insulam
- Urbem vel Pagum
- Castrum
- ▣ Tropæum Claudianum
- Viam Militarem
- Belgii Limites
- + Locum in quo Nummi seu Pavimenta fuerunt Detecta



C A P. I.

De Belgii nostri Limitibus.

§. I.



RES Britanno-Belgicas scriptu- Introdu-
tio.
ro, necessarium mihi videtur,
initio (tamquam earum sce-
nam) Nationis hujus *ἑσπερίαν*
explicare: Qua in re,
cum plurimæ occurrant difficultates, (nul-
li enim hic *Botontini*, nulli *Termini*, nul-
læ, quæ limites ostendant, *Ripæ strigæ*
inveniuntur) si, quod ubique summe pro-
babile verisimilitudinis speciem præ se fe-
rat, tradidero, etiamsi non pro dignitate
argumenti, nihilominus spero, pro Lecto-
ris Humanitate & Venia, satis me factu-
rum.

B

§. II.

§. II.

BELGIUM nostrum ea pars *Britannia* est, quæ a *Belgis*, huc e *Gallia* demigrantibus, superata, ab iis sibi nomen adscivit, *Limitesque* longe lateque prætentos hunc in modum accepit.

*Limites
primo breviter*

QUA ad *Mare Britannicum* patet, ab Occidente, *Durotrigum* Promontorio, in *Purbeck* Insula, terminabatur; ab Oriente, *Portu*, qui a *Ptolemao* Μέγας Λιμὴν appellatur: Hæ *Extremitates* quadraginta circiter *Leucas* a se invicem distant, & in iis Promontoria sinum faciunt, qui *Vestim* Ins. sibi objectam habet, quam, velut ambabus ulnis, amplecti nititur.

A B hac ora, versus *Septentrionem*, & deinde procul Occidentem versus, *Belgium* exporrectum est; forma digiti *Indicis*, curvati; latitudinem habens summam quadraginta milliarium.

Delineati.

A D mare, ubi incipit, hinc *Durotrigum* terra; illinc, in oriente, *Rhegno* intercluditur. Paulo altius *Segontiacis*; tum, ad lævam, *Atrebatii*; & eos proxime *Dobuni*, ad *Fretum* usque *Sabrinianum*, adjacet. Quod reliquum est, ejus quasi dimidium, a meridie & occasu hic *Durotriges*,

triges, illic *Dunmonios*, a Septentrione Fretum isthoc interjacet.

§. III.

HOSCE *Belgarum* Limites, ut, quam possim, accurate persequar, a *Durotrigibus* eos separavit, ita mihi videtur, *Avona fl.* ex adverso *Vecti Ins.* Promontorio; se in mare *Britannicum* exonerans. Neque enim * *Tabulis Britanniae Romanae, Camdeno*, vernacula lingua edito, annexis, aliisque recentiori, quæ *Belgium* ultra *Alatum* in occidentem extendi facit, adhibere possum fidem; cum ita positi Nationum harum Limites, nullo probabili argumento fulciantur: e contrario, longe satius, & Antiquitati convenientius est, a Fluviiis & Montibus, terminis scil. a Natura fixis, hos & hujusmodi Limites statuere.

*Secundo
loco fustus.*

*Tabula
vet. Belgii*

NEQUE uno isthoc nomine *Belgium* justo latius exhibitum: In eo Tabula porro corrigenda, quod *Vindogladiam*, (*Winborn*) *Durotrigum* Urbem, contra *Camdeni* sententiam, ipsiusque rei probabilitatem, (est enim a mari non plus quatuor vel quinque milliaria) in *Belgio* locari faciat.

B 2

§. IV.

* *Vide Atlantis Geograph. N. 1.*

§. IV.

Exmore
in Comi-
tatu So-
merset.

CONTENDAMUS hinc ad occiden-
tem; ubi Punctorum Linea, *Belgium* a
Dunmonio in Tabulis prædictis separans,
per Regionem montosam, *Exmore* hodie
nominatam, ita ducitur, ut eam dividat,
ejusque partem magnam *Belgis* attribuat:
Hoc *Camdeni* forsan ex Sententia factum;
qui, ad eundem pæne modum, inter Co-
mitatus *Somerset* & *Devon*, Regionem
hanc divisit. At neutrum satis auspi-
cate: neque Comitatus, neque *Belgii*
Limites hoc modo recte exponuntur. Pri-
mum enim, *Exmore*, contra quam a *Cam-*
dено declaratur, *Somersetiæ* pars est: ut
in illius *Perambulatione*, a Fratre nostro
Juris *Anglorum* Municipalis Consulto
scripta, (cum haberet vicinia *de Legibus*
Agrariis controversiam) e Tabulis publi-
cis, docte & luculenter ostensum est. De-
inde, *Belgas* sterilem & montosum illum
terræ tractum in occidente invadere, vel
subigere voluisse, nullam veri speciem
præ se fert; sed tantum Agri *Somersetten-*
sis illam in occidente vallem, quæ iis, citra
montes ad *Dunstar* usque pertinens, omni
fere ævo grata, salubris, & jucunda fuit,
Agri-

Agricolæque voto respondens. Comitatus ille in occidentem, antiquo *Belgio* quindecim milliaria longius excurrit; quod iccirco, linea breviori arcu ducta, brevius a nobis, quam in Tabula prædicta, designatur.

§. V.

AT de *Belgii* Limitibus, ubi ad Septentrionem maxime vergit, & *Dobunos* attingit, major adhuc difficultas. Gravissima viris Litteratis, hac de re, suborta fuit disputatio; quorum alii *Cangos*, eum terræ tractum, qui hodie *North-Wilt-shire* & *Somerset-shire* appellatur, incoluisse volunt; alii contra, ad *Devæ* Flumen, & mare *Hibernicum*, illos abigunt. Argumentis & multis, & probabilibus, uterque partes acriter defendunt; quæ, cum *Belgarum* interesse video, perpendam, & *Litem* [*de Patria Cangorum*] pro virili, dirimere conabor: etsi de hac re alibi verba in transcurso feci.

QUI in *Belgio* ponunt eos, ab Oppidorum & Vicorum, &c. (ut *Kainsham*, *Wincaunton*, sive *Cangton*, *Cannington*, *Alcannings*, *Caln*, & unius Centuriæ *Cannings*) nominibus, ad hunc usque diem in eo retentis,

De Patria Cangorum.

Eos in Belgio habitasse,

Quæ argu-
menten-
tur:

tentis, tamquam veterum *Cangorum* inibi
vestigiiis, argumentantur. Tum a Regio-
nis hujus situ, qui [*hand procul mari, quod*
Hiberniam Insulam aspectat:] *Taciti*
verba, de *Cangis*, *Sabrinæ* accolis, in-
tellegunt. Tum ex alio *Taciti* loco, ubi
tradit Historicus, *Ostorium*, post *Icenorum*
cladem, in *Cangos* exercitum duxisse,
[*cum orta apud Brigantes discordia a ter-*
go retraxere ducem:] Hinc enim argu-
unt, a tergo, ad *Sabrinam*, non ad *Devam* a
sinistra, fuisse *Cangos*; neque aliter *retra-*
ctum iri posse Ducem. Porro a vocabuli in
Cæsaris *Commentariis*, lectione *Lipsiana*,
nempe [*Iceni Cangis*] pro [*Cenimagni*]
Cangos, ex sententia *Cæsaris*, juxta *Segon-*
tiacos & *Bibrocos* esse.

§. VI.

Et ad ea
quæ re-
spondeant,

SED his ad manus sunt responsa: pri-
mo enim, quod ab *Oppidorum*, &c. No-
minibus urgetur argumentum, non aliud
esse judico, quam de quovis alio pæne
Comitatu, quod urgeri possit. Enim-
vero facile est, *Verborum Etymologias*
excudere, & inanes super iis conjecturas
struere, proque vera & solida disciplina
venditare: quamquam alias utiles esse,
minime

minime negaverim. Tum advertere oportebit, π *Retrahi* non semper ad locum referri, sed aliquando ad *Rempubicam*; Ita *Cicero*, [*Retrahere aliquem a Rep.*] *Ad Studium*; Ita *Terentius*, [*Retrahere aliquem a studio.*] Omnium autem clarissime *Catullus* ad *Alphenum*, [*Retrahere se*] pro a coepto desistere.

[*Idem nunc retrahis te, ac tua dicta* Et verba, omnia factaque

Ventos irrita ferre, ac nebulas aerias sinis.]

Sic etiam *Horatius*,
[*Ac ne te retrahas, & inexcusabilis absis.*]
Et vergente Latinitate * *Capitolinus*, de *Maximino*, [*Exercitum ad suam militarem disciplinam retraxit.*] Unde manifestum est, π [*Retrahere ducem*] ita debere accipi, ut eo significetur, quod [*hæ Brigantum discordiæ a proposito* (persequendi *Cangos*) retraxere *Ostorium*.]

§. VII.

SED, tertio loco, a verbis descendamus ad res; & posito imprimis, *Taciti Icenos* supra dictos, ut & *Camalodunum*, Agri fuisse, qui hodie *Staffordshire* appellatur; Et facta
& ab illis, Viam militarem, *Ikenild-street*,
quæ

* In duobus Maximinis.

quæ Comitatum istum permeat; ab *hoc*, *Camalet*, oppidulum in propinquo, nomen accepisse; (quæ *Clariss. Staffordiensis Historici* sententia summe probabilis, ab *Additamentorum ad Camdeni Somersetiam* Auctore, concessa est;) positis, inquam, hisce, nihilominus cogitandum est, neque *Cangorum* motus, neque ipsos *Cangos*, citra *Devam*, id est, in Comitatu dicto *Cestriensi*, (quod Auctor ille vult) imo potius ultra, prope *Monam* Inf. fuisse: quibus positis, si a *Camaloduno*, ad *Brigantes*, linea ducatur recta, distabit a *Cangis* seditionem moventibus, ubi ad eos proxime accedit, minimum milliaria quadraginta: Ut *Discordiæ Brigantum*, a *Cangis*, non inepte dicantur [*Retrahere Ducem.*]

§. VIII.

INSUPER addi potest, si *Cangi Belgis* & *Dobunis* interpositi fuissent, captu esse difficile, *Ostorium*, militiæ prudentem, & *destinationis certum*, ne nova moliretur, nisi prioribus firmatis, ducto in *Cangos* (i. e. *Camaloduno* isto meridiem versus) exercitu, statim ad *Brigantes* (i. e. retro in *Septentrionem*, & quidem longe) *retrahere*. Nonne

ne fatius esset, & prudentiæ militari magis consentaneum, *Cangos*, *Belgis* & *Icenis* hisce interjacentes (si modo interjecissent) prius armis subigere, & in meridie secura sibi præstare omnia; quam relictis a tergo hostibus, (scil. *Cangis*) longe diffitos in Septentrione *Brigantes* invadere. Adeo licet, ab exercitus *Ostoriani* ductu, contra *Cangorum* in Belgio nostro sedem, argumentum afferre.

DE Lectione *Lipsiana*, facile est repone-
re, si *Cangos* ea *Bibroecis* & *Segontiacis* vicinos, ex mente *Cæsaris*, arguere judicetur; quibus artibus, quo vehiculi genere *Icenos*, sive illos Agri *Norfolciensis*, sive hos *Staffordiensis* (novis uti vocabulis necesse habeo) illuc deducamus. Præterea, *Cangi* ad *Devam* habitantes, a *Belgis*, quam *Iceni*, non sunt multo remotiores: ut, ab ista Lectione, quid in hac re frugis oriatur, nullus intellegam.

§. IX.

EX altera parte stat *Ptolemæus*, cujus hac in re auctoritas magni profecto æstima-
manda. En! Illius verba, a Clariss. *Ga-*
læo sic correctæ. Δοβένοις [Ἰσάκειν?] Βέλ-
λαι, καὶ πόλεις Ἰθαλῆς, Ἰδαυτὴ Θερμαῖ, Οὐενία,

Ex altera
parte stat
Ptole-
maeus.

τῶν δ' ἀπὸ δυσμῶν καὶ μεσημέρας Δρεϊτεργε.
Unde patet *Dobunis Belgas*, sic, ut iis vicini sint proximi, subjacere. Hoc enim vocabulum [ὕπόκειν] tam hic, quam alibi sæpiissime in hoc Auctore, significat. At cum *Agros Glocestrensem & Oxoniensem*, omnium, ut opinor, ex sententia, tenuerint *Dobuni*, qui fieri posset, ut iis ὑπὸκειν, sive proximi vicini possent esse *Belgæ*, si hisce populis (*Belgis & Dobunis*) interponerentur *Cangi*. Deinde, quoniam mos est *Ptolemæi*, primum Populos, tum eorum Urbes recensere; *Ischalin & Aquas Calidas*, quas illi, qui contrarium tuentur, *Cangorum* Urbes esse judicant, non minus quam *Ventam*, *Belgarum* Urbes esse, manifestum est.

§. X.

Cango-
rum pa-
tria circa
Devæ o-
stium.

SED *Cangis*, ut vagis, ut extorribus, ut incerti Laris hominibus, ne parum humanus esse videar, nisi Terram, quam incolere possent, aliquam statuero; iis (ut in transcurso id dicam) assignanda mihi videtur ex antiquorum opinione illa, quæ Fluvii *Devæ* circa Ostium est, & *Ordovicibus* ab Austro, & qua ad mare pertinet, *Hibernico* mari includitur. Ibi enim, quod

quod de *Cangorum* Patria narratur, [*ventum, haud procul mari, quod Hiberniam Insulam aspectat.*] Et quidem melius, quam de *Sabrina*; ubi *Trajectus* in *Hiberniam* multo longior, & difficilior. Ibi *Ptolemæi* *Κασιναίων ἄνερον*, i. e. *Canganorum*, sive *Cangorum*, Promontorium, (hodie *Lbyn*, in *Caernarvon-shire*.) Illinc itum facile in *Brigantes*, in *Silures*, in *Ordovices*; quod ab *Agricola* factum est: ut totius orbis una sit hæc terræ portio, cui istæ hæc omnia tam adamussim, & tam apte conveniant, aut quæ adeo juste de *Cangorum* patria gloriatur: præcipue, jam dictis si fidei indubitatae unum superaddam, nempe *Inscriptiones*, numero viginti, in totidem Laminis plumbeis, sæculo dudum elapso, apud *Cornavios* inventas: quæ in *Camdeno* ita leguntur,

IMP.DOMIT.AVG.GER.DE.CEANG. Quod patet
Inscriptio-
nibus.

id est, *Imperator Domitianus, Augustus, Germanicus, de Ceangis*, sive *Cangis*.

HÆ sunt testes incorruptæ, certissimæ, locupletissimæ, uno ore probantes, *Cangos* istius esse regionis, & ex consequenti (quod ad rem nostram maximopere facit) a *Belgio* procul remotos. Harum, uti videtur

detur, ob testimonium, Cl. *Camdenus*, qui priori sententiæ aliquandiu favit, palinodiam cecinit, & tandem ad *Devam* habitare *Cangos* opinatus est. Hujus opinioni tam bene confirmatæ, una cum *Lipſio* libens acquieveram, nec Quæſtionem, ſi non abſolutam, at certe ſopitam, denuo citaveram, niſi eam iterum moviſſet *Literatorum* par nobile; & de patria *Cangorum* iterum quæri cœpiſſet; unde *Belgio* noſtro periculum.

§. XI.

Quo anno
illi ab A-
gricola
ſuperati.

CANGOS Agricola, (placet enim obiter rem admodum curioſam, paucis ultra perſequi) redactis *Ordovicibus* & *Mona Inſula* perterritos, [quinto expeditionum anno domuit, cum eam partem *Britanniæ*, quæ *Hiberniam* aſpicit, copiis inſtruxit, in ſpem (adeundæ *Hiberniæ*) magis quam in formidinem.] Hunc *Taciti* locum, de *Cangis* hoc anno ſuperatis, intelligi debere, vel eo liquet, quod iſta *Laminarum Inſcriptio*, cum loco *Taciti* jam citato, tamquam *Teſſera*, concordet. *Laminæ* enim oſtendunt, Imperante *Domitiano*, ſuperari *Cangos*: *Taciti* verba declarant ab *Agricola* præclare acta, quinto

quinto expeditionum anno: Hæc autem anno *Domitiani* Imp. primo, acta sint, necesse est; cum ab eodem Historico tradatur, in *Caledoniam*, anno subsequenti, duce *Agricola*, penetrasse exercitum; ibique per reliquam ejus administrationem tempus exegisse. Utque isthæc *eiusdem* esse anni, sic & *eiusdem* viri, atque adeo *eadem* facta sine dubio videntur. Hinc elicitur, ubi gentium *Patria Cangorum*, & a *Romanis* illi quando, (nempe primo *Domitiani* Imp. anno,) & quo Duce, (nimirum *Agricola*) subigerentur.

§. XII.

RE *Cangorum* absoluta, superest, ut e *Belgii* o-
Belgio nostro *Rhegnos* amoveri faciam, ram mari-
 itaque *Limites* ejus ex omni parte vindi- timani
 cem. Hos in ora *Belgii* maritima locavit
 Auctor gravissimus, *Guil. Camdenus*:
 [*Proxime* *Atrebatios*, inquit, *ad solem*
orientem Regni, *Ptolemæo* *PHINOI*, regi-
ones eas, quæ nobis nunc *Surry* & *South-*
sex vulgo vocantur, cum parte *Hantoni-*
ensis Agri maritima, *insederunt*.] De
Belgis, ait, eos esse [*qui longe lateque ha-*
bitarunt, *per regionem* *Somerfettensem*,
Wiltoniensem, *Hantoniensisque Agri par-*
tens

In meri-
die,

tem interiorem.] Huic opinioni visus est vir Doctissimus ideo favere, quia *Rhegnum*, Urbem ad *Alaunum* sitam (cum Terra adiacente) *Rhegnos* habuisse dominos, si non & conditores, ex similitudine Nominum, opinatus est. Quoquomodo res ea sit, a prima regionis huius possessione, & *Belgii* nomine ei a Victoribus imposito, *Belgas* eam sub imperio tenuisse, mihi persuasum habeo.

Coluere
Belgæ.

NAM cum eum e *Gallia* populum *Britanniam* invasisse; cum immensum ejus tractum in ditionem redegis- se; & redacto illi nomen impertivisse, omnino constet, & omnibus in confesso sit; quis, obsecro, probabilior aditus? quæ, ad illam *Britanniæ* partem, via patentior, quam per regionem ejus maritimam? Vero non absimile est, ad *Clausenti* Sinum, aut *Litus* ei proximum, orientem versus, ap- pulsos, e Navibus eos in arenam descen- dere; ut & Terræ potitos, illam ipsam in potestate servare: eo nimirum, ut ne in patriam reditus, neve cum ea commerci- um intercluderetur. Quid quod ipse *Cæsar*, haud ita multo post, quam *Belgæ* huc commigraverint, de hujusmodi profugis in *Britanniam* * affirmavit, [*Eos mariti- mam in hac Insula partem incolere.*]

S.

* De Bello Gallico, Lib. V.

§. XIII.


HOC a *Ptolemæo* tam magnopere *Quod ex*
confirmatur, ut *Rhegnis*, e contrario, in *Ptole-*
Durotrigum viciniam admissis, celeberrimus ille Geographus sibi vix constare videatur. Repetamus ejus supra laudati verba, Βέλγαι — Τέτων δ' ἐνὶ δυσμῶν καὶ μεσημέρας Δυερίτης. id est, *Belgis versus occasum & Austrum Durotriges*. Unde patet, a *Ptolemæo*, Nationum Regionibus assignandis maximam partem perito, *Rhegnos*, ut *Durotrigibus* conterminos, non exhiberi. Contra, illum asserere [*versus Occasum & Austrum, post Belgas, esse Durotriges.*] Hoc autem posito, *Hantonienſis Agri* partem maritimam, ætate *Ptolemæi*, non a *Rhegnis*, sed a *Belgis* habitari, certissimum est; quando illi, & quidem uni, versus occasum, ἐπὶ δυσμῶν *Durotriges*: Quod & ipse *Camdenus*, sui non nimium memor, non procul a loco jam citato, asserit, hisce verbis, [*Durotrigibus ad Septentriones, & Ortum, prætendebantur olim Belgæ.*]

BELGIS igitur, remotis hinc ad Septentrionem *Cangis*, illinc ad Orientem *Rhegnis*, Regio sua, quasi postliminio, restituatur.

CAP.



C A P. II.

De Belgii nostri Fluviis.

De Fluvio
Sabrina.



BELGII occidentalis latus Septentrionale *Sabrina* alluitur: de qua, priusquam de *Fluviis* minoribus, nonnihil edisseram.

SABRINA, a *Tacito* memorata, ducitur a veteri *Britannica* voce *Sabr*, quæ *Armorica* Dialecto servata, significat *Arenam*. Nihil enim hoc Fluvio rapidius, nihil *Arenam* magis devolvens. Oritur ille, cum *Fluviis* duobus aliis, ex radice Montis altissimi, apud *Ordovices*, *Plym-Llimmon* hodie dicti, in Principatu jam diu *Povisia* nuncupato. Circuitu longe facto, versus Septentrionem, *Uriconium*, (*Shrewsbury*;) dein *Brannogenium*, (*Worcester*;) deinde *Glevum*, (*Glocester*;) nobilis Flu-

Fluvius, uni *Tamesi* secundus, adlabitur. Ubi *Dobunorum* innatat Terræ (*Glocestershire*) latius se extendit: at magis infra, cum *Belgium* adtingit; auctus scil. a Septentrione, Fluvio *Vaga*, (*the Wye*): a meridie, *Avona* (*the River Avon*). Hic loci ille *Trajectus*, qui *Romanorum* temporibus insignis, iisque utilissimus fuit: eo enim ab *Olbury*, ad Ripam oppositam (quæ duo circiter milliaria distant a se invicem) statuto, magna hic tam pace, quam bello, rerum fuit *Trajectio*: Nunc *Copiæ*, nunc *Annonæ*, nunc *Ferrum* e *De Traje-*
Fodinis crudum, nunc in *Fornacibus* coctum, nunc *Arma* militaria transvehantur, a *Venta Silurum* cæteraque eorum regione, ad *Aquas Calidas*, & in iis præcipue *Fabricam*, & in omnem *Belgii* Regionem; sic, ut etiam ex contrario multa. Sed in *Bellis* maximi usus fuit hæc *Trajectio*, cum *Silurum* Gens, super propriam ferociam *Caractaci* viribus confisa, non nisi *Castris Legionum* (ut refert *Tacitus*) premenda foret, & ab *Ostorio* peteretur: vel cum a *Julio Frontino* (quod probabilius) subigeretur. Cum *Belgium* adluit *Sabrina*, Fluvio *Osca* (*Usk*) in se admissa, ad latitudinem trium leucarum expanditur; & paulatim magis; ubi scilicet

De Uzel- licet Æstuarium *Uzella* dictum. Nomen
la. illi Græcum apud *Ptolemaum*, *Ουζαλα*
ἄρσις; quod a *Frontini* militibus forte im-
positum, cum in subigendis *Siluribus* oc-
cupati Fretum hocce crebro transfretave-
rint. De nominis ratione dicam mox:
sed hic loci præterire nequeo, *Uzella* Æ-
stuarium, male a Clariss. *Cellario*, ubi a-
pud *Dunmonium Herculis* est Promonto-
rium (ut & hocce nomen longe versus oc-
cidentem) adfigi; cum revera *Isca Silu-
rum* ex adverso sit. *Sabrina* inferius se
paulatim coarctat, ubi extremitas *Belgii*
(*Minehead*) opponitur *Bovio*, (*Boverton*.)
Late tunc in *Silurum* terram irrumpens,
finem facit duplicem; in quorum altero
Tobii ostium, (*the Mouth of the River*
Towy,) & *Barry* Insula. Inter *Herculis*
Promontorium, & quod illi opponitur,
S. Goven, (quæ leucas circiter duodecim
distant) ore aperto se exonerat in Ocea-
num, qui a *Ptolemao* dicitur *Ὀυερναις*, &
Ὀυερναις.]

§. II.

De Fluvio
Tona:
ubi oritur.

TONA Fluvius in *Belgio* occidentali
oritur, sive potius ipso *Dunmonio*: Nam
in occasum non tam olim exporrigi *Bel-
gium*

gium, atque nunc Comitatus *Semerfensis*, supra retulimus. Ex monte oritur, qui hodie *Clotworthy* dictus, Familiæ sui nominis amplæ, & honestæ, quæ per *Dunmonium* & *Hiberniam* late se diffudit, nomen dedit, vel ab ea cepit. Non procul ab origine præterfluit oppidulum, olim *Wivelcomb*, nunc autem breviter *Wilscomb*, appellatum; quasi *Wivelli* Valliculam: Ea profecto vocabuli Etymologia maxime probabilis; *Comb* enim, *Britannice* *Kum*, fitum loci depressiorem indicat, & nunc in nominum initio, ut in *Comb-Martin*, *Comb-Flory*, *Comb-St. Nicholas*, *Combwich* (alias *Com-wich*) *Comb-Rawley*, aliisque: Nunc in eorum fine, ut in natali nostro *Nettlecomb*, in *Holcomb*, *Ashcomb*, *Vowelscomb*, *Branscomb*, *Illfordcomb*, *Withicomb*, *Crowcomb*, *Timbercomb*, *Salcomb*, *Luccomb*, &c. reperitur: adscito scil. interdum *Herbæ* cujusdam, interdum *Arboris*, eo loci abundantis; sæpe vero, ut in hoc casu nostro, Possessoris nomine. Hujusmodi locorum Nomina, in Comitatu *Somerfet*, *Devon*, & *Cornubiensi* (1) frequen-

Comb
quid significet.

D 2

quen-

(1.) Vide Regulas generales de Nominibus Locorum Chronico Saxonico subnexas: voce *Comb*.

quentia, *Britannos* fedibus exutos, ibique Salubritatis ergo confidentes, iis impertivisse, (quæ Reverendi admodum Episcopi *Lincolniensis* est Sententia) probabile reddunt.

VERUM e diverso per hæc Nomina, (1.) qui in iis locis *Castra* fuisse intelligunt, operam (uti mihi videtur) egregie ludunt. Neque enim ita sentientibus, five rei, five nominis ratio favet: Non Rei, quando *Castra* in locis editioribus, five planis, solebant esse; *Combæ*, uti dixi, in depressioribus: porro *Combæ* sunt quamplurimæ, ut in *Belgio* occidentali, & *Dunmonio*, ubi veterum Castrorum a *Romanis* exstructorum nulla omnino vestigia cernuntur. Et, si vocabula spectemus, *Combæ* cum *Castro* nihil habet affinitatis.

Romanos
stationem
habuisse
apud
Wilf-
comb,

INTEREA minime negandum est, *Romanos* hoc terræ tractu versatos, stationem in eo forsitan habuisse: quod ostendit Olla Nummorum plena, non ita pridem ibi effossa: quorum aliquot ad me delatos, *Diocletiani Aug. & Maximiani Nob.*

(1) Vide Villare Cantianum Thomæ Philipot Armig. pag. 162, 3.

Nob. esse reperi; proindeque Imperio in Britannia vergente Romano, fuisse conditos: qua nimirum ætate Romanis, hinc in alias Provincias evocatis, (proculdubio spe reditus) Thesauros sub Terram abdere, quod Historici tradunt, in more fuit. [Anno CCCCXVIII, ait Chronicon Saxonicum, Romani coacervarunt omnes qui essent in Britannia auri thesauros, ac partim in terram occultabant, ubi nullus reperire posset, partem in Galliam secum asportarunt.] Sed, qui ad rem nostram propius accedit, ita *Willielmus (1.) Malmesburiensis [Scotorum & Pictorum incurfione mortales multi cæsi— turbati Insulani, qui partim sepultis thesauris, quorum plerique in hac ætate defodiuntur, Romam ad petendas suppetias ire intendunt.]* Hoc autem A. D. factum est CCCCXLIX. Post Romanorum ex hac Insula discesum, eorum pecunia non abscondita utebantur aliqua *Britanni*, quam etiam, sub adventum *Pictorum & Scotorum*, humo mandavere. Raro post hæc in communi usu, apud *Britannos*, Romana fuit pecunia: suffecta, in ejus locum, est *Saxonica*. Nam de Nummo veteri *Bri-*

Ostendunt Nummi, ibi inventi.

Quo tempore defuit usus Romanæ apud nos pecuniæ.

(1.) *Lib. I. Cap. I. De Gestis Regum Anglorum.*

Britannico, (cuius in permutationibus usum memorat *Julius Caesar*) constat eum, edicto *Romanorum* Impp. [*Ne quis in Britannia Nummis, nisi signatis Caesarum Imaginibus, uteretur,*] de quo edicto (1.) *Gildas*, fuisse jam olim suppressum.

AB hoc oppidulo *Tona* labitur orientem versus, & Rivulis hinc illinc aucta, *Vallem* permeat, (in qua *Taunton-Dean*) omnium fertilissimam, frugum & fructuum ubertate celeberrimam, neque Agro sive *Brabantico* sive *Longobardico* facile cedentem. Hic *Tauntonæ*, Lanificiis celebri, nomen dat. Milliarium cursu pene recto, circiter XX, a prima scaturigine confecto, nonnihil ad Boream flectens, secum *Jvella* miscet. *Tonæ* fluvio, in *Jvellum* illapsuro, adjacet *Athelney*, locus in Paludibus eminentior, & qui olim non nisi difficulter adiri potuit. Huc *Ælfredus* Magnus ille *Saxonum* occidentalium Rex, a *Danis* in fugam actus, se corripuit, & in *Bubulci* tugurio delituit: quæ de re plura, in (2.) Dissertatione, de huius Regis Cimelio ibi dudum invento. De *Athelney* notandum est, non ejus situm in angulo fluviorum *Tonæ* & *Jvelli* con-

Tona ad-
luitur Re-
gio ferti-
lissima:

In qua A-
helney.

confluentium acuto esse, quod a Clariss.
 (1.) *Spelmanno* dictum; sed extra, in angulo obtuso, prope *Tonam*: Deinde, Nomen ejus primum *Athelney* fuisse; quod, ob Nobilium ad Regem *Ælfredum* ibi concursum, in *Æthelingaigge* (*Saxonice* vox hæc Insulam Nobilium significat) mutatum est: postea nomen antiquum in usum denuo revocari; non autem (quod *Cl.* (2) *Camdenus* innuere videtur) locum hunc initio dici *Æthelingaigge*.

§. III.

JVELLUS Fluvius in *Durotrigum* terræ De Jvello
 illa parte oritur, quæ nunc *Strangwaio-* Fl.
rum est Vivarium, amplissimæ & ditissimæ illius Gentis hæreditas, & Domus altera, sane quam augusta, *Melbury* nominata. Flexiones & diverticula Fluvius iste permulta habet, donec in Septentrione, facto circiter sexaginta milliarium decursu, in Fretum *Sabrinianum* influit. Non longe a Capite, propter Aquæ rivum, *Jvellus* est oppidulum, a Fluvio nomen

(1.) *The Life of King Ælfred the Great, Lib. III. Sect. II.* (2.) *Vide ejus Britanniam, in Comitatu Somerset.*

men accipiens; qui declinante, sæculis
hisce novissimis, *Ischali*, (ut ex aliis aliæ
nasci solent Urbes, Provinciæ, Regna, &
Imperia) non parum auctus est; hodie-
que Linc, quo abundat ea regio, fabulo-
ne rubicunda, & ex eo confectis, in foro
venum datis, celeberrimus est.

§. IV.

De Cado
Fl.

CADUS in *Jvellum* se exonerat; qui
ab oriente currens, apud originem *Cama-
letum* habet, tam arte, quam natura col-
lem munitissimum: de quo subter in suo
loco. Paulo infra confluentiam, *Ischalin*
præterfluit, Urbem olim præclaram, ne-
que nunc ignobilem, utpote in qua con-
ventus sint de Repub. frequentes; eique
nomen imponit *Ivel-Chester*, vulgo *Ill-
chester*. Deinde, accedentibus uno alte-
roque ex aquilone Rivo, *Tonam* comple-
ctitur, sinu suo fovet, & juncta aquarum
vi in *Sabrinam* effunditur.

§. V.

De Bryo
Fl.

PROPE effusionem ostio vicino *Bry*
fl. se exonerat: oritur hic Fluvius in ori-
ente juxta *Sturiodunum* (*Stourton*;) ubi
cer-

cernuntur hodie Munitiones; sed utrum hæ *Romana*, an *Saxonica*, an *Danica* sint originis, id neutiquam apparet. Hac regione Pagus est *Charlton-Musgrave* (liceat enim mihi pro Domo mea orare) qui a nostris Hominibus, ibi sedem, ducentis ante annis & quod excurrit, habentibus, cognomen trahit: in Tabula *Speediana*, ne dicam alias, id excusum est, ut ab aliis in vicinia *Charltonis*, (qui numero quamplures sunt) distingueretur. Retinetur Nomen, at Hæreditas, ex defectu generis masculini, per fœmininum alias avertitur.

OPPIDULUM *Bruton*, quasi *Bryton*, ab hoc Fluvio nominatur: Fluvius hic, cum *Ivell* dicam, an *Pedredo*, (nam utrumque nomen in usu fuit, sed hoc recentius) eodem alveo, nonnunquam *Evelmouth* appellato, se in Æstuarium fundunt; quod a Græcis *Ὀυέξαλα*, Latinis *Uzella*, & nonnunquam *Vaxalla* dicitur: quorum primum, a postremo duci, videtur; ut & medium, literis aliquantulum mutatis. *Ὀυέξαλα εἰσχυσις* cum sit apud *Ptolemaum*, qui sub *Antonino Pio* floruit, probabile est a *Julii Frontini* militibus (qui in *Siluribus* subigendis occupati, com-
Nomen
'Ὀυέξαλα
datum a
J. Fron-
tini mili-
tia.

E

perent)

perent) Fretum hoc *Sabrinianum* iterum
atque iterum navigantibus, id *Æstuario*
fuisse nomen inditum; sæculo jam a *Chri-*
sto exeunte primo; ante *Ptolemæum* di-
midio. Hi duo Fluvii, *Bryus* scil. & *Ivel-*
lus, seu *Pedredus*, una cum iis, qui in il-
los sese fundunt, planitiem illam in *Belgio*
occidentali pinguem & lætam, ab oppido
Wilscomb ad *Bruton*, XXVII circiter mil-
liaria longam, ab *Ivello* oppido ad Fretum
usque XXV milliaria latam, irrigant, &
mira fertilitate donant.

§. VI.

De Axa
Fluvio.

FLUVIUS de quo proxime verba
faciemus, *Axa*, & interdum *Vexalla* di-
citur: ex *Ogonis* Antro effluit, ipsumque
illud Antrum, Aquarum mutato cursu,
fecit. Nam cum olim (dicam, quod mi-
hi verisimile videtur) ex ore superiori,
quod Antri nunc est, erupit Aqua, nul-
lum omnino fuit Antrum: postea vero sub-
tus erumpente, & Antri, quod nunc est,
a latere Rivo effluente, (qui etiamnum
intimo ejus penetrati, tum auditur, tum
etiam visitur) Antrum est effectum.

DILAPSUS aliquot milliaria Fluvi-
us, Oppidulo nomen *Axmister* impertit:
De-

Deinde, cursu sinuoso in *Sabrinam* se, ex-
adversum Insulæ *Steepholms*, effundit,
Oppidulum istuc olim appellari *Vexam*
(a Fluvio procul omni dubio) tradit
Harrisonius: qui de Fluviis *Britannicis*,
ex *Lelando*, scripsit omnium enucleatissi-
me. Verum, uti patet huncce Fluvium
aliquando dici *Vexallam*, ab ejus ostio,
non procul a *Pedredi* (sive *Ivelli*) *Bryique*
concurrentium ostio communi, in Fretum
Sabrinianum aperiente, *Ptolemæus*, opi- Ptole-
nione nostra non satis accurate, nomen mæi Er-
᾽Ουέξαλαν, quod est istius Fluvii nomen, ror.
huic attribuit *Æstuario*; ut & cum qui se-
quuntur, omnes.

§. VII.

AVONA sequitur; cujus Nomen *Brit-* De Avona
tannice Fluvium generatim acceptum, Fluvio.
hic cum Latina terminatione speciatim
hunc Fluvium, ut alibi similiter alios,
significat. Oritur hic Fluvius in *Belgii* ea
parte, quæ maxime in septentrionem ex-
porrecta, *Dobunorum* terræ contermina
est: unde se ingenti ambitu incurvans,
Fluvios minores ex utraque parte accipit;
quibus insigniter abundans, tandem eo
descendit, ubi via militaris a *Verlucione*,

(*Westbury*) eum oblique secat, & alii mox a *Durocorinio* (*Circiter*) juncta, *Aguas Solares*, pari fere a Fluvio distantia, contendit. Uno ab Urbe lapide, Fluvio (sic, uti *Viæ*) *Julii Vitalis* Sepulcretum adjacet; de quo ¹alibi. In flexu ejus notabili, tamquam in Amphitheatro, Urbs est. Hinc in *Sabrinam* præcipitans, in ejus gremium post decem milliaria cupide recipitur.

NATIONES *Britannicæ* Fluviis sæpenumero distinguuntur, earumque Termini signantur; nimirum, quoad ejus fieri potest: quod tamen hic aliter multo: Nam *Belgium* hic ultra *Avonam*, extenditur; quod ostendunt *Aquæ Solis*, ejus (affirmante *Ptolemæo*) Urbs, ultra *Avonam*, eo ejus latere, quo sunt *Dobuni*, posita.

TRADIT *Tacitus* [*effusis in agrum Sociorum hostibus, detrahere arma suspectis, cinctosque castris Antonam & Sabrinam Fluvios cohibere (Ostorium) parare.*] Mirum, quantum hic locus Interpretum exercuit ingenia. Qui *Antonam* hic pro *Aufona* (*Nen*, *Northamptonæ* Fluvio) poni volunt, non attendere videntur, istam
Au-

Aufonam, mediterraneo ortam, in Oceanum Germanicum adeo recta tendere, ut ea, cum *Sabrina*, utcunque communita, hostes nequeant cohiberi. Pro *Aufona* proculdubio legendum *Avona*, & Præpositio *inter*, quæ transcribentium incuria videtur in MSS. omitti, restituenda: sicque legendum [*Hostes, cinctos castris, inter Avonam & Sabrinam Fluvios, cohibere* [Ostorius] *parat.*] Omnino hic loci Præpositio necessaria, qua restituta tenebræ dispelluntur: Vult enim *Tacitus*, [Ostorium *hostes, quorum magna pars Silures erant, in Dobunorum agros, qui Romanis Socii erant effusos, Castris cinctos ex intervallis, inter Fluvios hosce cohibere velle.*] Quæ utique significatio, & cum Historici mente, & decursu Fluviorum, cum primis convenit. Romanis *Avonam* hancce magno fuisse præsidio tutelæque, sic, ut Prætenturæ vicem habuerit, probabile est.

Taciti emendatio.

§. VIII.

FLUVIIS iis, qui in occidente & septentrione se exonerant, absolutis, ad eos

Ptole-
mæi Τρι-
συρῶν.

¹ Vide Camdeni Dobunos, in initio, & Dionem, Lib. LX.

eos circuitu facto jam denique transibo, qui in Oceanum *Britannicum* decurrunt. Horum primus *Τεσσίνων* a *Ptolemæo*, *Tesse* hodie dictus, longe a mari oritur, per regionem amœnissimam fluit, & cursu non multum impedito, amnicas plures facit insulas; donec in sui nominis *Æstuarium* aperit. Alium paulo infra Fluvium recipit hoc *Æstuarium*; qui tametsi nullo a veteribus nomine, quod ad nos pervenit, insignitus, Urbibus claruit duabus, quarum altera *Venta Belgarum* (*Wint-chester*) supra adjacet; altera *Clausentum*, (*Old Southampton*) infra prope *Æstuarium*.

§ IX.

Alauna, five Avo-na altera. HINC in occidentem eunti, *Avona* dicam altera se ostendi, an *Alauna*? Hoc illi nominis in Anonymo *Ravennate*, & *Ptolemæo*, quorum forsitan autoritate ductus, idem usurpavit Doctissimus *Camdenus*; prius illud *Lelandus*, *Harrisonius*, aliique complures. Nolo in re tam obscura, neque magni momenti, tempus impendere. Quilibet ingenio suo, per me fruatur. Unum hoc adjiciam, in *Britannia*, secundum *Camdenum*, plures *Avonas* esse Fluvios; & secundum *Ptolemæum*

μαῦν Ἀλαῖνον, Ἀλαύνον, Ἀλαύναν : ut in hisce Fluviorum nominibus decipi, sit facillimum ; nec quidem gravi culpa.


ORITUR hicce Fluvius supra, apud *Wolf-hall*, non procul ab *Atrebatiiis* ; ubi *Sancto-Mauri*, Gens Honoribus & Divitiis ampla, sedem olim habuere. Hinc ad mare, recto fere tramite festinans, *Sorbiodunum* alluit ; deinde *Sturam* (*the River Stour*) accipiens, in *Britannicum* effluit oceanum. Ante vero quam effluat, per milliaria aliquot *Durotriges* a *Belgis* separasse, & hisce Populis terminos statuifse, non immerito credi potest. Hujus & *Trisantonis* ostia dicuntur a *Ptolemaeo*, Ἀλαίνε & Τεισαύλων ποτὶ ἐκβολαί.

Hæc de Fluviis *Belgii* nostri, veteribus notis.

C A P.



C A P. III.

De Belgii Divisionibus.

§. I.

Belgii
pars a Se-
gontiacis
olim ha-
bitata.



TSI per multa annorum sæ-
cula *Belgii* nomen apud nos
duravit, Terræ tamen ille
tractus, qui eo significatur,
hoc tempore varias, non re-
solum, sed & nomine tenus, mutationes
subiit. Ut ab initio rem hanc deducam,
Belgium nostrum, ut in Tabula depictum
est, includit illam Regionem, quam olim
Segontiaci tenuere, quorum Metropolis
Vindonum, hodie *Silchester*; (de quo
posthæc in *Urbibus*). Populus iste i *Julio*
Cæsari, una cum *Ancalitibus*, *Eibroci*,
Cassii, aliisque, missis legationibus, sese
dediderunt. A *Belgis* autem, quod veri-
simile domiti subiectique, (ut erant *Bri-*
tan-

i *De Bello Gallico, Lib. V.*

tannicarum inter se nationum bella frequentissima, & omni imbuta odio) usque adeo ab iis extincti sunt, ut præter eorum nomina, vix quicquam hodie superfit. Terra eorum veteri *Belgio* fuit, jure belli, additamentum.

§. II.

BELGII pars alia est in continente mediterranea, alia prorsus Insularis, scil. *Vecta*; quæ omni fere ævo ad *Belgium* (uri nunc dierum ad Comitatum *Hamshire*) pertinere judicata est: Etsi enim ante *Belgarum* in eam descensum, uti etiam post *Romanorum* ex ea discessum, (quod a *Guil. Harrisono*, viro certe literato, & in describenda *Britannia* diligenti, *Lelando* uti suspicor, Auctore, pronunciatum) Regibus suis subiecta fuit; stante tamen tum *Belgarum*, tum *Romanorum* apud nos imperio, *Belgio*, tamquam illius pars, annexa est: & quidem merito, nam illius est quasi *Propylæum*; quod, qui *Belgium*, vel eo loci *Britanniam* aggredi conentur, auspicato (ut de *Vespasiano* constat) aggrediuntur.

*Illius alia
pars Insu-
laris.*

F

BEL

§. III.

Unde Se-
veria di-
cta sit, ans-
bigitur.

BELGII pars illa quæ *Sorbioduno* ad-
iacet, a nonnullis *Severia* nomen obti-
nuit: Sed quo auctore, quave de causa,
clam me est. [Severiani, inquit Nico-
laus 1 Lloydius, vulgo Wilt-shire-men:
teste (cognomine suo) Lhuydo, quorum
Urbs Severia, Salisbury, Urbs Angliæ in-
ter Wintoniam & Dorcestriam]. *Sorbio-*
dunum vult, quæ Urbs est inter *Ventam*
Belgarum & Durnovariam; sed viam mi-
litarem calcantibus; nam recta euntibus
longe devia est. Qui hocce nomen a
Severo Imp. trahunt, tamquam ibi moras
agente, nugantur omnino, & a viro na-
futo acrique D. 2 *Wharton*, non immeri-
to irridentur. Si quid huic nomini a *Se-*
vero insit, Beneficio cuidam ab Impera-
tore collato, ut erat ille beneficus, opti-
me potest attribui. In *Lelandi* 3 Com-
mentariis legimus [Wiltshire olim dicta *Se-*
veria, propter Gentis sevitiā.] Sed in
margine [*Ridicula Interpretatio, cum Se-*
veria a Severo Imp. dicta.] Rem obscu-
ram *Oedipo* cuidam in medio relinquam.

§.

1 Dictionario Historico-Geograph. 2 V. Antiquitates
Rutupinas. Pag. 64. 3 Collectaneorum Tomo Se-
cundo, Pag. 397.

§. IV.

NOTAT Doctiss. *Galæus*, ex *Catullo*,
 [Romanos *Insulam hanc nostram* & *Britanniam* & *Britannias* dixisse, imo *antequam in plures Provincias dividebatur*:
 Deinde [Britanniam a Severo per *Aggerem* a *Clausento* ad *Gabrosentum ductum*,
ita dividi, ut omnis Regio, ad orientem istius Aggeris, esset Britannia Prima, quæ propius Mari et Romæ adjacet, & quæ Dioni est ἡ πρώτη; illa autem ad Occidentem Britannia Secunda, & Dioni ἡ ἄνω.] Se- Belgium
 cundum hanc Divisionem erat *Belgium* pene omne
 propemodum omne in *Britannia Secunda*: in Britan-
 nimirum omne, excepta *Vindomi Urbe*, nia secun-
 & angulo illo *Belgii*, qui in orientem da.
 maxime se insinuat.

CAP. IV.

De Belgii nostri Urbibus.

§. I.

Urbes in
Britan-
nia quales
ante J.
Cæsaris
adven-
tum.



URBES in Belgio nostro, ne dicam in Britannia, quales essent, ante Julii Cæsaris adventum, optime ex illo Auctore, harum rerum oculato teste, & ex Strabone disci potest. [Oppidum, ¹ inquit ille, Britanni vocant, cum Silvas impeditas vallo atque fossa munierunt, quo incursionis hostium vitandæ causa, convenire consueverunt.] Hoc autem non tam Urbs populo habitata, quam Munitio videtur, qua is adversus hostem se defenderet, & tutum præstaret. ² Strabo

¹ De Bello Gallico, Lib. V.

² Geogr. Lib. IV. Ed. Amstel. MDCCVII.

bo ad rem nostram apertius [Πόλεις δ' αὐτῶν
 εἰσι τοὶ δρυμοὶ πεφορῶντες γὰρ δένδρεσι κατε-
 βεβλημένοις δρυχαρῇ κύκλον, καὶ αὐτοὶ ἐν αὐτῶν,
 καλυβοποιῶν, καὶ τὰ βοσκήματα κατασθμύουσιν,
 ὁ πρὸς πολὺν χρόνον.] id est, *Urbiam loco ip-
 sis (de Britannis loquitur) sunt nemora:*
*Arboribus enim dejectis ubi amplum circu-
 lum sepierunt, ipsi Casas ibidem sibi ponunt,*
Et pecori stabula condunt, ad usum quidem
non longi temporis. Καλυβοποιῶν, i. e.
 ex interpretatione Budæi, Gurgustia five
 Casas faciunt. Enimvero *Londinium,*
 hodie totius universi Urbs sine dubio am-
 plissima, Basilicis ornatissima, Populo re-
 fertissima, annis abhinc bis millenis a-
 bundavit Tuguriis, Casis, & Gurgustiis.

§. II.

ROMANI vero, rei militaris studio- Ex Ro-
mano-
rum Ca-
stris Ur-
bes.
 si, ut arte ea, quam omnium maxime cal-
 luere, victorias adipiscerentur, suoque
 hanc Insulam adderent imperio, locos
 eligebant hic illic ficcos, sed ubi pabuli
 & aquæ suppeteret copia, ad Castra idone-
 os; valloque eos cingentes, aliasque mu-
 nitiones adhibentes, in eos sese contraxere
 ad sui defensionem: Hinc in hostes subi-
 to irrupere, & inopinato sæpe oppressere.
 Quis

Quis in eorum Castris Portas quatuor, pari fere inter se distantia constructas; quis spatium ad vallum, quis Prætorium, quis Principia, quis Areæ reliquum pro militum ordinibus artificiose divisum observabit, & Urbis hodiernæ hæc esse rudimenta, ne dicam (ex *Vegetio*) *murtam* hanc *civitatem* esse, non opinabitur? Certe ex his initiis pleræque e nostris Urbibus cepere origines. Castra hæc, quod in plerisque constat, evasere Urbes, hodieque nomen *Chester* retinent: ad earum formam & modum aliæ postea complures sunt compositæ. Hæc de *Urbibus* his in Univerſum.

§. III.

Quorum
in Belgio
numerus
censetur.

SPECIATIM, Urbes sunt *Clausentum* (old South-Hampton); *Venta Belgarum* (Winchester); *Vindomis* (Silchester); *Brige* (Broughton); *Regnum vetus* (Ringwood); *Sorbiodunum* (old Sarum); *Cunetio* (Kennet); *Verlucio* (Westbury); *Ischalis* (Ilchester); *Aqua Solis* (Bath): de quibus singulatim.

§.

§. IV.

BRIGE apud *Antoninum* occurrit, & *Brige*,
Venta Belgarum M. P. XI. *Sorbioduno*
 M. P. VIII, (quod a veritate non multum
 abhorret) distare dicitur, iis interposita :
 Hujus Urbis hodie nulla sunt vestigia ;
 sic, ut de situ ejus sit dubitatio. Doctissi-
 mis *Camdeno* & *Galeo*, quos hac in parte
 sequor, eam ibi fuisse visum est, ubi Vi-
 culus nunc dierum *Broughton*, in *Gate-*
Hundred, Comitatu *Hamtoniensi*; nimi-
 rum illo terræ tractu, in quo sedem habet
 Vir spectabilis *Robertus Eyre*, Eq. Aura-
 tus, unus e Banci Regii Justitiariis, &
 soli natalis, & Regni Ornamentum. Via reficit iti-
 per hanc Urbem Militaris fuit, quæ ul- nerantes.
 tro citroque itinerantibus commodissima,
 sic, ut Urbs ipsa defessis & anhelantibus
 solatio fuit. Quicquid a *Sorbioduno* Cal-
 cariæ, quicquid a Fabrica *Bathoniensi* rei
 Ferrariæ, (ne dicam alia quamplurima) ad
Clausentum, in nationes externas exportan-
 dum, veheretur; quicquid etiam e con-
 trario rerum externarum ad *Sorbiodunum*,
 ad *Aquas Solis*, aliasque *Romanas* hac in
 regione Munitiones, *Clausento* importa-
 retur, hac via, perque hoc oppidulum,
 id

id ferri probabile est ; ut & horum itinerantium ergo, (nempe ut medio, *Ventam* inter & *Sorbiodunum*, itinere reficerentur) ipsam originem cepisse *Brigen* non est improbable, idque sub Imperii *Claudiani* exitum.

§. V.

Clauser-
tum.

CLAUSENTUM ad ostium Fluvii *Itchin*, ubi se in æstuarium ille *Trisantona* effundit, situm, plane ad Mercaturam fieri videtur : Etsi enim Fluvius iste navigia minime unquam actuaria tulit, tamen illius situs in ostio istius Fluvii, & ad illud Æstuarium, (in quo Viam militarem alteram a *Venta Belgarum* accipit, alteram ad *Regnum* mittit, quibus ultro citroque Merces tam exportandæ, quam advectæ, portari possent) abunde monstrat, Urbem istam Mercaturæ, cui, præsertim *Gallicæ* nuperis hisce sæculis servivit, ab initio fuisse dicatam. Origines ejus proculdubio sunt ab eo tempore, quo in *Britanniam Galli* primum transfretantes, hoc sinu e navibus descenderunt. *Vespasiano* ex situ commodum fuisse judico, cum ex Insula *Vecti* exercitum ille in *Belgio* exposuit. *Belgii* nostri *Clauser-*
tum

tum fuit Emporium; quo tum Ἐμπορί-
ον, tum εἰσαγώγημα, de quibus speciatim
infra, confluerunt. Distabat autem mil-
liare integrum aut amplius, a situ Urbis
Southampton hodie nominatæ, ea scil in-
terior. Munitionum etiam nunc vesti-
gia restant, appellata *Beavis-hill*, ac si
Belloveso, hujus Regionis *Herculi* se debu-
issent: His opponitur *Romana* statio a-
pud *Bittern*, quæ venerandæ antiquitatis
notas ostentat.

§. VI.

ATREBATIIS & *Cantiis* subjacere Regnum
Regnos asserit *Ptolemæus*, & *Antoninus* a vetus.
Regno Clausentum esse M. P. XX. tradit.
Nullus dubito, quin ante *Belgarum* e
Gallia in *Britanniam* adventum, oram cir-
ca *Clausentum* maritimam *Regni* incole-
rent, & ad Fluvium *Avona* congregati
Urbem ibi qualemqualem statuerent:
postea *Belgæ* in eam navibus exscendentes,
Regnos ab isto ditionis suæ angulo versus
orientem expellerent, *Regni* nomen a pri-
mis ejus conditoribus servantes. Hoc ni-
daretur, nescio quo pacto *Cæsari* & *Ptole-*
mæo, ex altera parte Itantibus (ut in Ca-
pite primo ostendimus) satisfaceret. Certe
G qui

qui oram hanc a *Regnis*, mediterraneum a *Belgis* simul semelque teneri volunt, *Belgarum* omne commercium cum *Gallis* intercludunt, Auctorumque illi nobilissimo pari se opponunt.

§. VII.

Vindomis Segontiacorum Metropolis:

SEGONTIACI Metropolim habere *Vindomin*, ab *Antonino* dictam, a *Camdeno* *Vindonum*: Erant illi *Regnis* & *Bibrocis* finitimi, & ex eorum numero, qui legationibus missis *Cæsari* sese dediderunt: Unde ab eo, in immortalis ejus *Commentario*, memorati, nomen alias peritum, ad hunc usque diem ab oblivione vindicatum habent. In *Gallia* caput Gentis suæ (*Doctiss.* referente *Galæo*) *Vindinum* agnoverunt, unde in his regionibus huic Metropoli gentile nomen, quod in MSS. aliquando *Vindini* legitur, imposuerunt. Eum terræ tractum incolere, qui secundum *Angliæ* divisionem ab *Ælfredo* factam, appellatus est, *The Hundred of Holeshot*. A *Vespasiano*, quod verosimile, victi, & a *Romanis* tandem penitus subjugati, *Belgis* accessere, cum illis in unum corpus coaluere, & nomen suum amittere: nisi quod eorum Metropolis a *Britannis*

Qui Belgis accessere.

i *Caer-*

i *Caer-Segeint* dicta, totius nationis veterem appellationem quodammodo retinuit.

PRÆCLARAM & magni nominis Urbem hanc fuisse, sat testantur reliquæ; *Præclara fuit hæc Urbs.* quæ tametsi vetustate obrutæ, priscæ tamen magnitudinis indicia servant. Plurimi hic Nummi, a Clariss. *Camdeno* effossi, *Constantini* jun. se fuisse confitentur. Averso latere *Ædificium* hic ab eo constructum ostendere videntur. Earum Inscriptio fuit PROVIDENTIÆ CÆSS. De *Constantino* alio Purpura hic induto, contra *Honorium* pugnante, in Presbyterum desinente, Capite demum truncato, plurima Fabulis purgata congeffit Doctiss. *Camdenus*: quem vide.

MURI sic satis integri hodie cernuntur, quos olim altiores fuisse constat. *Camdenus* enim has Antiquitates curiose spectans, in Angiportum, terra jam aggesta pæne obrutum, manum vix immittere potuit. Eorum ambitus est milliaria duo, terræ jugera numero octoginta comprehendens. Plurimæ hic effossæ In-

G 2

scriptiones

i Ut ex Alfredo Beverlacensi, Hen. Huntingdonensi & Nennio patet.

scriptiones, quod dolendum, intercideret:
superest una, quæ est huiusmodi.

MEMORIÆ
FL. VICTORI
NÆ. T. TAM.
VICTOR CONIVX
POSUIT.

Quid autem sibi vult, ἐπίχομω.

§. VIII.

Cunetio.

CUNETIO, secundum *Antoninum* (itinerare XIV) a *Verlucione* (*Westbury*) distat MPXX, a *Spinis* (*Spene*) MPXV; quæ illius distantiae Oppidulum *Kennet*, ea voce significari contendunt: confirmat ipsius vocis sonus & derivatio: quid enim aptius, quam a *Cunetio* derivari *Kennet*. Fluvio suo nominis alluitur, qui in occidente paulo altius scaturiens, *Spinas*, ubi statio quondam militaris, præterfluit, & cis *Callevam* (*Henly*) in *Tamesin* Fluvium influit. De Lapidibus altis, immensæ magnitudinis, quos *Diaboli Discos* appellat vulgus, plurimæ sunt conjecturæ quarum unam i alibi tangam: De huiusmodi

modi aliis vide O. *Wormii* : Monumenta
Danica.

§. IX.

VERLUCIO apud *Antoninum* occur- Verlu-
rit, & *Cunetione* M. P. XV, *Aquis Solis* cio.
M. P. VI, distare traditur : quæ illius
hinc atque hinc distantia, situm ejus e-
undem fuisse, qui nunc Oppiduli *West-*
bury, demonstrat : His adde quod Fluvi-
us, qui huic allabatur Oppidulo, a non-
nullis *Were* appellaretur ; quod vocabu-
lum olim *Vere* pronunciatum est, & a *Ver-*
lucione trahi, vel ei nomen impertuisse possit
existimari. Veteris porro Urbis vestigia,
quæ novæ adjacent, una cum thesauro
Numismatum *Romanorum*, in iis effosso,
idem confirmant. Hæc cum Oppidulo
Warminster omnino fere defunt, non est
quod ejus locum veteris fuisse *Verlucionis*
(quod tamen *Clariss. Camdeno*, & secun-
dum illum *Burtono* placuit) arbitremur :
ex altera parte stat *Galæus*.

§:

"Ισχαλις

"Ισχαλις a *Ptolemæo* memorata, non autem ab *Antonino*, (quod a *Clariss. Camdeno* perperam affirmatum est) Fluvio *Ivello*, sive contractius *Illo* alluitur: (de quo in Capite præcedenti :) Unde nomen ejus *Anglicanum Ill-chester*. Terra circumjacens totius *Belgii* pinguißima est, & Bobus præcipue faginandis idonea: ex nullo enim *Belgii* (ne dicam *Britanniæ*) tractu Caro Bovina melior ad onerandas optimatum mensas, & ad Nautas alendos emitur: Unde magna vis ejus quotannis *Londini* venit, & sale condita, *Clasfariis*, nunc in Mare *Balticum*, nunc in *Mediterraneum* navigantibus, annonæ est.

Veteres

Britanni
neque Caseum,

PRÆTER hujusce Pascui fructum hunc commodissimum, *Romanis*, uti concilio, Caseum & Butyrum hæc regio, tamquam vectigalia, præstabat. Utriusque usum in *Britanniam Romanam* vel primum intulere, vel multum promoveri. De Caseo manifestum est ex *Strabone*, illius conficiendi modum, apud *Britannos*, minime communem esse, sed tamquam in secretis habitum. At *Romanis* huc

huc appulsis cum usui fuit ille frequentissimo (nam ex ¹ *Spartiano* patet exercitum eo *Romanum* magna ex parte vesci, unde *Caseum* ille ponit in *Cibis Castrensibus*) hinc constat ² *in Britannia Romanos*, idque postulante exercitu maximo-
 pere; exercitu inquam, cujus Præfecti gulae & lautitiæ erant omnium deditissimi. Ut enim optimæ notæ *Caseus* hoc in Agro fieri ab antiquo solitus est, hinc *Romanos* hæc cupedia traxisse facile est arbitrato. [*Aqua & Pane simplici contentus Epicurus, Caseum addidit, quando Genio indulgere & sumptuosius convivari libuit* 2.]

BUTYRUM magis in dubio, sed quod explicatione brevi diluitur. Certissimum est, veteribus *Romanis* (florente scil. Republic.) *Butyri* nullum aut rarum fuisse usum; nescierunt illi, Lactis partes separandi modum. Quid, quod in *Athenæi Deipnosophistis*, omni fere ciborum genere saturatis, nulla omnino *Butyri* mentio. *Hippocrates* plus semel habet ³ *Βούτυρον*. Oleo *Romani*, illius vice, utebantur 3 : Eo Carnes & Pisces, antequam assarent, (ne intestinus eorum & pro-

Neque
Butyrum
habuere.

¹ In Hadriano. ² Vide Gassendum, de Vita
 & Moribus Epicuri, Lib. VI. ³ H. Casauboni
 Animadversiones in Athenæi, Lib. X. Cap. X.

proprius humor efflueret) inungebant: uti etiam *Arabes*, ut ex *Averroë* constat. Sub initium Imperii *Romanis* in usu esse cœpit Butyrum, a Barbaris oriundum: Barbarorum primi, quantum scimus, *Scythæ*, qui Lacte plurimum alebantur, id ex Equino compararunt: Modum exhibuit sive *Hippocrates*, sive *Polybus*, Libro quarto ¹ *ἡ δὲ Νέστωρ*: & ante illum ² *Herodotus*. Sunt qui Butyrum initio Pharmacum, potius quam Cibus, esse volunt; & quidem ³ *Celsus*, secundum *Hippocratem*, eo non uno loco tam quam medicina externa utitur; sicut etiam ⁴ *Scribonius, Claudii Imp.* in expeditione *Britannica* Medicus; qui forte cum *Britannis* id omnium primus communicavit, vel iis commendavit. *Barbararum Gentium hic lautissimus Cibus*, (sic a ⁵ *Plinio* dicitur) & qui divites a plebe discernat. *Opsoniis pro oleo admisceri, ut & Placentis, Adipis vice*, tradit ⁶ *Dioscorides*.

Hoc iis
forte com-
mendavit
Largus.

Ischalis
Origo.

PROPTER hæc cibaria, non minus utilia quam grata militibus, reliquaque exercitui necessaria, quibus hæc Regio fem-

¹ *Señ. XXV.*

² *In Melpomene, Señ. II.*

³ *Lib. IV. Cap. XV.*

⁴ *Comp. Med. XLIII.*

⁵ *Lib. XXVIII. Cap. IX.*

⁶ *Lib. II. Cap. LXXXI.*

semper abundavit, & ad *Dunmonium* ut aperiretur via, fieri existimo, quod *Ivelli* ripa Castrum, *Boadicia* cum suis jam devicta, exstruerent *Romani*; idque demum in Urbem crevisse. Hæc videtur hujusce Urbis origo.

§. XI.

SORBIODUNUM a *Sorbis*, qui magna hic proveniunt copia, nonnulli ducunt: *i* Vocali, propter *ῥορία* (ut in *Novioduno*) interposita. Certissimum autem est, vocabuli partem posteriorem ex Lingua veteri *Britannica* defumi; in qua *Dunum* significat *Collem*, hodieque in vernacula retinetur [*a Doren*]. *Romani* in locis altis aridisque Castra ponere solebant; quod ex *Vegetio* patet, & exemplis ostendi potest innumeris. Doctiss. *Galæus*, *Sorbioduno* & Regno, *Belgii* nostri Civitatibus, duas in *Rætia* Stationes, hisce nostris *ῥορία*, in Tabulis *Pentingerianis*, sese proxime excipere, notavit: unde arguit acutissime, nostras hæc Civitates, a militibus in *Rheticis* iis antea merentibus, nomen impositum accepisse: quod utique non improbabile.

Sorbiodunum,

unde sic
appellatum.

§. XII.

Venta
Belga-
rum,

Unde di-
citur.

DE *Ventæ* Etymologia, magna quidem, & adhuc sub iudice lis est. Alii ab *Albionum* [*Aven*] quod significat *Amnem*, eam derivant: quoniam Urbs est ad Amnem posita. Hoc autem nimis peregrinum; Urbes enim in *Britannia* fere omnes, hac ratione *Ventæ* dicerentur, utpote juxta Amnem aliquem exstructæ. Longe probabilior eorum opinio, qui *Ventam* a veterum *Britannorum* [*Gwen*] deducunt; quod significat *Album*. Creta, quæ in hac regione, præsertim in viis frequentibus, altis & tritis, quæ in Fodinis & apertis terræ visceribus, maxime vero in oriente, ubi S. *Magdalena* Collis præruptus eminet, copiosa cernitur, admodum conspicua, & spectatorum oculos perstringens, *Albæ* seu *Ventæ* nomen huic Urbi potuit, quod a vero non alienum, impertire. Sic *Alba longa*, *Alba Regia*, & *Leucas* a Colore dicitur.

BELGÆ in hanc Insulam e navibus exscendentes hunc locum adorti sunt, & ab iis ibi commorantibus *Venta Belgarum* appellatur: uti aliæ *Ventæ* a populis, *Venta Silurum*, & *Venta Icenorum*.

UBI

UBI *Ptolemæus* enumerat *Belgarum* Prima e-
jus men-
tio. Urbes, ex iis una est *ὑπερλα*, quæ hujus Urbis prima omnium mentio, & in *Antonino* legitur *Venta Belgarum*. *Saxones* eam *Caer-Grwent* dixere, i. e. *Albam Urbem*, quæ a nobis stat derivatio.

DE hujus Urbis situ, nulla potest esse dubitatio, quando prædicti Auctores, Vi- Nummi
in ea Ro-
mani,
Balnea, &
Textrina. æque militares, & locorum distantia, uno ore testentur, & omnino comprobent eum fuisse, qui Civitatis hodie *Winchester* appellatæ; magnique nominis eam apud *Romanos* fuisse, *Nummi* & *Balnea*, ibi detecta, fatis confirmant.

SACRA hic *Textrina* fuit, five ¹ *Gynacium*, [texendis Principis militumque vestibus, naviumque velis, stragulis, lin- teis, & aliis ad instruendas mansiones necessariis accommodatum] ut de eo ² *Pancirollus*. Erat etiam *Procurator Gynacii*, quod ex *Notitia* patet. Quibus hoc adjiciendum, huicce *Procuratori*, Ca- num item publicorum, five Imperato- rum, fuisse curam : de quibus alibi.

CERTISSIMUM est, ætate ¹ *Zosimi*, tam in Pagis, quam in Urbibus esse *Μοναχῶν συστήματα πολυάνθρωπα*, i. e. *Cænobia*

H 2

Mo-

¹ Vide *Cuiacium* in *Paratitulis* ad *Cod.*

² *Comment. in Notitiam Provinc. Cap. 38.*

Monachorum populoſa. E quibus unum aliquod in Urbe *Ventana* conditum, *Constantem*, Filium *Constantini*, inſtruxiſſe, & in ordinem Monachorum coop- taſſe, volunt e noſtris quidam Hiſtorici. Fundamento huic innixus Doctiſſ. *Burtonus* non dubitavit opinari Cœnobium hocce (quod a *Galfredo* dicta eſt *Amphibali* Eccleſia) in quo *Cæſareus* ille *Cuculliger* erudiri fertur, eo loci fuiſſe, ubi hodie Cathedralis Eccleſiæ terminus occi- dentalis: ibi enim *Parietina* vaſtæ molis, ex calce arenato optime conſtata, craſ- ſa, dura, & compacta, tot ſæculorum vim evicit, & nobilis ædificii monu- mentum etiam nunc conſpicitur. Sed de *Constantis* in eo Educatione judicent eruditi.

IN *Ventæ* huius ſuburbiis jam per an- nos ter centum, & eo amplius, floruit Collegium, a Beatiffimo *Wiccamo* condi- tum, & munifice dotatum; quod, omni genere Literarum, Viros eruditione & do- ctrina claros initiavit, Reipub. Vindices, & præclara ejus Ornamenta. Utinam Auctor Alumnus eſſet tam Illuſtri Gy- mnafio dignus.

§.

§. XIII.

IN *Belgicis* Antiquitatibus occurrit *Cænobium*
 unum, quod admirationem magis, an *Glasten-*
 risum moveat, est in dubio. Monachi *burienſe*
Glaſtenburienſes, ut *Cænobii*, antiqui-
 tatem ejus celebrando, nomen evehe-
 rent, *Ina* Rege minime contenti Funda-
 tore, multis ante eum ſæculis *Inſulam*
Avaloniam, & terræ complures *Hidas*
 (ita olim loquuti fuerunt *Homines Angli*)
 ab *Arvirago* Rege, ſe accepisse, primo
 ſomniare; tum inter ſe otioſe garrire;
 deinde figmentis ſuis fidem adhibere;
 denique in perpetuam rei memoriam, ea
 in *Cænobii Chronica* referre. Ex iis, ut
 egregius ille *Fabulator, Capgravius, Joſe-*
phi ſui Arimathenſis vitam adornaret,
 hanc *Hiſtoriæ medullam*, hoſce *Floſcu-*
los excerptit, *Scriptoque ſuo* inferuit; ut
 & alii ejusdem generis *Voluſii*, ejusdem
 generis *Annalibus* & cacatis chartis. In-
 terea i *Cuculligeri*, in *Monasteriis aliis*, *non ab Ar-*
ſtomachari; *Fratrū Glaſtenburienſium* *virago*
glo- *funda-*
tum.

i *Chronicon S. Auguſt. M. S. ab Epifcopo Vigor-*
nienſi, Antiq. Britan. Pag. 26, citatum.

gloriationem nimiam moleste pati; Antiquitatem, ab iis affectatam, deridiculo habere; *In* Fundatoris eos commonefacere; itaque eorum tum audaciam, tum ignorantiam acriter increpare, vehementer objurgare.

COMMENTUM isthoc adeo prodigiosum & inane, ut sibi vix constare videatur, & a consuetudine somniorum minime absit, solidissimis evertit Argumentis Antiquitatum Auctor *Britannicarum*. *Arviragum* fuisse Principem *Britannicum*, ex *Juvenali* patet, qui hunc in modum *Domitiano* Imp. adblanditur,

Regem aliquem capies, aut de temone Bri-
Excidet Arviragus. (tanno


Motuum
in Britan-
nia Civili-
um Auctor
Arvira-
gus,

Principem eum fuisse *Britanno-Belgi-*
cum, nullo alio, quod sciam, monumen-
to, præter hæc *Glastenburienses* Fabulas
(*Legendæ* vulgo appellantur) ostendi po-
test. Sed (quod affirmat idem Auctor
admodum Reverendus) verisimile vide-
tur, *Arviragum*, fortem & animosum vi-
rum, *Romanorum* apud nos imperium
ægre ferentem, post *Agricolæ* discessum &
Sallustii Luculli mortem, motus eos civi-
les excitare, qui ad *Hadriani* usque tem-
pora


pora continuarunt : ad quos sedandos, & *Britanniam* restituendam, Imperator huc cum exercitu venit. Nomen autem magnanimi hujus *Britanni*, patriæ defensoris strenui, *Arivogum* esse probat *Armachanus*, ex Numismate *Britannico* inter *κεφάλια Cottoniana* servato, in quo legitur **ARIVOG** : Cujus a viro illo Doctissimo, aliisque rei nummariæ peritissimis probati, & ut opinari par est, genuini Iconem, ex Tabulis *Speedio* & *Camdeno* annexis, hic apponi fecimus.

Sive rectius Arivogus.

C A P.



C A P. V.

*De Aquarum Calidarum
Urbe.*


§. I.

De Aquis
Calidis.



ENIMUS tandem ad *Aquas Calidas*, Urbem totius *Belgii* longe celeberrimam, quæ primam harum ansam Antiquitatum præbuit. Quicumque situm hujus Urbis cum animo cogitaverit, ante illam conditam non alium fuisse judicabit, quam convallem modicam, collibus interjectam, & undique fere septam, fontibus abundantem, & ob eorum aquas æqualitate terræ retentas, paludosam : atque hanc fuisse loci faciem, multa quidem annorum sæcula, pro certo habeo. Tandem e vulgo sagacior aliquis, aut Cuticulam in Aquarum superficie Bitumineam,

mineam, aut earum alicubi Calorem observando, Fontes a ceteris Calidiores sejungi, canalibus & colliquiis separari, atque adeo puriores, quam antea, fervari voluit.

§. II.

OTIO fane multum abutuntur, qui Thermas hæc Calorem & Virtutes precibus Sancti *Davidis*, vel Regis *Britannici*, *Bladud* appellati, incantamenti & Magiæ deberi contendunt: Etsi enim Magiam (ut de Sancti illius Precibus nihil dicam) *Britannos*, quod a ⁱ *Plinio* traditum, *attonite celebrasse* demus, nemo sanæ mentis existimabit, eam tam magni operis esse potuisse generatricem. Calor, omni ævo constans, ab initio rerum, & proculdubio naturalis, Arte nonnunquam adjuvante, fordes amovente, & Aquas alienas avertente, custoditur, augetur: idque forsan primo omnium a *Romanis* A. D. circiter XLIV & sequentibus, quo tempore *Belgium* in deditionem ii rede gere.

*Britanni
Magiæ dedi-
ti.*

I

§.

§. III.

Romanæ
hæc Urbs
originis.

ALBIONES seu *Belgæ* hac regione primigenios, huic operi manus admovisse vix credibile est; cum hujusmodi rebus eos delectari, vel minima ex parte assue fieri, nullo quidem indicio, nulla ratione probari possit. contra, certum est *Romanos* *Thermarum* amantissimos, sic, ut nulla unquam gens, nulla natio magis, fuisset. Erant *Romæ* tum multæ, tum magnificæ *Thermæ*. Ab uno *Agrippa* [*in Ædilitate sua, ipso commemorante, gratuita præbita Balinea centum septuaginta, quæ nunc Romæ, (ut ait, Plinius) ad infinitum auxere numerum.*] Porro, magnificas fuisse patet ex eo, quod eas *Lithostrato*, & *Encausto* pinxit, & *Pavimenta* ex *Vitro* posuit.

§. IV.

Claudius
Imp. A-
quæductus
restituit.

CLAUDIUS Imp. (ut ad rem nostram propius accedam) *Aquas*, a se cognominatas, ex *Fontibus* a milliaro *XXXV*; item *Anienem* novam a milliaro *LXII*

LXII sua impensa (ut testatur ¹ Inscriptio) in Urbem perducendas curavit. Idem Arcus, Ductus Aquæ Virginis disturbatos a Fundamentis novos fecit, ac restituit.

HUJUS Imperatoris medicus, & in expeditione *Britannica* comes fuit *Scribonius* noster, qui Balneis in re medica ² usus est adversus Epiphoram; alibique coloris incerti ³ commendat *Emplastrum*, quod in Balneo non excidet. Quin & incommoda Balneorum simulque commoda ⁴ *Celsus* recensuit; sic, ut illorum in medicina usum *Romæ* fuisse suo tempore frequentissimum, in exploratis sit.

Balneis
Celsus
Scribo-
nius u-
tuntur.

§. V.

HIC medicinæ apud Romanos status fuit, cum *Britanniam* ingressus est *Claudius* Imp. *Belgium* exercitus sub *Vespasiano*, cum Præfectis & Tribunis, aliisque primi ordinis militibus innumeris: qui cum omne *Belgium* peragrarunt, ut ex

Aquas ad
usum Com-
modiores,

I 2

Tro-

¹ Gruteri Inscript. Pag. 176, l. 5. ² Comp. Medd. N°. XX. ³ Comp. Med. N°. CCXIV. ⁴ Lib. II. Cap. 17. Lib. V. Cap. 26. Sect. 28. Sect. 34.

Tropæo (de quo & alibi) *Claudio* patet, itaque Fontem huncce *Calidum* adierunt, capi eos profecto necesse est, & multum delectari, tamquam viso in mediis *Britanniis Italia* delicio. Hinc facile est conijcere, vel ipsius Imperatoris, vel ex Præfectis & magni nominis in exercitu alicujus sumtu, seu privato, seu communi (*Scribonio* forsan hortante) Fontes aperiri, sordibus & inquinamentis liberari, fulcos & colliquias incidi, sicque Aquas ad usum commodiores fieri.

§. VI.

Sub Clau-
dio Imp.

Primum
fieri.

ATQUE hic, ut opinor, primus harum *Aquarum* honos; quem mox sequutus est, in Domibus, in Urbecula condenda labor & opus. Ut Urbs *Aquarum* ergo condita, sic ab illis *Aquæ Calidæ* dicta est; a *Ptolemæo*, & *Sexto*; *Claudio*, qui *Græce* scivit, forsan nomen imponente. Ut Urbem hanc, & primam *Aquarum* curam *Albionibus*, sive *Belgis* indigena, nemo harum rerum prudens adsignaverit; ita profecto quidem *Romanis* eam nemo illarum sciens abnegaverit.

§.

§. VII.

HISCE positis, existimare licet, *Romanos*, quoties numero præter solitum magno ad hanc Insulam accederent, has ad *Aquas* sive immergendi, sive potandi ergo subinde confluisse, & de rebus arduis, de Imperio *Romano*, de Victoriis per terrarum orbem adeptis, aliisque id genus (uti nunc dierum moris est) coram inter se contulisse. Confluxere præsertim devicto jam dudum exercitu *Boadiceæ*, & de Heroïna ejusque in pugna fortitudine, deque *Thermis Romæ Neronianis* plurima fabulati sunt.

Romani
milites
huc otiosi
confluxerunt.

§. VIII.

MIRABUNTUR aliqui fortasse, neque *Dionem Cocceianum*, neque *Cornelium Tacitum*, de *Aquis* hisce verba fecisse; præcipue *Tacitum*, acri ingenio virum; in rebus civilibus observandis diligentem, & cum *Agricola* focero tempus in *Britannia* conterentem: at præterquam quod hujus Historici de *Britannia* tractantis magna pars intercidit, aliud adjiciendum; nimirum eum fuisse, tametsi in

Unde Taciti de A- in re civili diligentem & peritum, in re
quis his tamen naturali non item. Adeo diver-
silextiam. sos trahunt homines, diversa hominum
ingenia.

§. IX.

Cujus æta-
ti Andro-
mache sit
Britanno-
Belgica.

BUSTUM illud, quod ad *Aquas Cali-*
das paucis ante annis effossum est, & *Do-*
mitiano Imp. sculptum, si usum ejus spe-
ctemus, lautam & opiparam vitæ rationem
a militibus actæ, omnino arguit. De
hoc Busto, sub nomine *Andromaches*, in-
fra Cap. XVII.

Et Tem-
plum Mi-
nervæ di-
catur.

SUB hoc tempus Urbi accessit Tem-
plum *Minervæ* nuncupatum, quod a *Do-*
mitiano forsan ædificatum : Certe ille plu-
rimum huic Deæ solebat tribuere, eamque
(ex testimonio 1 *Suetonii*) superstitiose co-
lebat, utpote se illius filium haberi cupi-
ens : Neque dubitare licet, quin hoc
tempore *Minervæ* numini sacrarentur hæ
Thermæ, secundum 2 *Solinum*, ejusque sub
præsidio ponerentur : unde postea *Palla-*
diæ dicebantur *Aquæ*. Neque diu post
Minervæ in Aquarum præsidio adjunctus
est

1 In Domitiano, Cap. IV. 2 Cap. XXII.

est *Hercules*, qui *Thermis* præesse¹ solitus est, & *Minervæ* fuit carissimus. Erant hi Dei *Σύμβωμοι*, & *Aquarum* opera socia curam habuere.

CONTRA Romanos, cum *Silures*, *Arvirago* (sive potius *Arivogo*) duce, infurgerent, militiæ *Romanæ* frequentem hac in Urbe concursum esse, probabile est; tum *Aquarum* gratia, tum *Via* militaris ad *Trajectum*.

§. X.

BELLO hoc confecto forte a *Glevo* (*Glocester*) octogenarius ille Decurio venit, de quo veteris frustum Inscriptionis apud *Aquas* extans. [*Forsan*, ait Doctiss.

*Decurio
octogena-
rius huc
accedit.*

² *Galæus*, ad vires refocillandas huc delatus obiit.] Equidem novi grandiorum hoc Decurione, *Dunmonium* nobilem, qui *Thermas* hæc frequentavit, & *Balneo* Regis diutius, quam a Medicis solet juberi, atque adeo in calidissimo ejus loco, (ubi nempe scaturiunt *Aquæ*) immorando, vires corporis, animi vigorem, quotannis supra quam quis expectaret, ad-
quiliavit,

¹ *Athenæi*, Lib. XII. ² *Ad Antonini Iter* XIII.

quisivit, & demum pene Nonagenarius obivit.

§. XI.

Quo tem-
pore Fa-
brica ibi
erecta.

FABRICA sub *Hadriano* sacra hisce *Aquis* erecta est, & quidem, uti licet opinari, A. D. CXXI, quo tempore in *Britannia*, Viro forsan *Aquis Calidis*, sub Fabricæ hujus erectionem, fuit Imperator ille, rei militaris studiosissimus: sed de hac re alibi. Unum alterumque hic addam; nempe hanc Fabricam Urbi magnum fuisse additamentum, siue *Ædificia* spectemus, siue *Operarios*, siue *Advenas* huc propter arma & utensilia confluentes. Deinde, Viam militarem *Aquis Calidis* ad *Trajectum*, sub hoc tempus absolutam reddi, ut nimirum inter *Silurum* *Ferri-fodinas* & Fabricam modo dictam fieret commercium.

§. XII.

IMPERANTE *Geta Britannico*, hac in Urbe quamplurima fieri, ad ductus *Aquarum* restituendos, ad augendos, unde *Nymphæum*, sordium squalore fædatur, amplius opere, cultuque melius reddebatur;

debatur, omnino verisimile est: Circa hoc tempus majorem elegantiam, ornamentum, & utilitatem, quam antea, Thermas has adquisivisse, *Solini* verba videntur indicare. [*Fontes, inquit, in Britannia Calidi, opiparo exculti apparatu ad usus mortalium: quibus Fontibus præsul est Minervæ numen.*] *Solinus* scripsit exercitationes post initum a *Theodosio* Magno Imperium: Si ejus ætate, vel paulo ante præstarentur hæc ornamenta, memorasset auctorem Polyhistor; quare sæculo ante uno alterove facta fuisse judico. Nemo Imperatorum, ad faciendum apparatus hos opiparos, jam dicto probabilior: erat enim Juvenis natura magnificus, & liberalis; erat totius Insulæ cis *Tuedram* Præses; cumque *Aquis* hisce quæ necessaria erant, tam magni operis & expensæ reperirentur, ut fisco digna essent imperatorio, nec quis ad erogandos hosce sumptus *Geta* promptior aut paratior, illum opinari ducor fuisse, qui, ut *Calidos fontes ad usus mortalium excoleret*, eos denuo in terræ viscera altius fodiendo patefieri, canales evacuari, saxo forte quadrato muniri, Lavacra denique cum Soliis, Apodyteriis, Curiceis, aliisque ejusmodi necessariis fieri curavit: quorum gratia ab ordinibus Statua ei Equestris

K

erecta;

Geta A-
quas Ca-
lidas re-
stituit,
auxit.

erecta; de qua in volumine altero de industria.

§. XIII.

Quo tem-
pore hæ
Aquæ
Solis pri-
mum ap-
pellaren-
tur.

HISCE fere diebus, hæ Thermæ pri-
mum *Aquæ Solis* appellatæ sunt: Certe
primum apud *Antoninum* nomen id oc-
currit. *Antoninum* autem illum Aucto-
rem Itinerum, fuisse *Bassianum* innuit
Doctiss. *Galæus*, idque probabiliter. Pro-
culdubio, salutem mortalium Aquis his
restitui custodiri que solitam, inaudiverat
Imperator in *Britanniis* agens; neque ab-
surdum, atque adeo factu dignissimum
existimavit, has *Aquas* sacrari dicari que
Medicinæ Deo & inventori. His adden-
dum, *Bassiani* filium *Solis* fuisse Sacerdo-
tem, ideoque dictum *Elagabalum*.

§. XIV.

Militiæ
Romanæ
lauta vi-
vendi ri-
tio, sub fi-
nem Im-
perii.

MULTA deinde sæcula fuit altum
apud Auctores tam *Latinos*, quam *Græ-
cos*, de *Aquis* his silentium; ea proculdu-
bio de causa, quod illorum temporum
Historici, magnam partem intercidere.
Supereft *Dio*, sed & ille non parum muti-
latus. Nihilominus, ex Pavimentis nu-
mero

mero permultis, ornatu celebribus, apud *Hasilbury, Wellow*, aliisque locis hac in regione compluribus, detectis, quæ vergentis Imperii sunt, abunde liquet, militiam *Romanam* ibi tum fuisse frequentem, laute vitam & dapnoliter agentem; ut infra plenius enarrabitur.

DE *Alexandri Mammææ* ævo res apertissima est. *Penates* undeviginti, nuper apud *Devisas*, una cum *Seria* detecti, planum hoc & manifestum reddunt. Cum his concordat *Julius Vitalis*, testis hac in re ampliissimus, & probatissimus. Denique *Solinus*, Imperio cadente statum ac conditionem harum *Aquarum* luculenter exponit; Sic, ut nullo forsan ævo splendidiores aut magnificentiores cererentur. Novissimæ *Romanorum* ætati tribuenda videntur ea monumenta, quæ *Thermis* erecta, muris alibique infixæ, hodie sunt, vel pronuper fuere conservata. De quibus sequenti Capite particulatim.


*Præcipue
in hac Re-
gione.*

K 2

CAP.



CAP. VI.

De Romanis *Aquarum*
Calidarum Monumentis.

§. I.



ÆC cum a Doctiss. *Guidoto*,
medicinam hac in Urbe pau-
cis ante annis exercente, Viro
multæ eruditionis, & Anti-
quitatis in primis sciente, sint
publicata, quæ ille lingua vernacula pub-
licavit, ego in Latinam ea vertere, & Fi-
guris ab ¹ eo & Cl. ² *Listero* sumtis illu-
strare, hoc Capite satis esse ducam. Ex-
hibentur ea Tabulis II. & III. quæ hunc
in modum explicari possunt.

JUXTA Portam Borealem Inscriptio
fuit, quam Tab. II. Fig. 1. incidi curavi-
mus, sic legendam. De-

¹ *A Discourse of Bath, &c. Chap. X. Lond. 1676.*

² *Vide Acta Philosoph. Lond. N^o. 155.*

Fig. 1.

DEC. COL. NEGLEV
VIXIANLXXXVT

Fig. 2.

VRN
IOP

Fig. 3.

LIIVSSA
SVXSO

Fig. 4.

ILIA
LIA

Fig. 5.

D M
SVCCPETRONIAEVIX
ANIIIIIIIDIXVDO
MXIVSEVICISARINA
FIL KAR FEC

Fig. 6.

DISMANIBVS
MVALERIVSM
RELATINVSCEQ
MLESLEGXXAN
XXSTIPENXX
H S E

Fig. 7.

CMVRRIVS
CFARNIENSIS
FOROIVLIMO
DESTVS MIL
LEG IIAD P F
IVLI SECVNDI
AN XXVSTIP
H

Fig. 8.

FORTVNAE
CONSERVA
TRICI
L. SENECIA
NIVSMAR
TIVS. LEG
VI VICT

*Alteram hanc Tabulam, cum iii
in honorem Aquarum Calidarum
benigne contulit Vir Clariss.
CAROLUS BAVE, Thermiater eximius.*

CID. ID. CC. XIIIX.

Decurioni Colonia Glevi, vixit
Annos octoginta octo. Legente Guidoto.
 De hoc Decurione vide C.V. §. X.

DE Literarum N & I, in vocabulo *Colonia*, ligatura, vide quæ in Vol. III. §. VI. dicuntur. *Glevum* (Glocester) *Romana* fuit *Colonia*; & in ea *Decurio* miles hic *Causarius*. [*Decuriones*, (ait *Festus*) *appellantur, qui denis equitibus præfunt.*] At *Pomponius I. C.* vult [*Senatores in Coloniis, ut etiam in Municipiis Decuriones dici.*] Et quidem *Foliaturæ* prope *Inscriptionem*, eam viri cujusdam insignis fuisse arguunt, & opinioni *Pomponianæ* quodammodo favent.

§. II.

SEQUUNTUR alia perquam obscura. In *Lapide* sculpuntur *Literæ* Tab. II. Fig. 2, 3, 4, signatæ, de quarum significato ne quidem ariolari possum.

TUM *Inscriptio* Tab. II. Fig. 5, incisa; quæ sic legenda.

DIIS *Manibus* *Successæ Petroniæ*; *vixit annos tres, menses quatuor, dies novem*, *Veteromulus* & *Victifarina filia carissimæ fecerunt.*

GRUTERUS hanc *Inscriptionem*, a *Camdeno* acceptam, edidit; sed a *Guidoti* nostri

nostri longe diversam: Ille enim ANN. III. Ille DI. XV. Ille EPOMVLVS. Ille VICTISIRANA, non nimis, ut opinor, recte: Est in Nominibus Latinis *Successa*: ut patet ex ¹ Grutero, ² Reinesio, ³ Vignolio. De Nominibus *Veteronulus*, & *Victisarina*, nihil habeo quod dicam.

ALIUD est Inscriptionum par, & quidem nobile, quod ante sæculum in Campo de *Walcot*, ubi olim *Julii Vitalis*, quod diximus, Sepulcretum erat, inventum, *Rob. Chambers*, Civis *Bathoniensis*, Antiquitatum amans, in Urbem transtulit, Hortoque propter Balneum, quod *Crucis* appellatur, adservari curavit.

PRIMA est *Marci Valerii*, hisce verbis concepta.

DIIS Manibus. Marcus Valerius, Marci filius, Latinus, Cohors Equitum, Miles Legionis vigesimæ, annis viginti quinque, stipendia viginti, hic situs est. Tab. II. Fig. 6.

NOTATU dignum est, *Valerium* anno ætatis XV militiæ nomen dedisse; quod ⁴ alibi dictum: XX manifeste falsum est pro XXX. AL-

¹ Vide *Inscriptionum Thes.* (primæ Ed.) pag. DCC. 6. DCCXL. 2. ² *Classen* IX. 75. ³ *V. Eius* *Inscriptiones Selectæ*, pag. 207, 229. ⁴ *Vol. III. Sect. VI.*



A. M. B. D.

C A R O L O

Romana hæc Aquarum
(jam pridem a Clariss.
denuo incisa, tamquam


D. D. D. Editor. A. D. MDC CXVII.



S. M. M. P. G. G. Sculp.

B A V E. M. D.

Calidarum Monumenta
GRIDOTO collecta) ære
Μνημόδωρον suo sodali,



ALTERA *Caii Murrii* est Inscriptio, quam Tab. II. Fig. 7. sculptam sic legimus.

CAIUS Murrius, Caii Filius, Arnienfis, Foro Juliensis, *Modestus Miles Legionis Secundæ, adjutricis, piæ, felicitis, Julii Secundi, Anni viginti quinque, stipendia octo, hic situs est.*

TRIBUS *Arniensis*, ab *Arno*, *Hetruriæ* fluvio, erat inter Romanos quinta supra vigesimam.

§. III.

TAB. III. Fig. 1. Facies Hominis ampla & hirsuta.

Fig. 2. Pedes Clavam manu tenens.

Fig. 3. Miles e peditatu Gladium vibrans, Scutum protendens.

Fig. 4. Pastorem & Amasiam, oscula, brachia jungentes. En Pedum Pastorale! en Lyciscum fœminæ adblandientem, & ejus Caput amabiliter invadentem!

Fig. 5. Foliaturam exhibet.

Fig. 6. Exprimit *Romanum* quendam minaci vultu *Britanno* vim inferentem.

DEINDE Capita duo, quorum vultus atroces & truculenti. Tab. III. Fig. 7, & 8.

Imago

IMAGO Fig. II. signata sesquipies est
Herculis, opinante *Camdeno*: sinistra in
 altum elata est, dextera clavam tenet.
 De *Hercule* harum. Aquarum Præsede,
 vide Cap. XI. §. X.

Juxtaque Lepus; quem, *Leparium* hu-
 jus monumenti conditorem repræsentare
 censet bonus *Guidotus*. Tab. III. Fig. 15.

IN Suburbiis inventus est Lapis, cum
 hac Epigraphe

VIBIA IVCVND A
 H. S. E.

Apud Gentem *Carviliam*, *Jucunda* fuit
 Agnomen: sic, ut in *Claudiana* & *Pom-
 poniana*, *Lætus*.

Ophiuchus Hercules serpentes duos ma-
 nu comprimens, *Medusæ* Caput, & *Le-
 pus*, olim hic visi, jam multos annos de-
 siderantur.

C A P.

C A P. VII.

De Viis, in Belgio, Militaribus.

§. I.



V *Æ* militares sunt e Romano-
 rum monumentis in Belgio
 celebratissimis; quæ cum
 multæ numero, hac illac
 quoquo versus eant, & in
 ejus omnem fere angulum incur-
 que in locis nonnullis etiam nunc sic satis
 integræ cernantur; profecto quidem aper-
 tissime *Romanorum* in hac regione multi-
 tudinem, magnificentiam, negotia, com-
 meatus indicant, adeoque post tot anno-
 rum sæcula nostris sensibus subjiciunt. Ut
 generatim hocce dictum, speciatim perse-
 quar, Vias omnes hasce tentabo, lucem-
 que iis pro virili afferam.

Romano-
 rum ma-
 numenta
 in Belgio
 celebratiff-
 sima sunt
 Viæ Mili-
 tares

§. II.

Quæ re-
consentur,

A LONDINIO Via militaris ad *Callevam*, ea jam relicta, in duo Capita secatur, quorum alterum mox in meridiem inclinans, *Belgium* ingreditur, & *Vindomin* attingit; deinde *Ventam Belgarum*; deinde *Clausentum*; deinde *Regnum*: deinde a *Venta Belgarum* ad *Brigen*, ad *Sorbiodunum*, ad *Vindogladium*, eoque longius in occidentem extenditur: nempe ad *Durnovariam*, ad *Maridunum*, & per *Sidmouth*, & *Woodbury*, ad *Clist* St. George, ubi *Via* ab *Ischali* juncta, ad *Isam Dunmoniorum* recta porrigitur.

cum ea-
rum con-
tinuationibus,

VIA cis *Callevam* altera *Spinas* adit, & per *Atrebatum* terram Fluvio *Cunetio*-*ni* ad aliquot milliaria quasi parallela, *Belgium* intrat, & ad *Verlucionem* pertinet; ubi ad dexteram flexa Fluvium *Avonam* transit, & *Via* illico stratae a *Durocorinio* juncta, in *Aquas Solis* jam magis lata definit; uno autem lapide ab Urbe *Julii Vitalis* Sepulcretum habet.

AB hac Urbe bifariam abit, & in *Abonem*, *Trajectum*, *Silurumque* regionem, & occidentem versus ad *Ischalin*, & (de qua

qua re silent Historici) ad *Axium*, ad *Honiton*, (oppidum, uti mihi videtur, antiquum) ad *Fair-mile*, & paulo post, in lævam flectens, ad *Clist St. George*, ubi *Via* a *Durocorinio Bridæ portum* (Brid-port), *Maridunum*, *Sidmouth*, & *Woodbury* stratae, jungitur, & in *Isca* ducit *Dunmoniorum*. Et trans *Axium* (*Axmister*), interque illud & *Honiton* *Via* *militaris* certa sunt vestigia, cisque *Honiton* milliare versus aureum (*Fair-mile*) manifestissima. Post *Isca* Fluvii trajectionem, ad *Kenn-ford*, & dein, superato monte nunc *Halden* nuncupato, ad *Ugbrook*, ad *Teignum* fluvium, ad *Neapolin* (*Newton*), ad *Totonesium*; quo stadio, novissime dicto, hodieque eminet *Via*, sic, ut raro usquam magis.

Ad Totone-
nesium
usque.

§. III.

CUM olim in *Cornubia* fuit *Totonesium*, & qui alluit hoc oppidulum, Fluvius *Dart* *Cornubiam* a *Devonia* separavit, (Limites enim *Cornubiæ* primus omnium Rex *Athelstanus* intra *Tamarim* fl. coartavit) hoc in causa fuit, quod apud *Rad. Higden*, & MS *Eulogium* appellatum, mi-

Unde in
Cornu-
bia dica-
tur exor-
diri hæc
via.

litaris hæcce Via cepisse initium in *Cornubia* (nempe veteri) dicatur.

§. IV.

HANC e *Belgio* excursionem ideo feci, ut *Viam militarem*, per *Agrum Somersettensem*, ad *Isam*, multis itineribus a me notatam, & diligenter observatam, luci exponerem, itemque viro ¹ Doctissimo [*de Viis quatuor Romanis*] enucleate scribenti, supplementum hac in parte, ipsius ex proposito, facerem, & gratificarer. Altum apud *Itinerarium Antonini* de hac *Via* silentium est, cujus rei causam esse censeo, quod non nisi eo ad finem jam perducto, & vergente Imperio, sternere-

§. V.

Ad Aquas
Solis ab
omni regi-
one con-
curritur.

EX *Viarum* ad *Aquas Solis* hoc concur-
su, & nobilissimo in ea Civitate Quadri-
vio, luculentissime patet, ab omni re-
gione *Britanniarum*, ad eam populum
confluxisse, itum reditumque idoneum
invenisse. In omni *Britannia*, quantum
video,

¹ Vide *Ielandi Itinerarium*, Vol. VI.

video, sola sunt *Londinium* & *Portus Dubris*, quæ plures habent in se coeuntes vias; & ad veterem *Aquarum Solis* honorem gloriamque confirmandam, nescio an ulla res proponi posset evidentior, & majoris fidei: ob Aquas enim advenarum hunc concursum maxima ex parte fieri, controversia non est.

§. VI.

VIIIS his celeriter expeditis, earum stadia proximo loco dimetiar; quo nimirum Urbium inter se distantia clarius innotescant. Hæ vero distantia per *Antonini* milliaria *Italica*, (quorum scalam a Viro Clariss. *E. Halley* lineatam, Itinerario præfixit, Patri suo similis, *R. G.*) pluribus in locis sunt correctæ.

SECUNDUM hanc regulam a *Cal-* *Urbium*
inter se
Distan-
tia.
leva

Vindomin M.P.XVIII. *Silchester.*

Ventam Belga- M.P.XXIII. *Winchester.*

(*rum*)
Clausentum M.P.XI. *Old Southamp-*
(ton.

Regnum M.P.XIX. *Ringwood.*

A

A Venta Belgarum

<i>Brigen</i>	M.P.IX.	<i>Broughton.</i>
<i>Sorbiodunum</i>	M.P.XI.	<i>Old Sarum.</i>
<i>Vindogladium</i>	M.P.XVII.	<i>Winburn.</i>
<i>Durnovariam</i>	M.P.XVI.	<i>Dorchester.</i>
<i>Maridunum</i>	M.P.XXVI.	<i>Seadown, vul- (go Seaton.</i>
<i>Isca Dunmo-</i>	M.P.XXV.	<i>Exeter.</i>
<i>(niorum</i>		

A Calleva

<i>Spinas</i>	M.P.XXIV.	<i>Speen.</i>
<i>Cunetionem</i>	M.P.XXIV.	<i>Kennet.</i>
<i>Verlucionem</i>	M.P.XXI.	<i>Westbury.</i>
<i>Aquas Solis</i>	M.P.XI.	<i>Bath.</i>

Ab Aquis Solis

<i>Abonem</i>	M.P.VIII.	<i>Hanham.</i>
<i>Trajectum</i>	M.P.XII.	<i>Oldbury.</i>
<i>Ischalin</i>	M.P.XXVI.	<i>Ilchester.</i>
<i>Axium</i>	M.P.XVI.	<i>Axmister.</i>
<i>Isca Dunmo-</i>	M.P.XXII.	<i>Exeter.</i>
<i>(niorum</i>		
<i>Neapolin</i>	M.P.XIII.	<i>Newton-Bussel.</i>
<i>Totonesium</i>	M.P.VIII.	<i>Totness.</i>

(19)
§. VII.

PR I U S vero quam de hac Tabula *De Viis* manum, de *Viis* hisce *militaribus* spicilegia quædam, & adnotanda in medio ponam. *hisce adnotanda.*

PRIMO nempe, eas per sæpe abruptas, multorum aliquando miliarium habere intervalla ; sic ut utrum umquam continuatæ fuerint, dubitari posset.

DEINDE, intervalla hæc ad *Viarum* oblivionem, & neglectum, affatim contulisse ; quæ tamen earum oblivio facile tollenda est, si Fragmenta diligenter attendamus, & lineam, quam olim habuisse merito censeantur, animo refarciamus.

DEINDE, Viarum Fragmenta plurimum inter se differre ; nonnumquam enim angulis rectis, nonnumquam inæqualibus oblique secantur ; alias perumpuntur, alias altero tantum latere atteruntur. In omni *Belgio Vias* hæc nusquam integrioribus vidi, quam trans *Tata* *Θεσσαλονίκη*, qua *Durocorinium* itur, cisque ea, ubi nomen hodie retinet [*the Foss-way.*] Ibi iugo notabili eminet, temporisque diuturnitate non multum mutatus, ejus sævitiam eludit.

§. VIII.

*Hæ Viæ
sæpe a re-
ctitudine
deflectunt.*

OPERÆ pretium est hic obiter notare, *Vias militares*, a ¹ Cl. Twyno, antiquitatis scientissimo, ita repræsentari, tamquam summa rectitudine, protensa linea, per quæcumque locorum incommoda ducerentur. Huic illius opinioni calculum adjecit bonus ² Somnerus: sed, uti videtur, ambo defunctorie. Nam in *Belgio Viæ*, ab *Aquis Calidis* ad *Ischalin* tendentis, ³ curvatura est insignis. In *Dunmonio*, de *Via* ab *Honiton* ad *Isam* nostram, ad sinistram itur, idque nullo invitante ad reficiendum itinerantes, oppidulo. Possim hujusmodi alia quamplurima proferre; quæ utique *Romanos* non semper rectissimam ivisse & stravisse viam (quod tamen hi voluere Antiquarii) ostendant. Hæc de *Vis Belgii Militaribus* hætenus.


¹ *De Rebus Albionis, Lib. II. Pag. 152.*

² *The Antiquities of Canterbury, Pag. 23, 24.*

³ *Vide Belgii Brit. Tabulam.*



CAP. VIII.

De Insulis, Belgio nostro
adjacentibus.

§. I.



E hisce *Insulis* copia materiae *Lelandi*
perampla superesset, si a Do- *de Insu-*
ctissimo *Lelando* quæ collecta *lis scri-*
fuerit, temporum injuria mi- *pta.*
nime perisset. Post tantum
ab hoc naufragio damni, nos Tabulas so-
lum aliquas accepimus, quas hoc loco in
unum conferre animus est.

§. II.

HARUM *Insularum* maxima nobi- *Veſta*
lissimaque tum Latinis, tum etiam Græcis *Græcis*
innotuit; a *Suetonio Veſtis*, ab *Eumenio*, *non igno-*
M & *ta.*

& *Eutropio* *Veſta*, a *Ptolemæo* *Ὀύεξις*, *Ουίξις* appellata; ſinu, cui in oriente *Ptolemæi* *Μέγας Λιμὴν*, intus in media curvatura *Trifantonis* *Oſtium*, in occidente *Avonæ* *Oſtium*, incluſa; figuram habet *Rhomboideam*, angulo externo *Galliam* verſus extento: *Milliaria* circiter *XX* longa eſt, duodecim lata. ¹ *Plinius* ſitam inter *Britanniam* & *Hiberniam* eſſe vult; ſed magno ſive rei, ſive nominis errato. *Samuel*, *Britannus*, qui in *Nennii* *Hiſtoriam* *Annotationes* ſcripſit, dum *Veſtæ* interpretationem molitur, [*Quam*, ² inquit, *Britones* *Infulam*, *Gueid* vel *Guith*, vocabant, quod nomen *Latine* [*Divortium*] dici poteſt.] quæ huiusce vocis ſignificatio primigenia *Infulam* hanc ab *Albione* aliquando ſeparari contendit: *Infularum* proxima vicinitas, & in litore *Rupes* horrendæ idem plane confirmant.

Nominis
Derivatio.

³ *NONNULLIS* minus placet hæc *Ety- mologia*, quoniam *Nomen* huius *Infulæ* *Saxonicum* a *Nennio*, ejusque diſcipulo *Samuele*, *Britannis* non uſurpatum fuit, niſi poſtquam *Jutæ* jam ad tempus aliquod

¹ *Lib. IV. Cap. XVI.* ² *Vide Lelandi Commentarium in Cygneam cantionem, Pag. 90.* ³ *Vide Ad-ditamenta ad Cl. Camdeni Hamſhire.*

quod Insulæ Domini fuissent; a quibus illam Nomen [*Wight*] accipere volunt: At pace tantorum hominum, vocabulum [*Wight*] a Latinorum (*V* tamquam *W* pronuntiantium) *Veſta*, i. e. *Weſta* facilius, quam a *Futarum* nomine videtur effluere. *Latina* vox a *Britannico* fonte (quod frequentissime fieri solebat) derivari potest.

DE *Veſta* apud *Melam* Insula, non *Melæ* pauca viri longe doctissimi ¹ *Cuperus*, ^{Correctio.} ² *Vossius*, alique scripsere; quæ cum excutere voluissem, a Familiari meo perquam erudito, D. *Johanne Reynolds*, nobilissimi illius Geographi editore omnium accuratissimo, doctus sum, non eo loci Insulam, sed Participium *Veſtæ*, quasi *pro-veſtæ*, intellegi oportere; idque MSS, quos ille consuluit, numero trium fide & autoritate: quare pluribus de hac re superfedebam.

NULLA hujus Insulæ gloriatio major, quam in eo, quod *Vespasiano Britannias* invadenti, patuit & se dedidit; quod & *Britanniis*, & sibi met ipsi, & *Vespasiano* bene successit.

M 2

HANC

¹ Vide *Gisb. Cuperi Obs. Lib. IV, Cap. V.*

² In *Notis ad Melæ, Lib. III. Cap. VI.*

HANC *Claudii* iussu, *Vespasiani* ductu
susceptam expeditionem, tangere videtur;
ex opinione *N. Heinsii*, *Valerius Flaccus*,
initio Lib. I. *Argonaut.*

—Tuque O Pelagi cui major aperti
Fama, Caledonius postquam tua carbasa
(vexit
Oceanus, Phrygios prius indignatus Julos.

Allecti
classis sub
Vectam
Ins. sub-
ducitur.

At nimis Poetice, nisi Oceanus *Caledoni-*
us censeatur hic comprehendere *Britanni-*
cum. Sub hujus Insulæ clivos, fortasse
Spithead, ubi naves hodie receptum ha-
bent commodissimum, *Allectus* Classem
Britannicam, ut *Romanam* cum exercitu,
Constantio Duce, litus *Belgicum* petentem
interciperet, subvehi curavit: Hæc autem,
oborta nebula, illius beneficio prætervecta
est, & imprudente *Allecto* litus appulsa
Britannicum, ibi cum exercitus e navibus
exscensum fecerat, accensa.

§. III.

De Insula
Barry.

TE vero, Nobilissime *Barri*, tuique
nominis in Freto *Sabriniano* Insulam, si-
lentio præterire nefas. Ab ea enim
il-

illustris tua Domus ¹ originem trahens, fortem & bellicosum Virum, *Robertum de Barri*, ad subigendam *Hiberniam*, regnante apud *Anglos Henrico* ejus nominis secundo, (A. D. circiter MCLXVIII) præbuit evocandum : qui in expeditione illa ² tam animose, tamque strenue se gessit, (primus enim *Anglorum*, in hisce bellis vulnus accepisse, primus sanguinem amisisse dicitur) ut, cum ³ *Philippo* consanguineo divitiarum affatim adipisceretur ; quas hujusce posteris, partibus semper regiis fideles, adeo auxerunt, ut Barones *Buttavant*, Vice Comites *Barry*, & Comites *Barrimore* jampridem evaderent ; nec non amplissimis *Hiberniæ* Familiis matrimonio jungerentur.

Comitis ejus nominis Honos.

TU vero, Comes Illustrissime, tantæ Familiæ Decus & Princeps, cum pro Aris & Focis certaretur, in *Belgio*, in *Hispania*, tam forti animo pro Patria pugnasti, (sed

Quis

¹ Vide Giraldi Cambrensis Itinerarium, Cap. V.
² Vide Giraldi Hiberniam expugnatam, a Povello Anglice redditam, & Notis illustratam, apud Hollinshead, Cap. 22. Vide etiam Camdeni Hiberniam, in Comitatu Corcagiensi. ³ V. Hiberniam expugnatam, Cap. IV.

*Quis Martem tunica tectum adamantina
Digne scripserit ?)*

ut gloriæ, a majoribus acceptæ, a Te multum adderetur. Maçte virtute Vir, Honore & Titulo *Barrimore* (i. e. Magno *Barry*) meritissimo diu fruire, tuorum & tuo ipsius nomine præclarus.

§. IV.

Steep &
Flat-
Holms.

ALIÆ duæ sunt, in Freto *Sabriniano* *Insulæ* (dicam, an *Rupes* ?) *Holmes* appellatæ. Vox ea *Saxonice* (nam a *Romanis* inditum iis nomen nullum accepimus) *Insulam* significat interdum amnicam, interdum Montem. Utraque significatio fatis idonea est ad rem nostram. Harum altera, quæ scil. *Belgio* vicinior, supra *Aquas* eminet, & dicitur *Steep-Holmes*: altera depressior, quæ propior ad *Silures*, (Freto enim extra modum æstuante vix emergit;) hinc dicitur *Flat-Holmes*. *Steep*, id quod præruptum; *Flat*, id quod planum, significat. Hinc *Lelandus* illam ⁱ nominavit *Præruptariam*, hanc *Pla-*

ⁱ Vide *Lelandi Commentarium in Cygneam Cautio-*
nem, voce *Danelmensis*.

Planariam. Prope *Nervam*, in intimo maris *Sarmatici* recessu, *Insula* est, quæ (a *Wodeno*) *Woden-holm*, i.e. *Wodeni* *Insula* vocatur. Sanctus ille doctusque *Dubri-cius*, qui Urbis *Legionum* ad *Isam* fuit Archiepiscopus, [heremetice vixit, apud *Aquam* *Sabrinæ*, & in *Insula* de *Stepe-holm* in *Sabrina* situatam; ibique vitam finiit:] tradente ¹ *Rosso Warwicensi*: verum hanc rem aliter narrat ² *Joh. Lelandus*. *Gildam* huc commigrasse, relicto, *Gildas* in quo vixit, *Monasterio*, vult *Lelandus*; & in harum *Insularum* altera quietem & *migravit*: silentium quæsisse: vah! quam inani opera. [Quam non sunt, inquit ³ ille, humana consilia ullo tempore certa, firma, stabilia! Nam quo loco altissimum sibi promiserat silentium, & quietem multo securissimam, evenit, ut strepitum & turbas non raro sentiret. Piratæ mali causa fuerunt; qui facinorum conscii, ad parvas *Sabrinaici* æstus *Insulas*, tamquam ad loca minime populosa, atque ob id prædæ & latibulis opportuna, proras vertebant. Tulit ille aliquamdiu improborum Furta, Rapinas, Sacrilegia: Sed cum deprædationibus

*Quanta
perpeffus.*

¹ *Historia Regum Angliæ*, Pag. 59. ² *De Scripto-ribus Britannicis*, Cap. XXXI. ³ Cap. XXXII.

bus nec modum nec finem ullum adesse viaceret, coactus ipsa necessitate, de mutanda sede cogitavit.] Hinc illum, nacta opportune navicula, Somersettense litus petiisse narrat, & Fratres Glessoburgenses adiisse.


*An hic
Librum
Querulus com-
posuit?*

PROFECTO suspicari licet, *Gildam* Librum suum *Querulum*, quo nihil tristius, nihil lamentabilius, nihil flebilius literis umquam mandatum fuit, inter hos Undarum Æstus, Ventorum Strepitus, Piratarum Exsecrationes, scripsisse: neque enim lucubrando operi tam mœsto aliud tam aptum Museum.

*Danis hæ
Insulæ
perfugio.*


NULLAM aliam ob rem magis hæ Insulæ claruere, quam quod *Danis* olim Fretum hocce frequentantibus, & Agrum *Somersettensem* (in quo eorum vestigia, Castra scilicet cum Aggeribus, nunc trilatera, nunc ovata, non procul a *Veceto* [*Watchet*], & *Portloco* [*Porlock*], hodie quamplurima visuntur) infestantibus, fuissent perfugio; Annis D. 845, 878, 918, 987, 997: ut in Chronico *Saxonico*, quod *Danorum* in hanc Insulam Descensiones & Dirptiones luculenter exhibet, videre licet.

C A P.



C A P. IX.

De Belgii Populo.



§. I.



VERISIMILE est, *Albiona*, Albion
 diu post Diluvium, antequam *olim Avium Terra.*
 humanum genus, per orbem
 universum migrando, longe
 lateque se diffuderat, annos
 bis mille & quod excedit, incultam ad-
 huc, sylvis, ericetis, & dumetis obte-
 ctam, paludibus abundantem, *Avium* inter ani-
 malia præcipue fuisse Terram: quarum
 aliquæ, scil. Aquatiles, aut rebus ab ocea-
 no ejectis, aut in fluviis piscatu captis,
 aliæ baccis & istiusmodi spoliis sylvarum
 alebantur. Certe Insularum, minime um-
 quam ab Hominibus cultarum, hæc ho-
 die ratio est; nec quidem melius de præ-
 N teritis

teritis sentiendum, quam ex iis quæ sunt in præsentî.

§. II.

Gallos
omnium
Mortali-
um primos
Albionæ
coluisse.

UBI vero huc commigrarunt Homines, eam proculdubio terræ partem, quæ est in meridie, primum incoluere. Tametsi *Tacito* concedamus, *Silures* ab *Iberis*, *Caledonios* a *Germanis*, huc appulsis, originem traxisse; tametsi *Bocharto*, *Phœnices*, *Itanni* ergo, *Dunmonium* navigando intrasse: tamen longo post tempore (si umquam) factum id videtur, & animo pertinaciter retinendum est, non modo *Gallos vicinum solum* (quod idem *Historicus* affirmat) occupasse, sed & omnium mortalium primos occupasse: quod Terrarum inter se Vicinitas apertissime ostendit. Tanti certe hac in re est Terræ Vicinitas, ut nihibeà conducibilius videatur, ad Populorum origines explicandas; iis præcipue temporibus, cum Navigationes in usum nondum essent, & rarus inveniretur, cui

— robur & æs triplex
Circæ pectus erat, qui fragilem truci
Committat pelago ratem
Primus. Quare

Quare non parum a scopo mihi videntur aberrare, qui a Chersoneso *Cimbrica*, aliave quavis terra *Galliis* remotiori, primos in *Britanniam* homines navigiis transportari volunt. At longius errant, qui *Albinam* cum sororibus ex Incuborum concubitu, in Gigantum magnam gentem hic crevisse, eamque demum gentem *Brutam* *Trojano* sanguine oriundum, evicisse, sicque Gentem *Britannicam* (quæ vero hæc Fabularum monstra!) cœpisse narrant.

§. III.

VEL terra, vel mari potuit iste fieri primus Hominum adventus; Terra scil. per Isthmum minime adhuc perruptum; quem revera fuisse, doctrina & eruditione claris hominibus quamplurimis, probabile visum ¹ est, ejusque modum, uti spero, ² exhibuimus. Si vero per Isthmum fieret, longe maturior esse potuit, quam mari per navigia migratio; quando Itinera, mari facta, rerum exigent apparatum,

Forte per Isthmum huc advenientes:

¹ Vide, secundum alios, Joh. Rossi, Warwicensis, *Historiam Regum Angliæ*; pag. 15. ² In Proœmio.

tum, qui rudi sæculo, neque in navigationibus versato, penitus ignoraretur : at- qui omnibus satis notum est, Populor m multitudine crescentium, alium ab alio facillime trudi, & in terras longe diffitas arceri.

*Vel certe
Mari.*

HISCE consona sunt, quæ de *Britannia* tum populo primo, tum nomine proferuntur ab Autoribus antiquis. *Beda* [*Imprimis, ait, hæc Insula Britones solum, a quibus nomen accepit, incolas habuit, qui de tractu Armoricano, ut fertur, Britanniam advekti, australes sibi partes illius vindicarunt.*] Quid quod de vetustissimis in *Gallia Britannis*, a quibus nostri homines sunt oriundi, verba fecere : *Plinius, Dionysius Alexandrinus, & Eustathius*, a *Clariss. Camdeno* hac de re laudati ?

§. IV.

Incolæ novis e Gallia Colonia in Boream pulsi,

QUI primum in Albiona Galli penetrarunt, Terræ fertilitate, Aeris clementia, Fluviorum dulcedine, reliquaque fortunatissimæ hujus Insulæ felicitate capti, de conditione gloriati, aliis Gallorum Nationibus eandem affectandi, ansam dedere :

dere: a quibus illi primigenii, sedibus suis expulsi, intus se contulere, & ab illis orti, proculdubio sunt ii, qui a nonnullis Aborigines *Britannici*, & a *Cæsare in ipsa Insula nati habebantur*, ipsique esse videntur, qui (Populo Populum, ut Unda Undam pellente) in Septentrionem a novis e *Gallia* Nationibus huc advolantibus acti, demum ultra *Tuedam* moventes, aliquando *Caledonii*, aliquando *Picti* (nam eundem hæc nomina Populum indicare palam est) appellabantur: Atque hunc, humanum genus in hanc Insulam primum inferendi, deindeque per eam diffundendi, modum fuisse, non improbabile duco.

Aborigi-
nes habe-
bantur.

§. V.

QUO vero tempore, certo ac definito, peragerentur hæ Incurſiones, ex defectu Monumentorum, res est Cimмериis obscurata tenebris: Constat autem *Japeto*, (at, secundum *Sheringhamum*, *Semo*) contigisse *Europam*, in eaque Insulas & Peninsulas. Quomodo id probari potest, inquit *Lactantius*: Nimirum veteres *Historiæ*

Hæc
Japeti
proles
fuit.

Ex Eu-
hemeri
testimo-
nio.

storia docent : deinde Autorem antiquum, *Euhemerum* citat, qui Deorum Historiam contexuit, ex Titulis & Inscriptionibus sacris, quæ in antiquissimis templis habebantur: Constat *Japeti* prolem, in immensam multitudinem paucis sæculis spatii crevisse, idque partim a frigore *Boreali*, quod generationem maxime juvat: Constat illius partem aliquam, *Gallos*, examina populorum in alias regiones emisisse quamplurima, & in *Britannias*, *Atrebat*, *Parisios*, *Icenos*, *Cantios*, & denique *Belgas*: Hi postremo dicti, sæculo ante natum Christum sesquialtero, ante *Claudii* adventum annos circiter CC, *Britanniam* intrarunt. Floruit isto sæculo *Divitiacus*, qui *Cæsaris* memoria totius *Galliæ* Rex fuit potentissimus: hic cum *Britannia* magnæ partis imperium, ipso tradente, obtinuerat, expeditionis hujus *Britannicæ* Dux a nonnullis, sed nec immerito judicatur.

§. VI.

Belgæ e
Gallia
venere,

QUOQUOMODO res ista sit, *Belgæ* litus, quod Insulæ *Vecti* opponitur, attingentes, *Regnis*, ut alibi tradidimus, ex eo pulsus, *Ventam* adgressi sunt, eique in ditionem

ditionem redactæ Nomen, quod ad nostrum usque tempus duravit, addidere. Deinde, novis forte populorum accessionibus gradatim aucti, late longeque se diffundentes, illum terræ tractum, quem in Tab. Chorographica delineavimus, occupavere, tenuere, coluere; sic, ut in nobilissimis hujusce Insulæ Nationibus se haberi fecerint: *Romanis* autem, in retinenda sub Jugum *Britannia*, maximo fuerint auxilio.

§. VII.

MINIME dubitandum est, quin, ^{Sui juris} ut *Belgæ* hi fuere Natio sui juris, ita ^{Populus} Le-
ges suas, ita Consuetudines, ita peculiarem, quam ex *Gallia* forte transtulerant, rerum administrationem, aliaque omnia, quæ liberæ Civitatis sub Rege sunt, tenuerint; præcipue vero Bellum indicendi jus, quo videntur uti plus nimio: Hoc enim Civitatibus, Insulæ hujus meridie positæ commune fuit, quod, quum infinita hominum multitudine abundarent, variisque de Causis inter se dissentirent, frequentissimis sese bellis attererent. *Cassivellano*, ait *Cæsar*, cum reliquis Civitatibus continentia bella intercesserant. Sic
etiam

etiam aliis Regibus inter se, & nonnumquam populis cum Regibus.

Religio-
nem Dru-
idum am-
plectens.

ATQUE hic *Belgarum* status fuit, ante *Julii Caesaris* adventum, bello paceque administrandis, Pecoribus (quorum magnus erat numerus) pascendis, Mercatura etiam, maxime cum *Gallis* exercenda, Agris colendis occupatorum. De eorum Religione si quæstio sit, a *Druidibus* & *Phœnicibus* eam fuisse deductam, confessa res est : quæ autem ea esset, a viris doctis passim abunde declaratur. Enimvero, licet a *Germanis Belgæ* traxerint originem, non ab his in *Britanniam*, quicquid umquam accepit ea de *Wodeno*, *Friga*, ceterisque Diis *Germanicis*, transvectum est; e diverso constat omnem illam Deorum turbam, eorumque cultum, a *Saxonibus*, qui multis inde post sæculis Insulam hanc infestare, & demum subegere, huc inferri.

§. VIII.

Roma-
nos Bel-
gium
mature
accepit.

CUM *Romani* sub *Claudio Britannias* subegerant, permagna in *Belgio* rerum mutatio mox secuta est. Omnino dubium est, ubi terrarum *A. Plautius*, qui primum ab Imperatore missus est, e navi-
bus

bus descendit; at dubio procul *Vespasianus*, Insulam *Vectim* attingens, *Britannia* litus *Belgicum*, quod est in propinquo, adivit, ibique exercitum exposuit; *Belgio* nimirum id honoris cessit, *Romanos* ut mature acciperet, iisque manus daret. Brevi deinde post tempore, *Regnorum* Princeps, *Cogidunus*, se suosque *Romanis* dedidit: Cogidunus iis se dedidit. cuius in causa fuit, quod a vicinis, in quorum numero fuere *Belgæ*, male habitus, Bellis scil. frequentibus laceffitus, præsidium & tutelam a *Romanis* speraverit. Hinc *Romanis*, a tergo tutis, in meditullium aperitur aditus: Tricies cum hoste conflixere: duas validissimas gentes, affirmante *Suetonio*, superque viginti oppida, in ditionem rede gere. At illarum gentium unam fuisse *Belgas*, sine controversia verum est.

§. IX.

TANTI habebantur hæ victoriæ, ut de iis ¹ *Tacitus* [*Hoc initium venturæ* Hinc Vespasiano *mox Fortunæ fuit, domitæ gentes, capti* Honos, *reges, & monstratus fatis Vespasianus.* binc Imperium *Quinimo* [*Triumphalia ornamenta, & in* Roma- *spa-* num. *num.*]

¹ In *J. Agricolaæ* vita.

*spatio brevi duplex sacerdotium accepit Vespasianus; præterea Consulatum, quem gessit per duos novissimos anni menses.] Sed quod hisce omnibus longe fortunatius, viam ad Imperium Romanum, ab his auspiciis, sibi suisque patefecit; unde summi Honoris, Autoritatis, Amplitudinisque culmen & fastigium, quod in orbe extaret universo, Gens *Flavia* conscendit.*

§. X.

Gavius
hac Expeditione
meruit:

IN *Claudii* expeditione *Britannica* meruit *C. Gavius*, qui sub *Vitellio*, jam ætate senior, Tribunus fuit duodecimæ Prætoris Cohortis, sed Juvenis Bello *Britannico*, cum *Romana* Juventutis Flos pæne omnis Imperatorem comitaretur, & ut opinari fas est, *militavit non sine gloria*. Donis enim ab Imperatore propterea donatus est, quod Lapide vetusto *Taurinensi* patet.

C. GAVIO. L. F. STEL. SILVANO.
TRIB. COH. II. VIGILVM. TRIB.
COH. XIII. VRB. TRIB. COH. XII.
PRÆTOR. DONIS. DONATO. A.
DIVO. CLAVDIO. BELLO. BRI-
TANNICO. IN

IN Donis five Præmiis militaribus; Donæ ei donatæ militariæ.
 quæ magni usus sunt ad honestandum &
 augendum bellicam Virtutem, Hasta,
 Torques, Armillæ, Phaleræ, Corona,
 Catellæ, Cornicula, Vestes, Adøreum,
 Vinum, Imagines, Agri censentur : quo-
 rum aliqua, raro autem omnia, uni ei-
 demque militi pro meriti ratione ¹ tribue-
 bantur, & in monumentis speciatim in-
 terdum ² enumerabantur.

§. XI.

SED redeo ad *Belgas* : Hi, qui (ut *Belgæ a*
 dixi) ante *Julii Cæsaris* adventum, Mer- *Romanis*
 caturam, maxime cum *Gallis*, exercuere, *subacti,*
 jam a *Vespasiano* domiti, *Romanorum* usus *militiæ se*
 & vitæ genus imitati, ad militiam, quæ *dant.*
 eorum res erat præcipua, se dedere. Hoc
 enim moribus humanis, hoc consuetudini
 gentium prope universæ consentaneum,
 ut ad Victorum animos se vitæque suæ ra-
 tionem, victi componerent. *Julius Vi-*
talis, de quo dedita in sequentibus opera,
 O 2 Na-

¹ Vide Lipsium de Magnitudine Romana, Lib. I.

² De Donis militaribus vide Lipsium de militia
 Romana, Lib. V. Dialog. XVII. Stewechium ad
 Vegetii Lib. II. Pag. 120. & in seqq.

Natione fuit *Belga*. Hæc autem ἐν τῷ πολὺ, minime vero univérſe, ſunt intellegenda: Nam *Belgas*, ante *Julii Cæſaris* acceſſum, Bella cum vicinis gerere frequentiffima, & a *Claudio* cum accepiffent jugum, Mercaturæ crebro (quod infra fuſius edifferam) eos operam dare pro certo habendum.

§. XII.

*Belgæ
noſtri a
quibus me-
morentur,*

ROMANIS ſubjecti *Belgæ* raro ſui mentionem habent factam ab Hiſtoricis; qui in Nationibus ſive bello ſuperatis, ſive quibus id inferrent, dicendis, ſe maxime oblectarunt. Hoc de *Regnis* ſimiliter notare licet, de quibus fere filet Hiſtoria. Verumtamen *Belgæ* noſtri & a *Tacito*, & a *Dione Cocceiano*, & ab *Antonino*, & ab *Herodiano*, memorantur.

*quibus in
rebus in-
ſervire
Romanis.*

FUERE ſine dubio *Belgæ Romanis* in vitæ rebus expediendis, & bellis faciendis, utiliſſimi: præſertim ad *Durotriges*, ad *Dunmonios*, ad *Ancalites*, ad *Segontiacos*, ad *Dobunos*, ne dicam alias gentes remotiores, *Silures* ſcil. *Cangos* & *Brigantes*, ſub jugum mittendos, & in fide retinendos. Pabulum, Frumen-
tum,

tum, ceterasque species annonarias, ut in exercitus usum ante conderentur, attulere; aliisque modis quibuscunque Romanis, sic, uti Provinciales solebant, inservire: sed in nulla alia re magis, quam in Viis Belgii militaribus tam primum muniendis, quam, uti postea facto opus, instaurandis.

§. XIII.

ROMANI in Britannia morati sunt annos circiter quadringentos, quo temporis spatio, magnam evenisse rerum pæne omnium mutationem omnino credibile est. Romana tam apud Britannos in usu fuit Lingua, ut ipsa Britannia jam i Romania censeretur. At de hac re Libri 2 Anonymi Auctorem doctum & gravem audiamus. [*As to our Temporals, the Multitude of Romans that from time to time came over hither, the large Estates they were possess'd of, the continual Trade they drove, with the civilized Inhabitants,*

Rerum in
Britan-
nia

¹ Vide Historiam Gildæ, Sect. V.

² Historical Collections relating the Originals, &c. of the Inhabitants of Great-Britain, Chap. III. London, 1706.

tants; and the frequent Marriages, which were made between those of the highest Quality in the Empire, and this Province, give us a greater Alliance and nearer Kindred to that Glorious People, than to any other Nation of the World.]

*sub Ro-
manis
immuta-
tio.*

Quæ vero de Britannis hic dicuntur, de Belgis sua proportione possunt intellegi.

§. XIV.


*Domito-
rum hujus
Insulæ
Virtutes.*

ENIMVERO, ut de hujus Insulæ Domitoribus distinctius dicam, in *Nor-mannis* observanda Linguae in tradendis legibus mutatio; in *Danis* immanitas, sævitia, temulentia, gula; in *Saxonibus* bellica Fortitudo juncta cum Pietate Christiana; in *Romanis*, scientia, prudentia, tam militaris, quam civilis, digna populo Orbis universi domino, cui vel parere fortunatum & in bonis habendum.

CAP.



CAP. X.

De Belgarum Lingua.

§. I.



UM Belgii nostri τὴ πόλιν *Prima in*
investigare, & in unum con- *bac Regio-*
gerere fuit propositum, cogit *ne Lin-*
instituti ratio, de *Lingua* ei *gua, Ru-*
quondam in usu quantulum- *nica;*
cunque occurrit, in medium proferre.
Linguam, qua usi fuerint hujusce Terræ
primi incolæ, Coloniae huc e *Gallia* prin-
cipio migrantis esse, omnino cogitandum.
Hanc autem *Runicam* fuisse constat, quæ
per *Europam* Septentrionalem longe late-
que fusa, & Dialectis variata : in hanc
Infu-

¶ Vide O. Wormii *Literaturam Runicam.*

Insulam, una cum populo primo se insinuavit, in eaque locum invenit diu ante *Latinam & Græcam*, vel inventam, vel animo cogitatam. Quamdiu vero tenuit, æque mihi ignotum est, atque tempus a *Gallorum* adventu primo ad *Belgarum* usque transfretationem; de quo ne conijcere quidem licet: cum (ut alibi retulimus) nulla supersint monumenta, quæ in re tam obscura lucem exhibere valeant: Centenos autem aliquot annos esse, non inani conjectura possumus existimare.

§. II.

sed vetu-
sta.

NOLO hic, in hujus rei testimonium, adducere *Runicas* Inscriptiones, ante annos circiter triginta, apud *Brigantes* erutas, & in Actis Philosophicis a nobis editas; cum illas non tam *Albionum* (i.e. Incolarum in *Britannia* vetustissimorum) quam *Danorum*, (qui in ea regione pluribus inde post sæculis grassati sunt; qui Linguam *Runicam* retinuerunt, ejusque exempla in monumentis ibi reliquerunt) esse judicaverim.

§.

1 Vide O. Wormii *Monumenta Danica*, & *Act. Phil. Lond. N. 178.*

§. III.

RUNICA Dialectus, quæ in *Gallia* Quæ in Galliis sensim corrupta, locum invenit, a puritate primigenia descivit, partim indigitum incuria, partim *Græcæ & Latinæ* Linguarum mistura: sic, ut *Belgas* huc appulso veterem *Runicam* incestasse, & corrupisse probabile sit: quod etiam ab aliis e *Gallia* ¹ *Coloniis*, five populorum examinibus similiter fieri probabile est. Atque hæc corruptio *Linguae Albionicæ*, five *Runicæ*, in hac *Insula*, ad *Romanorum* usque sub *Imperatore Claudio* in eam adventum, est continuata. Runica in Britanniiis postea corrupta.

§. IV.

POSTEA vero quam *Imperator* ille *Post Romanorum adventum in usu hic eorum Lingua.* *Britanniam*, & *Vespasianus*, una cum ingenti *Romanorum* exercitu, *Belgium* ingressus sit, multo major variatio fuit *Linguae Belgii vernaculæ*: neque hoc opinatu difficile, si quis illorum temporum morem & eventus rite perpenderit. Erant enim in exercitu tres *Legiones*, i. e. milites quasi 36000, qui per *Insulæ*
P tractum

¹ *V. Græcæ Linguae Historiam, a Gui. Burtono. Londinii MDCLVII.*

tractum meridionalem propemodum omnem dispersi, cum Incolis sese miscere, rebus omnibus, qua militaribus, qua civilibus interfuere. His adde *Romanos* in *Belgio* nostro mansisse annos, uti dixi, **CCCC**; quod ad Incolarum mores & ingenia prorsus subvertenda, tempus abunde sufficit: Victores enim ubique Linguam cum victis, si tempus siverit, communicant, & *Romanis* in usu fuit, (ut testatur ¹ *Augustinus*) Gentibus a se devictis Linguam imponere Latinam.

§. V.

HIS adjici potest, quod observavit ² *Tacitus*, [Britannos, qui modo Linguam Romanam abnuebant, Eloquentiam concupiscere] ut & ³ *Juvenalis* illud.

Romani
juris in
Britan-
nia con-
sulti flo-
ruere peri-
tissimi.

Gallia *Causidicos* docuit facunda Britan-
(nos.
Maximi vero hic momenti est, quod a
Librorum helluone, Doctiss. ⁴ *Seldeno*,
de *Juris Casarei* apud Britannos usu
dicitur, [Eum nempe cum *Claudii Imp.*
appulsu cæpisse, per annos 360 durasse, &
simul hic ejusdem *Juris* viros peritissimos e
Romanis (*Papinianum* scil. aliosque) flo-
ruisse.] Hinc — ¹ La-

¹ De Civit. Dei, Lib. 19.

² In vita Agricolaë.

³ Satyra XV. V. III.

⁴ Ad Fletam Dissertatione.

— 1 *Latia sub Lege Britannii.*

Neque de nihilo a Sapiente ² *Gilda Britannia* dicitur *Romana* Insula. Quibus ultimo loco addam, *Julii Vitalis*, natione *Belga*, Latinum esse Epitaphium. Hinc opinari ducor, Linguam in *Belgio* Latinam, multa quidem annorum sæcula, locum habuisse, atque adeo fuisse popularem. Verba Latina sub hoc tempus a *Britannis* adhibita, etiam nunc in eorum Lingua retinentur, eaque numero quamplurima : quod ex optimæ fidei ³ *Glossariis* abunde patet.

§. VI.

EX Prædictis sequitur, nullam *Belgii* fuisse Linguam peculiarem & vernaculam, nisi a *Belgarum* adventu, ad *Romanorum* in hanc Insulæ partem accessum : Antea vero *Runicam*, totius *Britannie* communem, etsi (ob causam modo expressam) non omnino purissimam ; postea vero *Romanam* fuisse, sed quæ successu temporis *Saxonica* locum fecit.


P 2

C A P.

¹ *Vet. Poet. Catalect. Lib. I. Tit. 7.* ² *Vide Hist. Gildæ, Pag. 3. Galeanæ Ed.* ³ *Humfredi nempe Lhuydi, Guilh. Salisburii, & David. Powellii, quos videbis.*



C A P. XI.

De Diis Belgicis.

§. I.

Nulla
Gens sine
Deo.



U M nulla gens tam barbara, tamque religione vacua sit, ut non aliquos esse Deos i credat, *Belgas* sine Deo, ejusque cultu ætatem egisse, nefas esset opinari: Quocirca, quænam a becceselenis *Belgarum* originibus, (sic a *Vinando Pighio* dicuntur) five *Britannorum* in *Belgio*, ad *Romanorum* e *Britannia* discessum, Numina colerentur, hoc capite conabor explicare: eorum exemplo, qui de *Diis Syris*, de *Diis Germanis* scripsere. Utinam fane scribenti mihi
sup-

i Max. Tyrius *Diff.* XXXVIII. Cicero *de Legibus*, Lib. I.

suppeteret tam ampla materies, tamque spei bonæ plena, & in ea excolenda tam felix ingenium!

MINIME dubitandum est, eos in *Britannia*, ne dicam *Belgio*, Deos primum adorari, qui e *Gallia* primum huc ab ejus populi Colonia portarentur, a *Germanis* accepti: quare, de hisce primum verba faciam. Secundo loco, addam quotquot erant Aboriginum *Belgarum* sive proprii, sive cum vicinis in *Britannia* communes. Deinde eos, quorum in notitiam a *Romanorum* appulsu venimus.

§. II.

POST dispersum a Diluvio, per universum Orbem, genus humanum, Idolorum cultu se illud turpissime incestare, manifestum est: *Germanos* scil. cultu *Solis*, *Vulcani*, *Lunæque*, secundum ¹ *Cæsarem*: *Martis* autem, *Herculis*, *Isidos*, maxime vero *Mercurii*, secundum ² *Tacitum*: quo in numine colendo *Gallorum* Gens, admodum dedita Religionibus, (auctore *Cæsare*) eos imitata est; adjece-
Veteris Germaniæ Dei,
Veterisquæ Galliæ.

¹ De Bello Gallico, Lib. VI.
Germanorum.

² De Moribus

reque *Apollinem, Jovem, & Minervam*. Mercurii, inquit ille, sunt (apud Gallos) plurima simulacra; hunc omnium inventorem Artium ferunt; hunc viarum, atque itinerum ducem: hunc ad quasus pecunia mercaturasque habere vim maximam arbitrantur:] ut & [Apollinem morbos depellere; Minervam, operum, atque artificiorum initia transdere; Jovem, Imperium cælestium tenere; Martem, bella regere,] Sed qui horum Deorum, cæterorumq; gentilium cognomina, quæque iis significantur officia, persequi voluerit, adeat *Jul. Aurelii Havrechi* Libellum, de hac re scriptum, & plus semel impressum. Nos ex ista *Germanorum Gallorumque Theologia*, quicquid ad *Belgas* nostros manasse videatur, explicari studebimus.

Hinc manavit
Theologiæ
Belgiæ
initium.

§. III.

De Mercurio.

A *MERCURIO* sumam initium, qui, ut viis ille præfedit, eæque in *Belgio* tum multæ fuere, tum etiam militares & illustres, hujus ergo præsidii non immerito coli censeatur. Sed ut hanc rem extra dubium ponam, *Doctiss. Galæus*, in explicandis veterum monumentis cum primis

mis sagax, Agro *Cunetioni* vicino, (est illud oppidulum *Belgii*) tres Lapidés pyramidales esse tradit, quos *Hermas* esse non sine ratione judicat; iisque non absimiles, quos prope *Isuriam* (*Aldborough*) inventos, ære insculpi fecit. Tres erant hujusmodi Lapidés in hoc Agro, ut in *Isuriano*, & forte ad eundem usum, nempe viam commonstrandam; unde *Mercurius* dicebatur ^{Evóσις} & in ¹ *Gruteri* Inscriptione, *Deus viacus*. Moris erat veteribus *Mercurium* sub hujusmodi forma rudis pyramidali colere. *Saxones* *IRMENSUL* appellavere, i. e. *Mercurii* Columnam: *Irmen* enim *Mercurius* est, (referente ² *Vossio*) & *Suyle* Columna. *Germanorum* *Mercurius Wodeni* nomen habuit; unde illis *Mercurii* Dies *Wodentag*, & nostris hominibus *Wednesday*, quasi *Woden's-Day*. Atque hæc de *Belgarum* *Hermete*, sive *Mercurio*.

§. IV.

SOLEM ejus sublimitas, splendor, ^{De Apol-}
magnitudo, calor, aliaque miranda com-^{line.}
men-

¹ Pag. 55. N. 5.
XXXII.

² *Idololatr. Lib. II. Cap.*

mendarunt humano generi; sic, ut in causa fuerint, quod a nonnullis *unicum Cœli numen*; a quamplurimis, præcipuum haberetur: omnino igitur opinandum, a *Belgis* eum maturius accipi pro Deo; *Gallos* scil. imitantibus, a quibus originem, & religionem habuere. Hunc a *Belgis* jam inde a principio civitatis adorari cenſeo, tamquam *ἐπολύοντα*, i. e. liberantem a Morbis, eorumque Deum averruncum; tamquam *ἀλεξίνακον*, & inventorem Medicinæ: maxime vero poſtea, cum a *Romanis* edocti *Belgæ* eum honore Templi auxere, *Aquis Calidis* præfecere; nec non illæ ab eo præſide *Solares* (quod illis apud *Antoninum* nomen eſt) appellatæ fuere.

§. V.

De Jove. PARI fere de cauſa, in hoc Deorum numero *Jupiter* recensendus; nempe quia

—*Divum pater, atque Hominum Rex*:

quia *γεννήτωρ*, i. e. *Genitor*, καὶ ἐξοχλῶ; quia *optimus maximus*; quia *βρονταῖα*, i. e. *Tonans* audiret. Has & hujusmodi ob cauſas *Galli* eum venerati ſunt; & ſecundum illos

illos *Albiones*; atque adeo *Belgæ*. Qui tamen cultus sub *Romanis* auctus est summo opere, quando *Eburaci*, & *Luguvallii* Jovi O. M. *Devæ* Jovi O. M. *Tanaro*, i. e. Fulminatori; *Isæ* Leg. Jovi O. M. *Dolicheno* construerentur Altaria. *Belgis*, cum hominibus *Ischanis*, & *Devanis*, negotii, qua Legionarii, qua Ferrarii (quod alibi ostendimus) multum intercessit; ut in *Belgio* nostro cultores etiam *Jovi* necessitudines & commercia parere, non est improbabile. Sed ut hanc rem absolvam, omnique metu liberem, jam nunc in manibus *Jovis* Icunculam, in *Belgio* non ita pridem effossam, habeo: est autem Imago *Jovis*, uti suspicor, *Ammonis*: eam comitabatur alia, quæ fuit *Tonantis*. Hæ sunt idonei testes in *Belgio* cultum fuisse *Jovem*.

§. VI.

CUM in *Britannia* locum habuerit *De Druidarum Religio*, *Belgæ* proculdubio illorum institutis aurem præbuere: Utque moris erat illis *Magiæ* (i. e. ex antiquo vocis illius significatu, rerum humanarum divinarumque cognitioni) studere; ut & Auguriis faciendis, rebus civilibus

Q. ad.

adminiftrandis, litibus dirimendis, Juventuti erudiendæ, medicinæ faciendæ, animarum poſt mortem tranſmigrationi, Quercuum cultui, ſtudiis ſine dubio iſſdem favere *Belgæ*. Imo, ſi illis Hominum pro victimis immolatio, (quæ auctoritate 1 *Plinii*, & 2 *Acronis*, vet. in *Horatium* Scholiaſtis, eſt confirmata) *Druidibus* id deberi cogitandum eſt; qui ſcœlœra, nequitiamque, qui Avaritia & Ambitio quicquid dictaverit, in ſacris haberi voluere, & pro Religione populo commendarunt: unde in Virtutibus apud eos *Αρετων Συζία*.

Tantum Relligio potuit ſuadere malorum!

OB immanem iſtam & ſtupendam feritatem, *Druidas* edicto 3 *Claudius* Imp. tamquam Hominum Monſtra, juffit aboleri. Verum hanc *Druidarum* immanitatem non penitus hoc edicto aboleri conſtat; nam ſub 4 *Nerone*, ſub 5 *Alexandro* Se-

1 *Lib. XXX. Cap. IV.* 2 *In Libri III. Oden IV.*

3 *V. Suetonium in Claudio, Cap. XXV.*

Druidum Dogmata, magnam partem e Schola Pythagoræ deſumpta, ingenioſe perſequitur Syntagmatiſ de Druidarum moribus & inſtitutiſ Auctoꝝ, Londini, 1664 impreſſus.

4 *V. Taciti Annales, XIV. 13, 2.* 5 *V. Lampri-dium in Severo, Cap. LX. Plinium, Lib. XXX. 1. Melam. III. 2.*

Severo (quod testantur Historici) repul- Non ad-
huc abo-
lita.
lavit; uti etiam, post tot sæcula, no-
stro hocce ævo; sed, quod pudet dicere,
multo crudelior: Quid enim aliud est *Pas-*
siva, quæ dicitur, *Obedientia*, quam ἀπο-
δοσία; quæ est Ἀνθρωποδυνασία species omnino
crudelissima.

§. VII.

IN omni Gentilium Theologia vix De Flumi-
num cul-
tu.
quicquam umquam usitatius, quam Flu-
vios eorumque Fontes pro Numinibus ha-
beri: [*Fluminum magnorum Capita vene-*
ramur.] Inquit ¹ *Seneca*.

² *Virgilius de Ænea,*
Hinc Deus ipse loci Fluvio Tiberinus
(amæno,
Populeas inter senior se attollere frondes
Visus.

Quem in locum *Erythræus* [Tiberinus
Deus hac forma visitur hodie Romæ eru-
tus ex ruinis.] *Nilus*, ab Ægyptiis Deus
fuit habitus: Αἰγύπτιε Ζεὺς Νεῖλος, inquit ³ *Par-*
meno Byzantinus. ⁴ Ἐστὶ περ καὶ ποταμῶν πρὸν ἡ
Q² καὶ

¹ *Epist.* 21. ² *Æneid.* VIII. initio. ³ *Schedius*
de Diis Germanis, *Lib.* IV.. ⁴ *Maximus Ty-*
rius, Diff. XXXVIII.

καὶ ὠφέλειαν, ὡς αὐτὸς Αἰγυπτίαις πρὸς τὸ Νεῖλον.

Huic statua erecta, tamquam Deo, quæ Romæ in Vaticano ¹ visitur. Numisma item antiquum est, DEO SANCTO NILO signatum, quem *Joh. Mocenigum* habere scribit Cl. ² *Funckius*. Sacrificatum Amni *Pamiso* a ³ *Messenis*, *Mæandro* & *Marsyæ* a ⁴ *Phrygibus*. Fontis *Clitumni* divinus apud ⁵ *Umbros* cultus. [In Superstitionibus atque cura Deorum, (inquit de *Parthis*, e *Trogo*, ⁶ *Justinus*) præcipua Annibus veneratio est.] Ubi *Tan. Faber* [Omnes ferme Septentrionales populi Fluvios venerabantur.] Etiam in novo orbe [Flumina Fontesque pro Diis habebantur] ut ⁷ *Jos. a Costa*.

A D nostra ut accedam, *Belatucadrum* Fluvium fuisse Doctiss. conjicit ⁸ *Galæus*, vel unum ex Fontibus *Itunæ* (*Eden fl.*) ⁹ *Bula* locum significat in quo e Lacu *Rivus* effluit; *Aber* Rivum aliquem in alium delabentem: atque hinc conflatum Monstrum hoc vocabuli. Coli vero in

¹ Schedius, Pag. 96. ² V. Begerum in Seldeni de Diis Syris, Cap. IV. Synt. 1. ³ Pausanias in Messen. ⁴ Vossius de Idol. Lib. II. Cap. LXXIX. ⁵ Plinii Epist. VIII. Lib. VIII. ⁶ Lib. XLI. Cap. III. ⁷ Lib. II. Cap. II. & IV. ⁸ In Annotatis ad Antonini Itin. II. ⁹ Doctiss. Llaydii Additamenta ad Camdeni Caermarthen-shire.

Cumbria Belatucadrum, tamquam Deum illius Regionis Indigetem, ex 1 Altaribus non paucis, ei inscriptis, ibique loci effossis, evidentissimum est. Porro *Æstuarium Lancastriense* a *Ptolemæo* *Βελίουμα* dictum est, quod & Deæ nomen in vicinia 2 cultæ, Ara ei dedicata. Fluvii nomen est hodie *Ribell*, a *Saxonico Rbie*; *Belisam* in ultima syllaba fatis (ut *Seldenus* ait) servato.

EX Septentrione in *Belgium* migremus, *De Avona* ubi *Avona*, meditullio inter Oceanum & *Dea*. *Sabrinam* orta, *Dobunorum* terram præterfluit, & cursu flexuoso planitiem magnam irrigat, multaue fœcunditate donans, inter eos esse videtur, [*humanis usibus utiles, quibus* Divinus Honor, (ut 3 *Gildas* affirmat) *a cæco tunc Populo cumulabatur.*] Atque hæc de *Avona*, *Belgarum* Dea, sufficiant.

§. VIII.

AD illud *Belgarum* numen accedo, *De Gea-* quod hujusce Insulæ fuit a *Saxonibus* ac-
da.
ceptum:

1 *V. Camdenum in Cumbria.* 2 *De Diis Sy-*
ris, Syntag. 2. Cap. 1. 3 *Historia, Sect. II.*

ceptum : *Geadam* volo, sive *Getam*, ab ejusdem nominis Imperatore longe diversum, & toto cœlo distantem ; *Afferius Ælfredi* Regis genealogiam, ab hoc 1 *Geada* ducit : nimirum eo recensente secundus supra vicesimum fuit ab *Friðurwulf*, [qui, ut ait ille, fuit *Fingodwulf*, qui fuit *Geada*, quem *Getam* jamdudum *Pagani* pro Deo venerabantur.] Cujus utique rei *Sedulius* mentionem facit, in opere Paschali, quod ad *Macedonium* Abbatem, B. *Hieronomi* coætaneum, Imperante *Theodosio* Jun. scripsit, hisce verbis,

*Cum sua gentiles studeant figmenta Poetæ
Grandisonis pompare modis, tragicoque
(boatu,
Ridiculove Getæ, seu qualibet arte ca-
(nendi,
Sæva nefandarum renouent contagia re-
(rum,
Et scelerum monimenta canant, rituque
(magistro
Plurima Niliacis tradant mendacia byblis :
Cur ego, &c.*

HUIC Poetæ, ut homini *Scoto*, de gente vicina, ait Doctiss. *Gerhardus* 1 *Kos-*

1 De Ælfredi Rebus gestis : sub initium.

¹ *Vossius* [non temere est deroganda fides.] multo minus a nobis *Britanno*, & conterraneo nostro. Illi igitur habitæ hoc superaddam, quod ut toti *Belgio*, simul cum vicinis regionibus, præfuit *Ælfredus*, opinari licet a *Belgis* tribui *Britannico* huic Deo divinos honores. Sed de *Geta* hoc *Sedulii* aliter alii sentiunt.

§. IX.

ILLOS denique *Belgarum* Deos accedo, qui per *Romanos* iis innotuere: Horum princeps est *Minerva*, quæ cum a mendendi arte, bonaque valetudine, quam præstare crederetur, *Italia Græciaque* clauit, & aliquando ² *Pæonia* & *Hygiæa* dicta est, *Aquas Calidas* sibi dicatas habuit; unde a *Britannis* *Caer Palladour*, i. e. *Aquæ Palladiæ* Urbs nominata est. Hinc (ex ³ *Solini* testimonio) [Fontibus Calidis opiparo excultis apparatu ad usus mortalium, Præsul est *Minervæ* numen, in cuius *Æde* perpetui *Ignes* nunquam canescunt in favillas.]

HONOS autem ille *Minervæ* datus est ex parte forsan *Domitiani* gratia, qui

Deam

Eiusque
Templo,
Aquis Calidis
ere-
cto.

¹ *Idololat. Lib. I. Cap. XXXVI.*

² *Ut a Pau-*

sanio Lib. I. traditum.

³ *Cap. XXII.*

Deam illam, cuius se filium haberi voluit, ¹ superstitiose colebat. Hujus exercitus sub *Agricola*, cum *Belgium*, omnemque *Britanniam* meridionalem subjecerat, pro imperio egit, & quæ *Domitiano* placerent, fieri curavit. Sub hoc tempus *Aquæ* forsan in tutelam *Minervæ* sunt dicatæ, & Templum ei constructum.

§. X.

De Hercule.

HERCULES apud antiquos tanto in honore, tamque multiplex fuit, ut nulla fere civitas esset, quæ suum non haberet, Deum ἐμχόμενος: eique non uno in loco suorum bonorum decumam partem dono dedere; ut ex ² *Plauto* patet, & Inscriptione inter ³ *Vignolii* selectas. *Lepti*, in *Africa*, *Septimii Severi* patria, fuit instar omnium Deorum: Unde Nummus illius Imperatoris *Herculi* inscriptus. Quanti fuerit apud *Dunmonium*, a Promontorio illi sacrato colligere est: quanti apud *Belgium*, ab *Aquis Calidis*, sub illius præsidio

¹ Vide Suetonium in *Domitiano*, & Dionem Xiphilini, *Lib.*

² In *Bacch. Act. IV. Sc. 4.*

V. 15. Truc. Act. 2. Sc. 7. V. 10.

³ *Pag. 337.*

præsidio beatis & placide profilientibus. Quam fortiter Aquis hæc præsidet, quam strenue defendit, & e quibus effluunt, tuetur Urnas! nempe Leonina pelle indutus, fuste armatus, & torvo vultu, qui plane terriculo sit. Tres ibi sunt Imagines, *Herculis* cultum indicantes, quæ jam in urbis mœnibus apparent [una, inquit Doctiss. ¹ *Galæus*, in utraque manu serpentem constringentis, altera duos Angues comprimentis, & tertia sinistram attollentis, cum clava in dextra.] His (quod dictu probabile) cum serpentibus visis, ² *Gildas* exclamavit [*Patriæ portenta, ipsa Diabolica pene numero vincencia, quorum nonnulla lineamentis adhuc deformibus intra vel extra desertæ mœnia, solito more rigentia, torvis vultibus intuemur.*]

Ejusque
Aquis
Calidis
Imaginibus.

Διὰ τὴν θερμότητα, inquit ³ *Athenæus*, λέγουσι τὸ θαυμάσιον ἐκ τῆς γῆς πάντες Ἡρακλέους φάσιν ⁴ εἶναι ἱερὰ; i.e. Cur calidas, quibus lavamus Aquas, e Terra scaturientes omnes Herculi sacras esse dicunt? Meminit ⁵ *Strabo* *Ædepsi Eubææ*, ubi calida sunt *Herculis* Lavacra.

R

Qui

¹ In Antonini Iter XIV. ² Initio Epistolæ.
³ Lib. XII. ⁴ Herodotus in Πολυμ. ⁵ Erasmi Adagia. Kusteri Notam N°. 1047, in Nubes Aristophanis.

Minerva
 & Her-
 cules
 σύμβω-
 μος.

Quinimo 1 Balnea dicebantur *Herculana*.
 2 *Minerva* (ut ex *Pisandro* patet) fesso
Herculi Calidum Balneum suppeditavit,
 ejus 3 Comes & in periculis Adjutrix fu-
 it; Peplo eum donavit: Unde eos *Aquis*
Belgii nostri *Calidis* Συμβώμης fuisse au-
 tumo.

1 *Erasmi Adagia*. 2 *Ibi*. 3 *Pausaniæ, Lib. IV.*

CAP.




C A P. XII.

A D


VIRUM ORNATISSIMUM

ROBERTUM EYRE, Eq. Aur.

Unum e *Banci* Regii Justitiaris,
Ducatus *Cornubiensis* Cancellarium.



Introite, nam & heic Dii sunt.
— *O fidi Romæ salвете Penates !*



INTRODUCTION.



UM in *Belgii* nostri lucubra- ^{*Penates.*}
tione, *Vir Clarissime*, sum
occupatus, *Iscam* opportune
advenit, e *Wiltonia* vestra,
quidam, Deos secum appor-
tans;

Ubi in-
venti.

tans ; quos ille non ita pridem humo ef-
fodit, & quæstus ergo circumtulit: Est
enim Olitor, dumque Terræ evertendæ,
apud *Devifas*, fatageret, in conspectum
fortuitu venire, Gentilium Icunculæ Deo-
rum, quales utique raro spectentur. Nu-
mero sunt undeviginti; Bruta, Homines-
que, Deos, Deasque, Consentes, Sele-
ctos, Cabiros, incertos, ignotos, medi-
oximos, infimos, repræsentantes. Fi-
guræ sunt ex Ære fusili; sed quæ Plum-
bo, liquefacto & infuso, implentur: Un-
de Gravitas earum expectatione major.
Erant Latere quadrato (quæ *Romani* for-
ma fuit) opertæ, inter rudera veterum
ædificiorum, altitudine sex pedum. Hu-
iusmodi vero rudera, quando pleraque
hic detecta sint, Pagum hunc fuisse no-
bilem, etiamsi nomine carentem, abunde
monstrant. Nummorum magna vis,
Urnæque creberrime solent passim hic in-
veniri. *Seriam* hic inventam, sex circi-
ter congiorum, habet domi Olitor; de
qua in *Belgii* Capite xvii.

UT autem ad *Penates* hos particula-
rim accedam, en eorum Figuras; qua-
rum pleræque Prototypis æquales: Hæ
cum Tuæ Munificentiae (*Vir Reipub.*
amantissime!) debeantur, Ipsi Dii Tibi
gratias

Penates, apud Devisas, in BELGIO nostro Effossi, Anno 1714.

Tab: IV pag: 125

Fig. 1.



Venus.
Long: Unc: vi $\frac{1}{4}$.
Pondo Lxi ss.

2.



an Iupiter Ammon?
Long: Unc: w ss.

3.



Neptunus
Long: Uncias ix.
Pondo Liii ss.

4.




Hercules.
Long: Unc: iiii $\frac{1}{2}$.
Pondo Lvi ss.

5.



Vulcanus.
Long: Uncias iii ss.
Pondo Liii ss.



gratias rependunt, & Tuarum rerum curam & præsidium suum benigne pollicentur: harum

§. I.

PRIMA *Venerem* repræsentat. Tam 1. Venus.
 eximia fuit, tamque præclara *Veneris* forma, (quæ illam ¹ *Cinyra*, Regi *Cyprio*, cujus *Scortillum* erat, commendaret, atque adeo toti *Græciæ*) ut omnibus amabilis, delictum, & summo in honore, tandem ipso *Cinyra* autore, in Numen eveheretur. In Cælum recepta rei *Meretriciæ* præfedit, quam cum primis intellegere putabatur; cum prima omnium, tradente ² *Lactantio*, Artem meretriciam instituisse, mulieribusque persuasisse dicebatur, ut corpore quæstum facerent; ne sola videretur impudica. Quod *Amoribus* illicitis præfuerit, nunc *Πορνὴ*, nunc *Πάρνη*, nunc *Εραῖνα* dicta est. A Forma *ἡ Μορφὴ*, apud ³ *Lacedæmonios*: A pulchris *Natibus*, ⁴ *Callipygos* appellata est:

¹ Clemens Alexandrinus *Admonitione ad Gentes*.
 Theodoretus *Lib. III. de Curatione Græc. Affectuum*.
² *De falsa Religione, Lib. I.* ³ Pausanias in *Lacōnicis*.
⁴ Havreclus de *Cognominibus Deorum Gentilium, Lib. II. Cap. IV.*

est: *Veneri Callipygo*, ¹ *Syracusani* Templum erexere. Ab antiquis Amorum, Gratiarum, Pulchritudinis, Deliciarum, Voluptatumque omnium habita est Dea. [*Neque Meretrices tantum*, (affirmante prænobili doctissimoque ² *Herberto*) *sed & pudicæ etiam Puellæ colebant*, ut *Venustatem*, *Pulchritudinem*, & *Gratiam* sibi apud omnes conciliarent; *sed & Viduæ quoque felices ab ea alteras Nuptias precabantur.*] Adeo nimirum omni ævo Viduis eadem mens, idemque animus.

ICUNCULA, quæ ad servandam hujus Deæ Formam, & admirabilem Symmetriam, ex ære fusili conflata est, Caput habet Vitta circumdatum, Cirros hoc, illo latere dependentes: Dexteram ad Uber elevatam; Mamillas sororian-tes; Pectus bene castigatum, & Ventrem infra non nimis tumentem. Brachio caret sinistro, cujus Manus ad interfemineum obtegendum (erat enim valde pudica) forsitan erat demissa. Ut in *Venere Arundeliana*, cujus apud doctiss. ³ *Pricæum* existat Figura, satis speciosa; qua tamen nostra

¹ Athenæi *Deipnos.* Lib. XII. in fine. ² *Religione Gentilium.* Pag. 133. ³ *Vide Notas ejus in Apologiam Apuleii.* Pag. 93.

nostra multo speciosior ; quæque forsan
omnes hujusce Deæ Imagines, quæ nunc
superfunt, Artuum mira compositione
vincit, & formæ eximium decus ostendit :
Nates scil. quæ *Syracusanis* ;

Brachia, & Vultum, teretesque Suras,

quæ vel *Horatio* placerent. Plura hic no-
tare nefas. Omni parte *Venus* est. *Ve-*
neri suum Poemation nuncupavit *Lucre-*
tius ; *Enææ* sui matrem esse statuit *Virgi-*
lius. Quæ lepide, quæ diserte, quæ pul-
chre dicuntur, ea *Veneres Cupidinesque*
sunt. At Deæ hujus non infima laus est,
quod (ut ex hac Icuncula patet) Penati-
um una sit. *Romani* nudas *Veneris* sta-
tuas amarunt ; raro *Velatas* apud eos in-
venire licet. Etiam si *Plinius*, [*Græca*,
¹ inquit, *res est nihil velare*] nihilominus
idem alibi tradit *Praxitelem* duas fecisse
hujus Deæ statuas, *alteram velata specie*.
In præclari hujus statuarii *Venerem* exstat
² Epigramma perelegans *Eveni*.

Πάλλας ἡ Κερνίδαο συνδύνασις ἔπειν, ἰδῆσαι
τίω Κνιδίῳ, ἀδικῶς ἃ Φρύγα μεµόµεδα.

i. e.

¹ Lib. XXXVI, Lib. V.

² Antholog. Lib. VI. Cap. 12.

*Ut Cnidiam videre Jovis soror, atque
Dixerunt, querimur non bene de Paride.*

§. II.

2. Jupiter.
Ammon.

J O V I inter varia ejus cognomina (de quibus affatim *Havrechus*) nonnunquam ¹ *Ammonio* datum est appellari: cujus hoc in causa esse dicitur. [Jupiter *sub specie Arietis cultus in Libya; sic dictus quod sitienti Libero Patri in Arabiae desertis, Jovemque imploranti apparuerit in forma Arietis, terramque concutiens pedibus fontem ostenderit. Quamobrem Templum illic edificavit, Jovique Ammoni h. e. Arenario consecravit.*] Ita Nicol. ² *Lloydius*. Sed omissis his quisquiliis & nauci fabulis, ut id, quod sanius est, expromam, alii *Noë* filium, *Ham* appellatum, cujus posterii *Libyæ* cultores, *Hammonis* sive *Ammonis* nomine pro Deo (sic, uti plerisque nationibus in more fuit) hic cultum
opi.

¹ Vide *Havrechum, Lib. I. Cap. 3.*

² In voce *Ammon*.

opinantur: atque ista *Vossii Fullerique* nostri sententia, mihi probabilis videtur. *Jupiter* autem, ut patet ex ¹ *Macrobio*, Sol esse putabatur; utque Radiis hic, sic ille Cornibus insignis. Atque hinc de *Jove Ammonio* Historia.

De hoc Cornuto *Jove*, ² *Lucanus*

—Stat Corniger Ammon.

Potuit (inquit ³ *Borremanus*) Cornutus appellari *Jupiter* a Mitra, Cornuto Capitis gestamine, quam & Sacerdotibus *Ammonis* in usu fuisse constat. Habet *Jovis Ammonis* in Penatibus Icon Cornu tortuosum, & quidem unicum: quod ad eum demonstrandum nonnullis sufficere videatur; nihilominus ἐπέχω.

§. III.

NEPTUNUM ostendit, ejus Insigne, ^{3. Neptu-} Tridens. ^{nus.}

Ita de *Æolo*, *Virgilii* *Neptunus*.

⁴ Non illi Imperium Pélagi, sævumque
(Tridentem,
S Sed

¹ Lib. I. Cap. XXIII.

² *Pharsaliæ*, Lib. IX.

³ *Variar. Lectionum*, Cap. XIX.

⁴ *Æneid*, Lib. I.

Sed mihi sorte datum. —

¹ *Tuque O, cui prima frementem
Fudit equum magno tellus percussa Tri-
Neptune!* (denti,

AT in Prototypo nostro, *Tridentis* hujus *Icone*, breves sunt *Dentes*, ut & obtusi; multo aliter, quam in hujus ævi *Tridentibus Neptuniis*, five *penicillo*, five *scalpro* delineatis.

§. IV.

4. *Hercules.*

τῷ β, inquit ² *Apollodorus*, παῖδός ἐν τῷ (Ἡρακλέῳ) ὀκτομηνιαίᾳ, δύο δράκοντας ὑπερμεγέδεις Ἡρα. ἐπὶ τῷ αὐτῷ ἐπεμψε, διαφθαγεῖν τὸ βρέφος δέλυσσιν. ἐπιβοαμένης δὲ Ἀλκμήνης Ἀμφιτρυόνα, Ἡρακλῆς δὲ ἀναστὰς ἄγχων ἐκάλειτο τὰ χερσὶν αὐτῆς διέφθειρε. i. e. *At cum Hercules octo Jam menses natus esset, Dracones duos inusitata magnitudinis Juno Infantem perdituros, in lectum demisit: Alcmena Amphitryonis opem implorante, Hercules in pedes erectus utraque manu constrictos ipsos necavit. Fuit non ita pridem Aquis Calidis Imago Herculis, duos Angues ambabus*
ma-

manibus, singula singulum, comprimentis : ut in ¹ superioribus ostensum est.

§. V.

E COELO *Vulcanus*, in *Lemnum* ^{5. Vulcanus.}
 Inf. simulaque natus est, ob deformitatem, a Matre *Junone* præcipitari fingitur, & ex eo tempore claudicare; unde *Juno* illum apud ² *Homerum* *κυλλοποδίων* vocavit. At aliam hujusce Claudicationis causam ³ *Phurnutus* exhibet. Fabellam, quam voluerit, pro arbitrio Lector eligat : sunt enim utræque *παχλας*, & ejusdem notæ. Hinc ⁴ *Catullus*,

*Vovit, si sibi restitutus essem,
 Scripta Tardipedi Deo daturam.
 i. e. Vulcano, five Igni.*

⁵ *Columella*
Quin & Tardipedi Sacris jam rite so-
(lutis,
Nube nova seritur.

S 2

§.

¹ Cap. IX. Sect. 10. ² *Iliados* v. ³ *De Natura*
Deorum, 19. ⁴ *Vide Carmen in Annales Volufii.*
⁵ *Lib. X. De Cultu Hortorum.*

§. VI.

6. Bac-
chus.

SEXTA videtur esse *Bacchi*: quid enim in sinistra Discus ille, nisi qui *Horo*, *Ægyptiorum Baccho*, ut ex ¹ *Chartario* patet, adjacere soleat? Dextera *Poculum*, Vino forte plenum habet. Quid quod duo etiam *Cornua*, quæ recens ex temporibus prodire videantur, & a ² *Philostrato*, *Bacchi Insignia* dicuntur, aspicio. Plura de *Baccho* infra.

§. VII.

7. Pallas.

PALLAS hæc omnino est ³ *Αρεια*, i. e. Fortis, Strenua, Martialis; cui apud *Plataenses* Templum, ex *Marathone* pugnae manubiis ædificatum est. En illam, dextera tenentem Hastam, sinistra *Ægidem*, capite *Galeam*: sed quæ Apicem non rotundum, uti ⁴ *Salii tutulati*, verum habet, oblongum, a fronte ad occiput ducentem. Dicta est *Pallas*, *Πάλλας*

¹ Pag. 295. ² In *Ariadnes* Imagine. ³ *Havrechus de Cognomin. Deorum. Cap. III.* ⁴ De quibus vide *Tobias Gutberlethi J. C. de Saliis Lib. singularem. Cap. XI.*

6.



Bacchus.
Long: Unc: $iv\frac{7}{8}$.
Pondo $3iv, 3v$.

7.



Long: Unc: iv .
Pondo $3vi ss$.

Sab: v pag: 132

8.



Pallas.
Long: Unc: $iii, \frac{3}{8}$.



6.



Bacchvs.
Long: Unc: $iv\frac{7}{8}$.
Pondo $3iv, 3v$.

7.



Long: Unc: iv .
Pondo $3vi$ ss.

Tab: 4 pag: 132

8.



Pallas.
Long: Unc: $iii\frac{3}{8}$.

Tab: vi, 133.

9.



Virgo Vestalis.
Long: Unc: $iii \frac{1}{4}$.
Pondo Zvii ss .

10.



Mercurius.
Long: Unc: $iii \frac{1}{4}$.



παλλειν τὸ δόρυ, a vibratione Hastæ: Dicta
etiam est *Armifona*, unde 1 *Virgilius*,

—*Tum Numina Sancta precamur,*
Palladis Armifonæ.—

Dicta est *Stratia*, sive *Militaris*: Δορυκέν-
της, i. e. *Hasta pungens*. *Glaucopis* a
formidoloso Vultu; *Gorgonea*, a Vultu
truculento. *Palladis* hæc Cognomina va-
rias ejus virtutes indicant, easque satis
ostendit Imaguncula; præcipue vero tru-
cem aspectum, *Gorgoneo* pæne æqualem.

§. VIII.

VESTÆ hæc Sacerdos, velata & sto-
lata, ut Mysteria Religionis Sanctitatem
que significet, dextra Pateram habet, qua
se ad Sacrificia facienda paratam osten-
dat; sinistra Librum, ut opinor, *Ritua-*
lem, veterum more, convolutum: 2 *Plu-*
rimi Ritus, & *Cæremoniæ* fuerant *Vesta-*
lium, qua discentium, qua exercentium,
docentiumque, quas ob multitudinem
Scriptura servari voluit Religio.

8. *Virgo*
Vestalis
Maxima

VESTAM

1 *Æneid. Lib. III.* 2 *Vide Dionysium, Antiq.*
Rom. Lib. II. Sect. LXVII.

VESTAM de numero *Penatium* esse, vel certe comitem eorum *Macrobius* affirmat: quin & *Penatibus* eam jungunt Numismata; quorum unius exstat, in *Lipsii de Vesta* 2 Syntagmate, Figura; uti etiam statuæ *Vestalis Maxima*, huic nostræ Virgini non absimilis, quæ quidem *Maximam* exhibere *Vestalem* non immerito credatur.

§. IX.

9. Mercurius.

AD *Mercurium* accedo; hujus enim Nonam esse Figuram autumo, quando veteribus hujusmodi *Mercuriolo*s in usu fuisse, nulla sit dubitatio. Talem *Apuleius* habuit, (de quo alibi) & quidem comitem, quoquo iverit; pæne dixeram, e *Penatium* numero Deorum: In utroque (tam *Apuleii* illo, quam hocce nostro) lepide & festive omnia; in nostro, tamquam corpus in aere Brachio exporrecto librantis, & jam nunc a *Jove* nuncii gesticulantis. Deest equidem *Marsupium*; deest Gallus; at omnino constat *Mercurium* apud antiquos non eadem semper figura sive pictum, sive sculptum,
sive

1 Lib. III. Cap. IV.

2 Cap. VII.

five fufum fuiffe. In Petafo Pinnulæ paulo altiores funt, id quod ex artificis errato, dicam, an de industria factum? certe apud 1 *Tob. Gutberlethum* occurrit ex *Oudanio* & *Gutherio* nummus, in quo *Mercurius* Galeam habet, eique Alas infixas, & in altum, ut in hac Imagine, elatas. 2 *Apuleius* *Mercurium* inducit Puerum luculentum, nudum, hilarem, afpectu jucundum. 3 *Martianus Cap.* eum describit Adolefcentem, venufto, alto, ac robusto corpore, pubefcentibus genis, neque ullam Alarum, aut Caducei mentionem facit. Caduceum finiftra tenuiffe noftrum *Mercurium* omnino probabile eft; fed tempore effractum.

UT *Alexandro Mammææ*, fic & *Porphyrio*, totique *Gallicæ* Nationi, in magna veneratione fuit *Mercurius*: neque mirum, quando Rationis & Orationis exhibitor, quando *Mercuratæ* & *Viarum* Præfes, quando *Literarum*, *Mufices*, *Palæftræ*, & *Geometriæ* inventor, quin & *Divitiarum* dator audiret.

§.

1 Vide ejus *Lib. de Saliis*, Cap. XI. 2 In *Apolo-*
logia, Pag. 72. 3 De *Nuptiis Philologiæ & Mer-*
curii. *Lib. I.* Pag. 3.

§. X.

10. Lupa,
Romulus,
& Remus.

MERETRICES olim Lupæ dice-
bantur : Sic ¹ Catullus,

Tamquam comminctæ spurca saliva
Lupæ. Et ² Plautus,

Divortunt mores virgini longe ac
Lupæ.

Nominis rationem reddit ³ Isidorus [Lupa
Meretrix, inquit, a rapacitate vocata,
quod ad se rapiat miseros atque repre-
hendat.]

⁴ APULEIUS more suo [Ipse pro-
pudiosus, Uxor Lupa, Filii similes pror-
sus.]

DEINDE, Larentiam, Faustuli uxo-
rem, Romuli & Remi nutricem, fuisse
Meretricem, i. e. Lupam, pro concessio-
sumitur; atque hic Fabellæ ortus, Fra-
tres illos a Lupa quadrupedi lac hausisse:
voce æquivoca viam errori faciente. Ita

¹ Livius

¹ Ad Juventium.

² Epidic. At. III. Sect. II.

³ Pag. 1080. Ed. Put.

⁴ In Apologia.

1 *Livius* [Sunt qui Larentiam vulgato corpore Lupam inter Pastores vocatam putent : inde locum fabulæ ac miraculo datum.] Huic conveniunt 2 *Dionysius* 3 & *Plutarchus*.

BESTIA jam in mulierem mutata, de Romulo & Remo licet ex 4 *Dionysio* notare, quod [erant dignitate formæ, & animi celsitudine, non subulcis aut bubulcis similes, sed iis quos quivis stirpe regia ortos judicasset, & iis qui ex Deorum semine creduntur nati:] atque hunc in modum, a Romanis, in patriis Hymnis ac Cantilenis, ætate *Dionysii*, fuisse 5 celebratos : quæ quidem omnia nostris Imagunculis non inepte repræsentantur.

§. XI.

CICERO Lib. I. De Nat. Deorum.
[Quid censes igitur Apin illum Sanctum Ægyptiorum Bovem, nonne Deum videri Ægyptiis?] Et 6 *Plinius*, [Bos in Ægypto etiam Numinis vice colitur, Apim vocant.]

15. Apis.

T

§.

1 Lib. I. Et Aur. Victor de Origine Gentis Rom. Cap. XXI. 2 Lib. primo. 3 In Romulo. 4 Loco jam citato. 5 Æneid. Lib. VIII. 6 Lib. 8. Cap. 46.

§. XII.

16. Anu-
bis.


DE *Anubi* res apertissima est, Numen
illud *Aegyptiacum* esse; de quo *Virgilius*,
— 1 *Latrator Anubis*.

Et 2 *Juvenalis* de Diis *Aegyptiis*,
Oppida tota Canem venerantur.

§. XIII.

27. Euce-
phalus.

MULTA congeffit *Æl. Lamprius*,
bona cum fruge legendus Auctor, quibus
ostendit *Alexandrum Mammææ*, *Macedo-*
nium illum Magnum, in plurimis sequi,
atque adeo studiose & diligenter imitari.
Illius gratia nomen Alexandri accepit:
Nummos figuravit illius habitu complures:
Vitam ejus lectitavit: Inter Divos &
Optimos eum in Larario majori consecra-
vit: Laudes ejus libentissime audivit:
Sæpe in honorem ejus potavit: (hoc Græ-
corum more factum, qui Regum, Princi-
pum, & Deorum honori pocula consecra-
bant, & bibebant:) *Fecerat, more Ma-*
cedonico;



16.



Anubis.
Long: Uncias iii ff.
Pondo vi, ff.

17.



Bucephalus.
Long: Unc: iii, & quad:
Pondo xiii-vi.

Tab: 1x. pag: 139.

18.



Bacchus.

M. Burghers sculp.

19.



PENATES hi Guil: Cadby, apud DEVISAS Olitoris,
Aere incisi, et Charta Imperiali impressi, vene-
unt a Bibliopoliis Knapton Londinensi, Clements
Oxonienfi, et Yeo Exonienfi.
MDCCLXVII.

Nobilissimo Principi
FREDERICO
GEORGII filio Celsissimi,
GEORGII Nep: Augustissimi,
CAESARI destinato,
M. BRITANNIAE spei, Delicij,
Animarum desideratissima,
PENATES hosce Annos sesquimille Terra
absconditos, voti & Obsequij sui Pignus,
Sacrari voluit,
Guilh: Musgrave, G. F.
ISCANVS.

cedonico, χρυσάσματος ἔργον ἀργεῖσματος: *fecerat* ἔργον Phalangem, *Alexandri M.* imitatione: quibus abunde patet, quam Imperatori *Romano* cara fuerint Regis δμωνύου *Macedonici* pene omnia; neque alienum videbitur, si, cum viris eruditione claris, Equum hunc *Bucephalum* esse cogitavero.

§. XIV.

POSTREMÆ duæ Figuræ Numeris 18. *Bac-*
18 & 19 signatæ, Prototyporum magni-
tudini non respondent; iis enim minores
sunt. Harum prior *Bacchi* esse videtur,
utpote Adolescentis Cornuti, ἀσπίς, bene
colorati, & caput Roseo ferto redimiti:
Quid autem Dexteram inter Corpusque
teneat, non recte accipio; nisi Culleus,
sive Saccus Coriaceus sit, ad vinum de-
portandum; qualem majori ¹ forma *Leon.*
Augustinus in sacrificio *Bacchi* descripsit.
Græce dicitur Ἀσπίς, quod Principi Pota-
torum ² præmium erat.

BACCHI Figura veteres Juventutem, Robur, & Formam expressere; quæ
T 2 quidem

¹ *Ad Gemmam, p. 134.*

² *Vide Aristophania*

Acharn.

quidem omnes hac nostra eminent. Ro-
bur; Juventutis Comes est; una Dispu-
tatio est de *Forma*; nimirum, qui fieri
posset, ut ebrioso, prætumidoque pusione,
cui

Pinguis Aqualiculus propenso sesquipede
(exstat,

*Cornu olim
Honoris
signum,*

FORMÆ Decus significetur; præci-
pue quatenus *Cornua* sint formosa; quan-
do hodie notissima res sit, *Cornua* jam
multa annorum sæcula Infamiæ signa, sic,
ut apud vulgus vix quicquam magis, ex-
stitisse. Certum est, apud antiquos Ho-
norein, Gloriam, & Salutem ab iis indi-
cari; hoc ostendunt tum S^x. S^x. tum Au-
ctorum Ethnicorum loci quam plurimi.
In illis *Cornu Salutis meæ*: *Cornu* apud
eos splendor *φειροβόλον αὐγῆς*. Hinc a pi-
ctoribus *Corniger Moses* pingitur, a sculp-
toribus sculpitur. Dicitur ejus *Cornuta*
esse *Facies*, i. e. *Radiabat Cutis Faciei e-
jus, tamquam Cornua ejacularentur.*

Et in S. S.

LXX. *Δεδόξασθ' ἡ ὁψις τοῦ χρωλὸς τοῦ περὶ τὸ πρῶτον*
αὐτοῦ.

*Et apud
Autores
Ethnicos.*

A P U D Ethnicos plurima de Homini-
bus, de Diis *cornigeris* occurrunt: *Φιλῶδελ-
φορ*, e *Ptolemæis* alterum, *Cornigerum* ha-
bent

bent Nummi: sic, ut etiam *Alexandrum M.* tamquam a *Jove Ammone* procreatum.

UT a *Judæis* Theologiam acceperunt Ethnici, (primum scil. *Ægyptii*; deinde per eos *Græci*, postremoque omnium *Latini*) *Baccho* suo, quem *Mosis* æmulum voluere, *Cornua* largiti sunt; seniori scil. longa & acuta, ut in *Carchesio* Monachorum apud *Gallias* ¹ *Benedictinorum*, videre licet: At in *Baccho* utroque nostro inter *Penates*, utpote *Juniore*, sunt qualia *subulorum*, ad *Juglandium* instar.

IN Reipub. Literariæ ² novellis *Disertatio* refertur, de *Bacchi* quadam *Imaguncula*, prope *Atrebatium* effossa, huic nostræ non multum absimili.

NOSTRA hæc qua *Juvenis*, qua *Formosa*, maxime vero omnium qua *Cornuta* Autores, de *Baccho* verba facientes, non parum illustrat: Horum in numero sunt *Horatius*, *Ovidius*, *Propertius*, *Diodorus Siculus*, *Seneca*, *Herodianus*, e quibus aliqua excerpam.

¹ *Ho-*

¹ Vide *Acta Eruditorum Maii* 1707: vel *Nouvelles de la Republique des Lettres. Aout.* 1707. ² *Nouvelles, &c. Decembre,* 1706.

1 *Horatius de Baccho,*

*Te vidit insons Cerberus, aurea
Cornu Decorum.*

Ovidius in Hymno ad Bacchum.

—*Tibi inconsumpta Juventus,
Tu Puer æternus : Tu formosissimus alto
Conspiceris Cælo ; Tibi, cum sine Cornibus
(adstas,
Virgineum Caput est.*

Idem in Epistola Sapphus ad Phaonem.
Est in Te facies, sunt apti lusibus anni :

*O Facies oculis infidiosa meis !
Sume fidem & phæretam, fies manifestus
(Apollo :
Accedant Capiti Cornua, Bacchus eris.*

Propertius.

3 *Quod superest vitæ, per Te & Tua Cor-
(nua vivam,
Virtutisque tuæ, Bacche, poeta ferar.
Poeta*

1 Lib. II. Ode XIX. v. 29.
IV. v. 16.

2 Metam. Lib.
3 Lib. III. Eleg. XV,

Poeta Phallicus,
Trahitque Bacchus Virginis tener formam.
 Et in alio Carmine,
Formosus quoque pingitur Lyæus.

HUNC describit ¹ *Diodorus Siculus*
 πῶς ἔσται καὶ τῇ ῥῶμῃ διάφορον, i. e. *Forma Robo-*
reque excellentem, traditque παρσίσιμον δ'
 αὐτῷ ποιῆσαι κέρατα τὰς κατασκευάζοντας τὰς γε-
 φὰς ἢ τὰς ἀνδριάντας.

A *Seneca* [*Juvenis perpetuus*] & *Vir-*
gineum habere *Caput* dicitur: Postremo
² *Herodianus* scribit de *Bacchi* καλᾶς
 εἰκόσιν, quibus Milites *Bassianum* assimila-
 bant.

EX altera parte restat inquirendum, Unde si-
gna fiant
Infamiae!
 qui fieri posset, ut hæc Honoris Insignia,
 viz. *Cornua*, degenerare possent in notas
Infamiae; quod utique *Pictoribus*, & id
 genus indoctis & audaculis hominibus,
 deberi videatur; qui *Satyris*, aliisque isti-
 usmodi monstris, quando *Cornua* tribuere
 solerent, illa demum male audire, & Ho-
 minibus affixa eos infamare fecerunt.

HÆC

¹ Lib. III. sub finem.

² Lib. V. Sect. V.

HÆC de *Baccho*, ejusque Forma, & Cornibus.

HIC est ille Cœtus Deorum, in quo, si Latrare, si Hinnire, si Boare animus sit, si Artem Amatoriam, si Fabilem, si magnas condendi Urbes, si earum Conditores lactandi, quis velit exercere, hic præsto Deus est, qui doceat: Deus, inquam, non tam Auctori- bus antiquis explicandus, quam qui eos explicet; utpote minus temporis injuria læsus, iisque omnibus sincerior, incorruptior. Atque eo nomine non parum utiles has Icones esse judico, in corrigendis Sculptorum, Pictorum, aliorumque ævi hujus erratis; quæ ab antiquorum moribus, & usu, (ut indubitata fidei testes hi ostendunt) longe descivere, & sunt remota.

§. XV.

Bustum.

FIGURA undevicesima *Romanæ* cu- jusdam Matronæ *Bustum* exhibet: forsitan *Μνημειον*, in Amicæ vel Consanguineæ gratiam confectum, vel Lararii generale quoddam ornamentum.

§. XVI.

CUM his Icunculis inventus est *Penati-*
Alexandri Severi Nummus, cujus hæc *bus favet*
 Inscriptio: *Alexan-*
der Seve-

IMP. M. SEV. ALEXAND. AVG. *rus,*

Et altero latere,

PAX. AVG.

Nummus indicat, illius *Alexandri* tem-
 pore, Terræ mandari has Imagines.

IN Nummo PAX. AVG. post Tri-
 umfum *Perficum* eum fuisse cufum docet :
 & quidem verifimile est eum, una cum
Penatibus, Anno circiter CCXXXIV,
 cum ad Bellum *Germanicum* evocaren-
 tur e *Britannia* milites, humo mandari :
 certum est Imperatorem illum anno se-
 quenti, bello minime confecto, fuisse oc-
 cifum.

A 1 *Lampridio* docemur, illum Impe-
 ratorem non parum hujusmodi Iconum
 veneratione capi & oblectari. [*In Lara-*
rio, inquit, (*in quo* & *Divos principes*,
 U *sed*

1 In vita Alexandri Severi.

sed optimo quoque electo, & animas Sanctiores, in quibus & Apollonium, & quantum Scriptor suorum temporum dicit, Christum, Abraham, & Orpheum, & hujusmodi Deos habebat, ac majorum effigies) rem divinam faciebat.] Notat hic Casaubonus, CHRISTI notitiam Alexandrum habuisse per Matrem Mammæam, quam Christianæ Religionis Mysteriis initiatam, & ab Origine constat informatam. Quin & [Christo Templum facere voluisse, eumque inter Deos recipere,] narrat Lampridius. [*Rem divinam faciebat,* ¹ inquit idem Casaubonus, aut Sacrificando, (quod proprie rem divinam facere dicitur;) vel adorando solum & incensum ponendo; qui fuit mos multorum: ut illius Marcellinæ Carpocratis Sociæ, quæ in Larario suo Imagines Jesu, Pauli, & Homeri, & Pythagoræ ita colebat simul; ut scribit B. Augustinus.] Hæc Casaubonus.

NEQUE aliis Imperatoribus hujusmodi cultus Icuncularum alienus fuit: Augustus suum habuit Thurinum, & secundum illum Hadrianus eundem, dono sibi datum a Suetonio, qui illum aliquamdiu

¹ In supra citatum Lampridii locum.

diu possedit. Habuit *Apollinis* Imagunculam *Sylla*, Dæ cælestis *Asclepiades*: ut & alibi docuimus. Quin & Deum *Crepitum* fuisse, cuius apud *Arnobium*, *Mintium Felicem*, & *Tertullianum* mentio; manifestum est; cuius statua refertur ænea, 2 altitudinis trium vel quatuor Pollicum, antiqua valde, in *Gallia* paucis ante annis effossa.

§. XVII.

ERANT hi *Penates*, cum primum Plura de humo conderentur, non ex omni parte *Penatibus*. integri; quod Figuræ ostendunt: sed eorum plerique alio atque alio membro privati: unde verisimile videtur, eos primum vel ab *Alexandro* ipso, vel a quodam magnatum servatos, tandem mancos; usu mutilatos, & ea de causa repudiatos & abjectos, ad quemdam inferioris sortis hominem secundo loco devenire, & ab eo, tamquam in itinere & bello Custodes & Defensores, huc asportari.

UNUM est, quod silentio præterire nequeam, nimirum numeris 7 & 14 signatos

U 2

1 In, de *Incunula* *Ælfredi*.
diorum Mensis Feb. A. MDCXCI.

2 Vide *Acta* *Eru-*

gnatōs nulli sive *Romano*, sive *Græco*, sive *Agyptio* Numini, quantum memini, con-
similes esse; unde suspitioni locus, utrum
ab iis sive *Orpheus*, sive *Apollonius* (vile
profecto Numen, ipsoque *Crepitu* Deo
graveolentius) sive *Abraham*, sive *Moyſes*,
sive *Christus*, supra e *Lampridio* laudatus,
significetur: quod utique in medio relin-
quam, ab eruditioribus & harum rerum
magis scientibus enodandum.

INTEREA relatu dignum est, *Pe-
nates* omni fere ævo summis honoribus
abundare: *Varro* (quod ¹ *Macrobius* ait)
Dardanum refert Deos Penates ex *Samo-
thrace* in *Phrygiam*, & *Æneam* ex *Phry-
gia* in *Italiam* detulisse.

² *Ilium* in *Italiam* portans, victosque
(*Penates*,
Præclara & omni ævo celebrata est *Æneæ*
pietas, Penates e *Troja* flammis expor-
tantis.


¹ *Phry-*

¹ *Lib. III. Cap. IV.*

² *Æneid. Lib. I.*

Tab: VII pag 136

11.



Lupa
cum
Romulo
et
Remo.

12.



Long: Unc: $1\frac{3}{4}$.
Pondo Zi ss.

13.



Long: Unc: vv.
Pond: Zv , Zij .

Long: Unc: iiii.
Pondo Zv . Zij .



Tab. v. pag. 137

15.



Apis.
Long: Uncias iv.
Pond: ℥vi.

14.



Long: Unc: ii.
Pondo ℥ij.

— ¹ *Phrygiique Penates*
Quos mecum e Troja, mediisque ex ignibus
Extuleram. (Urbis.

§. XVIII.

HOC denique addendum, Penatium ^{Eorum} neque certum esse numerum, neque for- ^{Potestates.} mam, neque certa esse nomina; frustra que esse, quotquot aliter statuant: sed erant omnes Dii, qui (ut ² *Servius* ait) domi colebantur, iique pro Cultoris arbitrio diversi. Penates autem (ut inquit ³ *Isidorus*) dicti sunt, quod essent in Penetralibus, i. e. in Secretis, sive Larario, seu domestico, seu castrensi.

IN conspectu Deorum Penatium (ut ex ⁴ *Horatio*, & ⁵ *Cicerone* constat) hospitem necare, scelus habitum fuit atrox, & immane.

⁶ PENU curabant Penates; i. e. quicquid Esculenti, Poculenti, Turis, Aromaticum, Carbonum, Salis, Lignorum, aliorumque, quæ hujusce generis longæ usionis gratia contrahuntur & reconduntur.

¹ Lib. III.

² In *Æneid.* II. Sect. 47.

³ Lib. VIII. Cap. ult.

⁴ Ode XIII. Lib. II.

⁵ Pro Deiotaro.

⁶ V. A. Gellii, Lib. IV. Cap. I.

tur. Omne hoc *Penora* dicit ¹ *Columella*.
Imo Patrem Familias, ejusque Hospites
curare credebantur. Certe illos consulit,
de negotiis tractandis Pater familias. Ideo-
que ² *Demipho Terentianus*.

[*At ego, ait, Deos Penates hinc salu-*
(tatum domum
Devertar; inde ibo ad forum, atque ali-
(quot mihi
Amicos advocabo, ad hanc rem qui ad-
(sient,
Ut ne imparatus sim, si adveniat Phor-
(mio.)]

Penates iratos hostia placabat: de iis
hostia molliendis ³ *Horatius*,

Mollibit aversos Penates
Farre pio & saliente mica.

OB infortunia Familiæ, quæ *Penatibus*
iratis sæpe ascribebantur, eos mærebant;
ut ex ⁴ *Horatio*, Ancillam (quam ipse pri-
us

¹ Lib. XII. Cap. 2. ² Phormio, *Æt.* II.
Scena I. ³ *Carminum*, Lib. III. Ode XXIII.
⁴ Lib. II. Ode IV.

us exosculatus est) amico *Xanthiae* nequiter & ironice commendante, patet,

*Regium certe genus, & Penates
Mæret iniquos.*

CONSULES¹ Prætoresque, cum ad-
eunt magistratus, rem divinam faciunt
Penatibus. Erant *Romanis* θεοὶ παῖδες,
secundum *Hyginum* in ² *Macrobio*, cui
consonum id *Virgilii*:

Dii Patrii, servate domum: —
Et alibi — *Patriique Penates.*

§. XIX.

CAVENDUM autem, ne omnes hæ *Conclusio.*
Icunculæ pro Deis accipi, & adorari judi-
centur: plurimas eo in numero fuisse ex-
ploratissimum est. Quis autem *Bucepha-*
lum, atque adeo *Remum*, aut *Virginem*
Vestalem, eo in honore habuit? Loca-
bantur horum *Icunculæ* in Larario, tam-
quam *Μνημόσυνα*, seu *Κεμήλια*; quod ex
Lampridio discimus.

HÆC

¹ Macrobius, *Lib. III. Cap. IV.*

HÆC sunt, *Vir Clarissime*, quæ habui
dicere, de *Penatibus* vestris καὶ ἐμφοῦν.
O! qui Homines cujuscumque sortis per-
humaniter excipis, Deos etiam hosce mi-
nutos, alienigenos, & in *Belgio* nostro
male habitos, in fidem, per omnes Ego te
Deos oro quæsoque, recipias, & hospitio
tueare.

VALEAS, Legum & Libertatum vin-
dex, & favere pergas


Tui Nominis studiosissimo,

GUIL. MUSGRAVE.

CAP.



CAP. XIII.

De Belgarum Mercatura.

§. I.



MERCATURAM exercuisse
Belgas, tam Romanis subje-
ctos, quam ante illam subje-
ctionem, eamque non tenu-
em modo, sed & magnam &
copiosam, licet dispari proportione, non
est dubitandum: Dispari, inquam, pro-
portione; nam primi Belgæ, sive prædæ
sive mercatus ergo huc venientes, non
nisi lucri gratia Bellum intulere. [Neque
temere, ait i Caesar, præter Mercatores,
adit ad Britannos e Gallia quisquam.]
Verum a Claudii descensu, & in Belgio
nostro victoriis, ejus Populus, victori mo-
 X rem

Belgæ
primum
Mercatu-
ræ, deinde
Bello ma-
gis dediti.

rem gerens, Bello magis, Mercaturæ minus frudueret.

§. II.

Eorum
Mercaturæ

quæ ἑτα-
ρόνμα,
ἐν εἰσα-
ρόνμα

QUIBUS autem in rebus Mercatura fieret, aliunde melius vix intellegi potest, quam ex iis, quibus eo tempore *Britannia* maxime abundavit. Eæ vero, secundum ¹ *Cæsarem*, erant Pecoris magnus numerus, Plumbum album, Ferrum: His ² *Strabo* addit Frumentum, Pelles, Mancipia, Canes, Eburnea Fræna, Torques, Vasa Electrina, Vitreaque: ³ *Mela* Gemmas, Margaritas, Nemora: ⁴ *Tacitus* Aurum, Argentum, & alia Metalla: ⁵ *Martialis* Bascaudam: ⁶ *Solinus* autem Gagatem, Metallorum largam variamque copiam; *Ambrosius* salem: Sunt ea partim ἑταρόνμα, partim εἰσαρόνμα: de eorum nonnullis, quando ad illustrandam rem *Britannicam* non parum contulerit, paucis edisseram: uti postremo de Portubus externis, unde Merces advehebantur; de Emporiis *Britannicis*, & speciatim *Belgico*; de Vestigalibus, & Nummo.

§.

¹ Lib. V, ² Lib. IV. ³ Lib. III, VIII.
⁴ In vita Agricolaë. ⁵ In Apophoretis. ⁶ Cap. XXII.

§. III.

PECORIS nostri præstantia satis *De pecore*
 omni ævo celebris; ab eo Lac, ab eo Pel- *Britan-*
 les, hominum tegumenta, aliaque vitæ *nico.*
 commoda cepere Aborigines: Ex ovium
 nostrarum Lana *Romani* Vestes, ex Lacte
 vaccino Caseum fecere. Boves, ad aran-
 dum animal quasi natura factum, Fru-
 menti magnam vim auxilio suo tulere;
 eamque vel Incolarum, vel Exterorum in
 usum. Oves aluit aprica illa terræ regio,
 quæ a *Dobunis* ad Oceanum *Britannicum*
 extenditur, Boves feminii boni *Belgii*
 pars occidentalis.

PLUMBUM illud *album*, quod a *Cæ-*
sare dictum est, omni procul dubio *Stan-*
num fuit; quod in *Britannia* natum, &
 artificiose coctum, a *Phœnicibus* olim, &
 deinceps a *Romanis* hinc exportaretur. [*In*
Celticis, (ait *Mela*) *aliquot* (*Insulæ*) *De Stati-*
sunt, *quas, quia Plumbo abundant uno* *no.*
omnes nomine Cassiteridas appellant.]
 Minime vero necessarium est, ut apud
Coritanos, in Comitatu *Darbyshire*, Plum-
 bum

bum hoc effodi censeamus; quod utique *Camdenus*, quoniam *Cæsar* [*in mediterraneis regionibus*] illud effodi tradit, opinatur. Potuit Stannum a *Dunmonio* terrestri itinere portari, & ab illo itinere mediterranei ortus esse judicari: cui quidem opinioni maxime favet id, quod sequitur, nempe Stannum mille ante annis, & quod excedit, apud *Dunmonios* effodi; quod de *Coritanis* nullo pacto affirmari potest.

§. IV.

De Ferro.

DE Ferro, vitæ optimo pessimoque instrumento, manifestum est, illud antiquorum memoria *Silurum* in regione nasci, & fornacibus eliquari; quod testantur Cineres semiusti in ea hodie magna copia visendi, & Altare ¹ *Calpurnii*, *Jovi Dolicheno* rei *Ferrariæ* custodi constructum, nostra ætate erutum. Quæ cum *Clariss. Camdeno* essent incognita, mirandum non est illum ² pronuntiasse [*Ferri fodinas nullibi in tota Anglia inveniri præter-*

¹ Vide *Additamenta ad Camdeni Silures*, & *Additamenta ad Dobunos, Literam* [C.]

² Vide *Notas ad J. Cæsaris verba* [In *Maritimis Ferrum.*] Pag. 168. *Amstelrod.* 1670.

terquam in Glocestershire, illasque ante annos aliquot demum reperiri.] Nimirum scripsit vir Doctiss. & Antiquitatum patriarum diligens indagator, pro testimoniorum sui sæculi fide. Notandum insuper est Ferro jam dicto nullum in universo Orbe ad communes hominum usus inveniri magis idoneum, vel eo nomine desiderabilius esse, & ad exportandum aptius.

§. V.

STRABO Mancipia non sine multa De Mancipis, & Populi multitudine. probabilitate censet: Plurima sunt, quæ *Britanniam* tam ante *Romanorum* adventum, quam postea, populo indigena abundare monstrant. Magni hac in re probanda momenti sunt & diversæ in *Britannia* nationes, & earum inter se Bella numero frequentia, de quibus passim apud ¹ *Cæsarem*, *Tacitum*, *Dionem*, aliosque: Neque parum arguit ingens ille exercitus, quem adversus *Romanos* *Heroina Britannica* (*Boadiciam* volo) eduxit; nimirum milites 230000, ² *Dione* referente. EX

¹ *Cæsar in Britannia tradit [Hominum infinitam esse multitudinem.] Libro Vto. De Bello Gallico. Mela, [Britannia fert Populos.] Lib. III. Cap. VIII.*

² *Vide Dionem Xiphilini, in Nerone.*

EX ista Populi multitudine licet opinari, alios in Prælio captos, alios furtim abreptos, alios forsan ob delicta venundatos (quod profecto quidem hodie *Guineensibus* in more est) aliisque de causis alios fieri mancipia, sicque *Strabonis* dicto fidem afferre.

§. VI.

De Cani-
bus.

CANES *Britannici* jam a Gentis initio claruere : De illis *Gratius* ¹ ;

Quod Ereta si Morinum dubio refluen-
(tia Ponto
Veneris, atque ipsos libeat penetrare
(Britannos,
O! quanta est merces, & quantum im-
(pendia supra.

Itaque *Nemesianus*,
— *Divisa Britannia mittit*
Veloces, nostrique orbis venatibus aptos.

De Cane *Agassæo*, qui a *Jano Ulitio*, (cui consentire videtur vir literatissimus *Christ. Wase*)

¹ In *Cynegeticis*,

Wase) censetur esse nostrorum hominum
Little Beagle. Sic *Oppianus*

Ἔστι δὲ π σκυλάκων γένος ἄλλυμον ἰχθυήρων
 Βαυόν, ἀπὸρ μεγάλης ἀντάξιον ἔμμελ' αἰοιδῆς.

Τὸς τρέφειν ἀγρία φῦλα Βρετάννων αἰολονώτων,
 Αὐτὰρ ἐπικλήδην σφᾶς ἀγασσαίεας ὀνόμειαν.

Τῶν ἦτοι μέγ' ἐσθ' ὡς δὲ μοίῃσιν ἐπιδανοῖσι

Λίχνοις οἰκιδόισι τραπίζέσσι κύνεσσι.

Bodinus hosce versus ita Latine reddi-
 dit.

*Est etiam catuli species indagine clara,
 Corpus huic breve, magnifico sed corpore*
(digna;

*Picta Britannorum Gens illos effera bello
 Nutrit, Agasæosque vocat. Vilissima*
(forma

Corporis, at credas parasitos esse latrantes.

Denique *Claudianus*

Magnaue taurorum fracturi colla Bri-
(tanni.

Horum species est staturæ non admodum *Præcipue*
magnæ, sed Capite rotundo, & Faucibus *Belgicis.*
nigris donata. Articulos habet compa-
ctos,

Etos, & membra brevia, quibus serpit hu-
mi, & animo ingenti pertinacique Tau-
ros exagitat : Hæc cum *Belgis* sit indi-
gena, Popularibus meis usus est in Tauri-
ludijs eximii. Non solum in Venationi-
bus, sed & in Bellis adhibiti sunt (¹ *Strabo*
bone teste) Canes *Britannici* audaces,
Canum in strenui, feroces, ad hostium, ut opinor,
Bello usus. ordines turbandos. *Colophonii* Cohortes
canum habuere, & eorum gratia Canem
in Nummo insculpi fecere : de quo, in de
Geta Britannico ² Dissertatione. Qui ve-
ro plura velit de Canibus *Britannicis*, eru-
ditissimi *Caii* Libellum hac de re pervol-
vat, eleganter utique & enucleate scrip-
tum.

§. VII.

*De Gem-
mis.*

DE Gemmis *Mela Britannicis* quid di-
cam, incertus sum, nisi eas e Rupe *Bristo-
liensi*, quæ nunc *Vincentii* dicitur, captas
statuam. Profert Adamantes ea per-
spicuos, pulchros, ab Indiis advectorum
æmulos, iisque una duritie secundos :
Utrum

¹ Κύνες ἄφουῖς πρὸς τὰς κυνηγείας. Κελτοὶ δὲ καὶ
πρὸς τὰς πολέμους χρῶνται καὶ τέτοις, καὶ ταῖς ἐπιχω-
ρίοις. Lib. IV. ² Vol. III. Pag. 100.

Utrum *Melæ* ætate reperti fuerint, non exploratissimum est; quare in his dicendis non parum hæsito. Judicent eruditi, prout cujusque libido est.

MARGARITARUM vim magnam fuisse, constat ex iis, quas hodie præbent *Ostrea Britannica*. Nescio an *Rutupina*, quæ Romanis erant delicio, præ cæteris scaterent Margaritis. *Julius Cæsar* [Britanniam petiisse dicitur spe Margaritarum, quarum amplitudinem conferens, interdum sua manu pondus exigeret.] Sed ¹ [in Britannia parvos & decolores nasci certum est.] Et ² *Ælianus* ait, Margaritam Britannicam magis fulvi coloris esse, minusque splendidam. [Divus *Julius Thracem*, quem *Veneri Genetrici* in Templo ejus dicavit, ex Britannicis Margaritis factum voluerit intellegi:] subiecta, inquit ³ *Solinus*, Inscriptione, quæ id testaretur.

HÆC omnia more suo exagitat *Is. Vossius*, & Gemmas, & boni coloris Margaritas veteri negat *Britannia*. [Quænam, ⁴ inquit, sunt illæ Gemmæ? Flumina ista

Isaaci
Vossii re-
dargutio.

Y

Gem-

¹ Vide *Plinii*, Lib. IX. Cap. XXXV. ² Δο-
κῆν δὲ πρὸς χρυσωτότερον ἰδέειν, εἶναι τὰς τε ἀγλαῖς
ἀμφοτέρωθεν ἔχον, καὶ σκοτεινὰς ἑξέως. De *Animalibus*,
Lib. XV. Cap. VIII. Ed. Tigurina, Fol. ³ Vide
Solinum, Cap. LIII; & in illud, Doctiss. *Salmasii*
Plinianas exercitationes. ⁴ Vide ejus *Observationes*.
ad *Melæ*, Lib. III. Cap. VI. Vers. 36.

Gemmifera, & Margaritifera mera profecto sunt commenta, ad apparandum stulti Imperatoris triumphum.] At pace tanti viri, non adeo viles sunt Adamantes supra dicti, quin *Julii* sæculo facile placerent. Hæ videntur esse Gemmæ prædictæ, & *Sabrina* nostra Flumen illud Gemmiferum, de quo dubitat vir egregie doctus. Margaritas cum *Taprobaniticis* nostras nequaquam audeo comparare, præcipue si magnitudinis habeatur ratio: at ex Foro nostro *Exoniensi* Piscatorio, & Margaritis hic repertis si liceat judicare, facile potuit earum in hac Insula comparari, satis magnarum neque decolorum numerus, qui ad exornandum *Veneris* Thoracem omnino sufficeret.

§. VIII.

De Calce.

CALX etiam inter *ἑσπέρια* merito putanda est; sed quæ Cretam & Margam comprehendit: his enim tribus Agricolaæ fæcundant agros. Testantur optimæ fidei Inscriptiones, Artem Calcariam olim a *Britannis* exerceri, & ut Terra Figularis hodie ad Tubos Tabacarios e *Dunmonio*, sic Cretam, Margam, & ejusmodi alia ad stercorendos Agros hinc exportari.

portari. *Calcaria*, *Brigantum* oppidulo, (i. e. *Tadcaster*) fuisse unam Inscriptionem opinatur Doctiss. ¹ *Galæus*, sed ob literas fugientes & propemodum exesas, vix legendam. At quod ad rem nostram maximopere facit, in Colle, cui *Sorbiodunum* (*Old Sarum*) insidebat, Fodinæ Cretacæ præcipue frequentabantur, & ab iis Creta in exteras regiones exportabatur. Unde Versificator *Anglus*

Est ibi defectus Lymfæ, sed copia Cretæ.

Arti *Calcariae* præfuit Dea *Nehalennia*, quæ a *Brigantibus*, (opinante Clariss. ² *Galæo*) forsan etiam a *Belgis* nostris colebatur. Ei Negotiatores & Mercatores navicularii vota solvebant, ut ex Ara, quæ ³ *Domburgii* in *Zelandia* dudum effossa est, conjicimus. Est autem hujusmodi.

DEAE NEHALENNIAE
OB MERCES RITE CONSER-
VATAS M. SECUND SILVANVS
NEGOTTOR O RETARIVS
BRITANNICIANVS

V. S. L. M.

No-

¹ *Ad Antonini Iter. II. Pag. 42.*
³ *Reinesii Syntagma. p. 192.*

² *Pag. 43.*

Novam Lunam *Nehalennia* significari volunt nonnulli, quæ certe navigantibus benigna fuit & propitia, sic, ut ea de causa cultu digna videretur.

§. IX.

De Gag-
gate.

DE *Gagate Solini Britannico* aliquid dicendum: Accipit ille nomen a *Gage* (tradente ¹ *Dioscoride*) *Lyciæ* amne, ad cuius Ostium iste Lapis primum inventus est. Aliquando dicitur *Lapis Obsidianus*; sed *Anglice* [*a Jeatstone.*] *Succinum* nigrum esse contendit *Aldrovandus*, cui suffragatur *Doctiss*: ² *Anselmus B. de Boot.* *Paleas* enim attritu calefactus, *Succini* instar, trahit, & odorem habet *Sulfureum*. De eo ³ *Solinus* [*Gagates hic (in Britannia) plurimus optimusque est Lapis; si decorem requiras, nigro gemmeus; si naturam, aqua ardet; oleo restinguitur;*] Est in Museo ⁴ *Regiæ Societatis* hujusmodi Lapis insignis, & in *Cleaveland, on the*

¹ Lib. V. Cap. CXLVI.

² De Lapidibus &

Gemmis in Specie. Lib. II. Cap. CLXIII. & seqq.

³ V. *Solinum*, Cap. XXII. & in illud *Doct. Salmasii Plinianas Exercitationes.*

⁴ V. *Museum Reg.*

Societ. edente Neh. Grew, Partem III. Cap. II.

the Top of Huntley and Whitby Clifts, & puteis effodi solet in Agro 1 Surreieny qui cum Regnorum olim patria fuit Belgio proxime vicina, fortasse an a Belgis hinc exportaretur.

MULTIPLEX est *Gagatis* usus. In *Ejusque viribus.* Medicina calidæ facultatis esse dicitur, & Mania, Morbo comitiali, sicut etiam Hysterico correptos Suffitu liberare. Diureticus est, & Hydropicis, urinam movendo, prodest. Oleum ejus destillatum maxime prædicatur ad Dæmoniacos, (id est, Epilepticos) Paralyfin, Convulsionem, Tetanum, ad Podagram frigidam, omnesque frigidas Fluxiones, parti affectæ illitum: Unde Podagricis remediis & Acopis adnumeratur. Pulvis ejus ad unius Drachmæ pondo, ex Vino haustus ad tempus aliquod, Colicam integre sanare dicitur. Emollit, discutit, ² *Dioscoride* teste; unde adversus sedis affectiones, quam leviissime tritus, ³ *Ætii* judicio valet; & ad Condylomata, eum *Scribonii Largi* Emplastrum habet.

ORNABANTUR eo Galeæ, Scuta, Gladii: Mundum etiam muliebrem ingre-

¹ Vide *Additamenta ad Camdeni Comitatum Surry.*

² Loco jam citato.

³ Lib. 2. tetrabibli, Cap. 24.

grediebatur; Fœminarum Aures, Colla, Pectoraque, colore contrario, commendabant. Hinc Aurium lobis etiam nunc appenditur ex eo Inauris; Collo Monile: in quibus Puellæ non parum gloriantur. Denique ad preces numerandas, in globulos formatus, & filo trajectus, nonnullis est in usu.

§. X.

De Bascauda.

DE Bascauda Britannica Martialis in Apophoretis,

Barbara de Pictis veni Bascauda Britan-
(nis,
Sed me jam mavult dicere Roma suam.

Optimæ notæ G'osslographus, *Carolus du Fresne* veterem Gallicam esse vocem hanc contendit, cum *Britannis* communicatam. Doctissimi vero *Skinnerus* & *Lhuydius*, (quorum in sententiam eo lubentissime) eam esse tradunt origine *Cambro-Britannicam*, cum *Latina* terminatione; quod a Poeta confirmatum: Dicit enim a *Pictis* eam venire *Britannis*.

BASCAUDA, Wallice, *Basgawd* & *Basced*; Anglice, a *Basket*; Latine Corbis

bis & Calathus est ; sed apud *Martialem*,
interprete *Radero*, Vas escarium ; quod
utique verisimile, quando in celebrandis
hujusmodi vasis eo loci totus est Poeta.
Concinit ejus *ούγκρον* ¹ *Juvenalis*,

Adde *ἑ* *Bascaudas*, *ἑ* *mille Escaria*.

Cum vox hæc hisce Poetis primum apud
Romanos in usu fuerit, idque tempore
Domitiani, mihi in mentem venit ali-
quem ex *Agricolæ* satellitio, Vas hoc e
Belgio nostro forte *Roman* misisse ; ubi
Matronis tam gratum fuit, ut e suis esse
mox voluerit, & civitate donarit Urbium
mater. Dixi e *Belgio* ; nam ut *Doctiss.*
Camdenus ab *Icenia*, quæ Salice abundat,
deducit hoc vimineum opus, sic e *Belgio*
pari ratione mihi licet deducere : quando
illud eandem, innumero similiter hærede
profuturam, ut ait *Plinius*, omni ævo
copiosam habuit ; præcipue pars ejus illa
quæ Comitatus hodie *Somerset* appellatur.

§.

§. XI.

De Sale.

HIS Salem addimus; quem in *Belgii* litore olim, sic, ut hodie, Aquam mari-
nam evaporando & ad duritiem coquendo
fieri credibile est, ut & navibus mercato-
riis exportari. De hoc Sale i S. *Ambro-
sius* apertissime. Certe *Kinwulfum* Re-
gem Ecclesiæ *Shireburnensi* terræ aliquot
jugera, ubi *Limus* se in oceanum fundit,
dedisse constat, ut in usum Ecclesiæ Sal ibi
coqueretur: Hoc autem A. D. factum
774.

HÆC fuere præcipua *Belgii* nostri
Εξαιρέματα quibus addi fortasse possunt
Plumbum (ut in §. III. ostensum est) Ma-
teria, sive Lignum cujusque fere generis,
Equi, Oves, & ex earum Lana Vestes,
apud *Ventam Belgarum* factæ a *Romanis*,
Pelles, Pisces, aliaque permulta, quæ in
exteris Nationes hinc interdum exportari
non est improbabile.

§.

§. XII.

IMPORTABATUR autem ¹ Æs, Au- ^{Εισαγά-}
 rum, Argentum, ² Ελεφαντίνα ψάλια, i. e. ^{γίμα.}
eburnea Frena, ³ χρυσία *Torques*, καὶ λιγ-
 γύρια καὶ ὑαλᾶ σκεύη, ⁴ *electrina* & *vitrea*
vasa. *Aurum* & *Argentum* a *Strabone*
Tacitoque tribui *Britannia*, & inter bona
 ejus ἐπιχρῆια sive Indigena censerī, non i-
 gnoro; sed præterquam quod nec Auri nec
 Argenti hodie apud nos, quod sciam,
 ullæ usquam Fodinæ existent notabiles;
Strabonis etiam ævo idem fuit: Sic enim
M. Cicero, qui a *Quinto* Fratre sub id
 tempus cum *Julio Cæsare* apud *Gallias*
 agente proculdubio accepit; ³ [*In Britan-*
nia nihil esse audio neque Auri neque Ar-
genti.]

§. XIII.

QUATUOR erant usitati e continente ^{E Conti-}
 in Insulam, ut Auctorum accuratissimus ^{nente qua-}
⁴ *Strabo* scripsit, trajectus; nimirum ab ^{tuor in}
 Z ^{Britanni-} ostiis ^{am Tra-}
 jectus.

¹ Cæsar de Bello Gallico, Lib. V.
 Lib. IV.

² Strabo,

³ Vide M. Tullii Epistolas ad Fami-
 liares. Tom. I. Lib. VII. Ep. VII.

⁴ Loco jam

citato.

ostiis *Rheni* (sive portu *Itio*) a *Sequanæ*, *Ligeris*, & *Garunnæ* ostiis. Totius *Britanniæ* celeberrimum Emporium, natura id jubente, curanteque, fuit *Londinium*; *Belgii Trisanton*, ut alibi ostendetur. Non *Belgarum* modo, sed & *Britannorum* rem mercatoriam maxime promovebat id, quod Vectigalia perquam modica persolverent: ut ex *Strabone* manifestum est.

§. XIV.

Prima
mercium
permuta-
tione, Mer-
catura.

INTER omnes constat, Mercatu-
ram initio fieri permutatione mercium;
ante scil. quam inventum esset commu-
ne aliquod, quo earum mensurari pos-
set æstimatio: (sic, ut etiam hodie in
Barbaris plerisque Nationibus, quibus-
cum Mercatores *Europæi* negotiantur:)
Hoc autem aliis aliud fuit, ² nimirum e
Lapidibus, e Testis, e Cortice Arborum,
e Sale, ex parentum Ossibus, e Leporinis,
e Corio, Ligno, Terra Sigillari, aliisque.
Britanni ³ *Cæsaris* testimonio [*aut æreo,*
aut

¹ De origine *Emtionis* & *Venditionis*, vide *Paullum*
egregie differentem, D. Lib. XVIII. Tit. 1.

² Vide *Lucubrationem*, de vet. Numismatis potentia
& qualitate: in *Quarto*, Cap. 5. Paris.

³ De Bello Gallico, Lib. V.

aut taleis ferreis ad certum pondus examinatis pro nummo utebantur.] Romani etiam veteres ære appenso, non numerato, debita exsolvebant. Secundum hunc antiquorum morem Parmæ Equestri Woodwardianæ artifex, trutinam illam, qua Brenno Aurum pendebatur, ad servandum Capitolium, fatis apte belleque exhibuit. Sub Imperio Romanorum in Britannia quicquid haberi potuisset æris, argenti, vel auri, Cæsaris imagine notabatur ¹.

ATQUE hæc de Belgarum Mercatura; quibus, uti spero, apparet, non tantum Insulam hanc, sed & Belgium hocce (ne dicam in præsentî Dunmonium) jam inde a principio dedisse operam Mercaturæ.

¹ Vide Clariss. Dodwelli, de Parma Equestri Woodwardiana Dissertationem. Oxonii E Theatro Sheldoniano. MDCCXIII.

² Gildas initio Epistolæ.



CAP. XIV.

*De Romanis in Belgio
Æstivis, præcipue de
Camaletto.*




§. I.



EX Romanorum Hibernaculis magnam partem hujusmodi crevere Urbes : Hospitia scil. Diversoria, Tabernæ, Officinæ, Villæ, aliæque Domus, quæ militum usui voluptatique infervierunt, innumeræ demum factæ, & Urbis nomen & dignitatem adeptæ sunt. Alia vero fuere eorum Castra, nimirum *Æstiva*, quibus in aperto plerumque loco positis, nonnumquam in ipsis montium jugis, ad calorem vitandum, milites assiosis utebantur.

*Æstiva in
Belgio
per multa .*

CAMALETI
Facies Orientalis.



Facies Occidentalis.



Ob Amorem, et
erga Patriam; ob
Belgio in or-


Dom. **Jepp**
de Chipley Armig.
Bonique Cultor, ad
tui nominis, hanc Tabula sibi dedicari meruit.



Constantiam,
Icona Camaleti,
natu datam;

Clark
BELGA nobilis. Equi
memoriam perpe-

MDCCXVII.



bantur. Horum hodie permultorum in Belgio vestigia supersunt; ut apud *Old Winchester, Cornhill, Tanesbury, Dunstat, Woldsbury, Ebdowen, Martensall-Hill, Camalet*, Locos antiquis fatis notos, (etiam si nova sint nomina) quod ex *Camdeno* & *Lelando* patet; maxime vero omnium ex *Aubreio*; qui cum Agri *Wiltonensis* Indigena fuerit, & *παιδιόφιλος*, *Romana* in eo Castra perlustravit, delineavit, & Museo *Oxonii Ashmoleano* Figuras eorum dedit, ibi hodie visendas. Horum in nonnullis Aggeres eminentiores & integriores, in aliis humiliores & detriti, partim injuria temporum, partim ex diversa eorum structura & usu: Alia namque temporaria fuere, alia longioris usus: illa non nimium munita, hæc autem magis, pro cuiusque instituto. Frustra essem, si eorum singula persequi conarer; uno *Camalet*o, qui totius Insulæ in perfectissimis est, contentus ero.

*Quorum
multa ab
Aubreio
descripta.*

§. II.

QUATUOR ab *Ischali* passuum milli- *Camaleti*
bus, versus orientem, Collis est, in cu- *Descriptio.*
jus lateribus quatuor Valla, plus minus
perfecta, cum totidem Fossis cernuntur.

Horum

Horum infimum, quod imi Collis quasi duos trientes ambit, viginti passus habet, acclives, neque sine difficultate superandos: Fossa, quæ ei superducta est, lata septem passus est. Vallum secundum in ascensu passus habet quadraginta; Fossa ei superjacens lata est duos passus. Tertium in ascensu, passus est duodecim; Fossa ejus septem lata est. Vallum quartum, quod verticem montis cingit, ascendenti passuum est 28, ambitum habet perfectum, passuum 1076; intra quam Fossa duorum passuum est. Hæ vero ascensuum mensuræ non ubique eadem, aut similes sunt; sed cujusque Valli maximæ. Area est in vertice Collis, propemodum ovalis, quatuor circiter & viginti Jugerum. In eam ascensus Arboribus fere tectus.

FIGURA, Tab. X, hæc omnia planius exhibentur, in qua

A. A. denotant Vallum Primum. B. B. Secundum. C. C. Tertium. D. D. Quartum. E. E. Aream in vertice. F. F. F. F. F. In eo Ascensum, arboribus nunc obtectum.

Fossæ duos, tres, quatuor, ad septem pedes sunt profundæ; in hac Figura non expressæ; sed quas Vallo suo singulas contineri, eique superjacere facile cogitemus: aliter

aliter quam in Castris esse solet, ubi Fossæ Vallum vulgo postponitur.

^a Domus, & ^e Murus sunt recentes substructiones.

DII boni, inquit ¹ Lelandus, quantum hic profundissimarum Fossarum? Quot hic egestæ terræ valla? Quæ demum præcipitia? Atque ut paucis siniam, videtur mihi quidem esse & Artis & Naturæ Miraculum.

At seges est ubi Troja fuit, stabulantur (in Urbe
Et Fossis pecudes altis, valloq; tument
Taxus, & astutæ posuere cubilia vulpes.

S. III.

PRÆTER hæc munimina plane Ro-
mana, Numismata aurea, argentea, ærea, Romana hæc fuisse Castra, minime dubitan-
Romanorum imagines tantum non vivas
exprimentia, quæ ab Incolis solum aratro
vertentibus, ætate Lelandi, cum aliis re-
bus antiquis, ut argenteo equi calceo, &c.
sunt inventa, Romana hæc fuisse Castra
plane demonstrant; sic, ut huic argumen-
to diutius insistere non opus sit. In eo-
rum usum Castrorum, & Romanis militi-
bus hæc quam utilia fuerint, jam proxime
inquirendum. §.

¹ Vide ejus Assertionem Arturii: Pag. 29.

§. IV.

Quanta
earum
Area,

Quis usus ;

Curiosa
Figura.

A R E A Collis in ejus cacumine ovalis, secundum *Higynum* (quem ab *Hermanno Schelio* expositum in Castris dimetiendis alibi sumus secuti) Legiones septem potest comprehendere : sed si Domos, aliaque ædificia, quorum rudera passim ante aliquot annorum sæcula ibi conspicerentur, excipiamus, longe minorem eo teneri numerum, nempe III vel IV Legiones, omnino concludendum est. Huc initio æstatis, cum jam uliginosum circa *Ischalin* solum ingravesceret, ad hæc, inquam, Æstiva milites contendere solebant, ut aperto & magis ventilato aere perfruerentur.


Q U I Castra hæc e nostris hominibus describere, non parum inter se differentes, & a nobis & a se invicem diversi sunt : (ita tamen, ut eorum nemo quidem unus huic de *Camaleti* origine & usu opinioni contradicat :) Ego ne de hac re incertus essem, ut Valla, ut Fossas, ut Aream curiose dimensam, obtinerem egi : atque ex hac Castrametatione, quam apposuimus, incisa est Figura Tab. X.

FACILE erit, ex antiquitate fabulosa *Multæ de*
 de *Camaleto* nostro plura superaddere ; *Camale-*
 ut ¹ [*fama publica Murotrigum, radices* *to Fabulæ*
Camaletici montis incolentium, prædicat,
attollit, cantitat nomen Arturii, incole
quondam Castri :] Ut hic Epulis viros ce-
 lebres & claros exceperit, multa cum pom-
 pa, opipare, creberrimeque : Utque hæc,
 vicinorum *Murotrigum* animis in hunc uf-
 que diem infixæ, sæpe iis etiam nunc in
 ore sint. Sed nolo verum, falsa ei mi-
 scendo, contaminare.

¹ Vide Lelandi *Assertionem Arturii modo lauda-*
tam : in Appendicis ad Jo. Lelandi Collectanea, parte
prima.



CAP. XV.

De Colore Belgico.

§. I.

Properti-
us citatur.



PUD *Propertium*, Poetam eruditissimum, legimus, —*Turpis Romano Belgicus ore color*: de quo versiculo doctissimus illius Interpretes, *Janus* & *Broukhusius*, eum de *Britannis* oportere intellegi contendit; hos enim *infectos* paullo ante pronuntiaverat. Probabilis certe Interpretatio, quæque merito expendi, & plenius exponi mereatur.

§.



Fig. 1.



Fig. 2.



Fig. 3.

M. P. Gucho Sculp.

Ornatissimo et Industri Baronetto
 THOMÆ WROTH,
 ob eximias in Belgio restituendo Largitiones
 Grates ex animo persolvit
 Auctor.

§. II.

NOTISSIMUM est *Britannos* veteres, *Cæsar*is ante *Julii Cæsaris* in hanc Insulam descensum, *omnes se Vitro inficere* : sic enim ^{quid significet.} ille disertis verbis. Quid autem illud *Vitrum* esset, & quæ sit ejus nominis ratio, explicatu dignum est. Herbam, hunc in usum adhibuere *Britanni*, quæ hodie *Woad* appellatur, & viget apud nos egregie: *Græci* *ῥοίνδα* dixere, & *Dioscorides* ea *βαρῆς χρῶδης*, i. e. lanarum infectores uti, affirmat. Colorem enim cæruleum præbet, & aliorum fere omnium colorum basis est & fundamentum. Color Cæruleus a veteribus *Britannis*, ³ affirmante Nationis ejus *Varrone*, *Ed. Lbnydo* [*Glas*] appellabatur. Hinc opinari par est *Gla-* ^{Glastum} *stum*, quo a *Plinio* ⁴ *Herba* significatur, addita voci *Britannicæ* Latina terminatione, ^{unde derivatur.} (ipso *Cæsare* forsan auctore) traxisse originem. Color enim iste plane *Vitreus*, five *ῥοίνδα* est, unde *Vitro* fieri non inepte traderetur. De *Isitide* Tractatum integrum in lucem misit *Hen. Grolachius*,

A a &

1 De Bello Gallico, Lib. 5. 2 Lib. II. Cap. CCXV. 3 Vide Archæologiam Britannicam, Tit. II. 4 Nat. Hist. Lib. XXII. Cap. I.

& de ea fuse Auctor anonymus *Artis Agriculturae*, Anglice conscriptæ.

§. III.

Propertius illustratur.


DE Versiculo notandum, Artis eum Poeticæ legibus summe consentaneum esse, plurimumque præ se ferre elegantiae: nam cum *Belgæ* vitro usi fuerint, & Colore cæruleo, ut terribiliores inimicis essent, se infecerint, quid Poetæ magis in votis esse potuerat quam *Cynthiam* suam absque fucō apparere, blandam viz. formosam, & nativis coloribus ornatam:

Turpis Romano Belgicus ore color.

Tò Belgicus absolute positum.

Unum insuper addendum, nempe τὸ *Belgicus* hic, ut in *Julii Vitalis* Epitaphio τὸ *Belga*, poni absolute, sine adjectione τῷ *Britanno*: quod apud Auctores Latinissimos raro invenitur. Hæc de *Colore Belgico*.


CAP.





C A P. XVI.

*De Claudii Tropæo, pro-
pter Ogonem eruto.*



§. I.



NOTATU dignissima est In-
scriptio, *omnium quæ in Bri-*
tanniis inventæ exstant, anti-
quissima; Claudii Imp. & Vi-
ctoriarum, quas ille reporta-
vit, in memoriam, hisce verbis concepta : *Inscriptio omnium, quæ in Britanniis inventæ exstant, antiquissima*

TI. CLAUD. CÆSAR. AVG.

P. M. TR. P. VIII. IMP. XVI.

DE BRITAN.

Tropæum ex oblonga Plumbi tabula, in
qua Inscriptio hæcce legebatur, propter
Ogonem,

Ogonem, uti refert Doctiff. i *Lelandus*, circa initium sæculi supra decimum quinti, aratro erutum est, & ad *Ædes Tho. Howardi, Norfolciæ Ducis, Londinium*, eodem referente, translatum: qui rerum antiquarum diligentissimus investigator, ibi illud proculdubio manibus tractavit, oculis perlustravit.

§. II.

TRIBUNITIÆ potestatis anni declarant Annum Imperii: quocirca nono Imperii *Claudiani* anno posita fuit hæc Inscriptio; id est, Anno U. C. 802; D. 49; Consulibus *Gallo & Verannio*. (Declarant, inquam, maxima ex parte: non ex omni. *Tiberius* enim diu antequam Imperator esset, potestatem habuit Tribunitiam; ut & alii non pauci: Usus hac in re communem, post *Camdenum, Pagium*, aliosque sequor) *Claudius* Trib. Pot. V, *Vinicio & Tauro* Coss. id est Anno Imperii quinto iniit; ut & Tr. b. Pot. VII, quando Censor; id est, Imperii sui septimo:

i In *Appendicis ad Joh. Lelandi Collectanea, Parte prima, pag. 45.*

mo : Similiter, Tribunitiam Potestatem VIII, anno Imperii nono illum gessisse arbitrandum est.

Cl. *Camdenus* Nummi Figuram exhibet, cujus Epigraphe, si manifestum in eo erratum excipimus, cum hac Inscriptione concordat examussum : Annus enim Tribunitiæ Potestatis falso ponitur XIIII (duplicata scil. V) pro VIII. Equo solutim incedenti, cum retorto ad lævam capite, Imperator insidet, sinistra virgulam tenens. Duo sunt Tropæa, quibus interponitur Equus. Hisce tribus subjicitur Lamella cum Epigraphe DE BRITANNIS. Hæc omnia super Arcum Triumphalem.

§. III.

ANTISTIO & *Suillio* Coss. id est, *De eo dubii*
Anno U. C. 803; D. 50, secundum *Tacitum*, & ejus Editorem eruditissimum, *Theod. Ryckium*, *Iceni*, *Cangi*, & *Brigantes*, ab *Ostorio*, in *Britannia*, vincuntur, & ex hisce victoriis binæ, *Camdeno* sentiente, Tropæis hic duobus celebrantur. Nummi & Historici discrepantia est unius anni: Neque enim victoriæ A. D. 50 adeptæ, anno poterant anteacto celebrari. Veri-

Solutio.

Verisimile est, partas A. D. 49 fuisse vi-
 torias, id est, nono Tribunitiæ Potestatis,
 incipiente; sed a *Tacito* ad annum se-
 quentem, in quo is finierat, translatas.
 Huic opinioni non parum favet, quod, ut
 ex ¹ *Livio* patet, Tribunatus ineundi
 tempus fuit IV Idus Decemb. ut vero
 Tribunatus, sic etiam Tribunitiæ pote-
 statis ineundæ fuisse tempus, (quando ni-
 hil contra arguat) summe probabile est:
 At imperare cœpit *Claudius VIII* circiter
 Calend. Februar. unde Nummi cum Hi-
 storia facilis concordia.

§. IV.

Consulatus
 annum
 multis
 inde post
 annis ci-
 tari.

IN Lapidibus *Gruteri Pighii*que *Claudianis* hujus anni Inscriptio est, quam mox
 dabimus, in qua Imperator TR. P. IX,
 & Cos. IV. Cum ille Consulatum quar-
 tum A. D. 47, A. U. 800, gesserit, tra-
 dente ² *Censorino*, Scriptore satis accurato,
 poterit existimare aliquis, hoc cum anno
 TR. P. IX minime convenire, verum In-
 scriptionis hujus fidem convellere; sed di-
 ligenter

¹ Lib. XXXIX, Cap. 52. Vide etiam *Dionys. Hal. Lib. VI, A. U. 261. Clariss. Dodwelli Præle- stionem XII, Sect. VII.* ² De Die Natali, Cap. 17.

ligenter advertendum est, Consulatus annum non tantum eo currente, sed & multis post eum absolutum annis citari; nimirum usque dum aut morte Imperatoris, aut alio ejus Consulatu jam exoleverit. *Claudius* Consulatum quintum A. D. 51 gessit, & per annos a quarto ad quintum Consulatum, ille Cos. IV. continuo dicebatur.

ILLA vero Inscriptio, quæ hujus Capitis non unam partem illustrat, ita se habet.

TI. CLAUDIVS. DRVSI. F. CAISAR.
AVG. GERMANICVS. PONT. MAX. TRIB. POT.
VIII. IMP. XVI. COS. III. CENSOR. R. P.
AVCTIS. POPVLI. ROMANI. FINIBUS. POMERIUM
AMPLIARIT. TERMINAVITQVE.

§. V.

INSCRIPTIONIS anno, nempe 49, *Claudius*, Imp. XVI. appellatus est, ob victorias in *Britannia* partas. Doctissimus ^{Doctiss.} *Savilius Claudium* VI, VIII, ad ^{Savilii} XV, & deinde XVII, ad XXI, Imperatorem appellari tradit; numerum XVI, in hoc calculo prætermittens: potest is ex hac Inscriptione suppleri. ^{Fastorum emendatio.}

B b

GRAM.

Numeri
VIII. ve-
tus scri-
bendi mos.

GRAMMATICI Numerum nonum ita vulgo exprimunt [IX.]: at Inscriptio-
nes, quæ Libris MS. sunt præferendæ,
amant fere, ut in hac nostra, [VIII];
cujus sexcenta passim exempla sunt.

EODEM Anno *Claudius* Urbis po-
mærium auxit, more prisco, quo iis, qui
protulere Imperium, etiam terminos Ur-
bis, referente ¹ *Tacito*, propagare datum
est. *Agrippinam*, Fratris *Germanici* Fi-
liam duxit in uxorem, idque Liberti hor-
tatu; *Judeos*, & in iis *Christum* profiten-
tes Urbe *Roma* expulit.

§. VI.

Plumbum,
in quo In-
scriptio,

INSCRIPTIO nostra, ex antiquorum
more, Laminæ plumbeæ fuit impressa:
Plumbum facile recipit impressionem, &
receptam tum diutissime tum fidelissime
retinet. Ita nomen *Germanici* ² plum-
beis tabulis insculptum est. Apud *Grute-
rum* quamplurimæ occurrunt. Non pau-
cas vidit Doctiss. ³ *Lelandus* per univer-
sam *Britanniam*. Epitaphium inclyti Re-
gis *Arturii*, in Insula *Avalonia* non pro-
cul

¹ *Annalium* Lib. XII. Cap. 23.

² Lib. II.

Cap. 69.

³ In *Affertione* *Arturii* (Ed. Oxon.)
pag. 45.

cul ab *Ogone* repertum, fuit ¹, hujusce-
modi.

PLUMBUM Minerarii Colles (sic a ^{Fodinis} *Lelando* dicuntur *Mendip-Hills*) in vicinia ^{Mendip-}
præbuere, vel saltem eos præbuisse verifi- ^{pensibus}
mile est: Certe Plumbum album in me- ^{effossam,}
diterraneis hujus Insulæ regionibus nasci ^{earum an-}
suo tempore, a ² *Cæsare* docemur. Et ^{ostendit.}
quidem ab hisce *Claudii* & *Arturii* Lami-
nis e Plumbo, hac in regione inventis,
opinari licet, priscis illis temporibus, Fo-
dinas *Mendippenses*, & a *Saxonibus* & a
Romanis fuisse patefactas, eorumque Mo-
lybdænam in communem usum effossam.
Certo autem certius est, in eo *Belgii* tra-
ctu *Romanos*, anno Imperii *Claudiani* no-
no, morari, sive in Plumbo effodiendo,
sive in Viis militaribus construendis, alias-
ve, post subactos Hostes, occupatos.

COLUMNÆ adfigi Lapideæ Plumbum ^{Columnæ}
mihi persuasissimum est, ut nimirum emi- ^{Plumbum}
neat, legentiumque, præcipue myopum, ^{adfigiem.}
oculis patens se visendum præbeat: quod
etiam antiquorum usui consentaneum est.
Et Laminæ & Columnæ Figuram, ære
(sed ex conjectura) incisam, exhibebi-
mus. Vide Tab. XIII, Fig. 1.

B b 2

DUO

¹ *Ibi.*² *De Bello Gallico, Lib. V.*

Nummi
Gevartiani.

DUO sunt in Tabulis *Gevartianis* nummi, quorum prior *Spem*, herbam militibus porrigentem, exhibet: quasi spondeat ipsos victores fore. Nummum hunc percussum arbitratur Editor, cum *Claudius* expeditionem in *Britanniam* adornaret. In Figura III, *Britannia* dextra gubernaculum navis gestat. Adjacet Prora navis, nempe quia mari cingitur. Hæc e *Gevartio*.

§. VII.

Ogonis
Antri
Notitia
Romanis.

CUM eo Terræ tractu versarentur *Romani*, non improbabile videtur, *Ogonis* Antrum, quod est in propinquo, illos intrare, multiplices anfractus, & præcipitia introitus, Petrificationes in eo innumeras, nunc Strumarum more tumentes, nunc tamquam Mucrones in aere pendentes, & ex alto mortem *Damocleam* minitantes; intus autem Aream, quasi ad saltatus & tripudia destinatam: interius amnem molliter labentem, & cum murmure, pristino meatu relicto, viam facientem: vasta porro spatia, & in iis nunc succidias (a forma sic dicuntur) nunc Columnas e *Stalactite* pendulas, oculoque judice cadentes: Aerem interea tepidum & temperatum;

ratum; aliaque hujus Antri mirabilia spectare, mirari: Quæ cum milites *Romani* contuerentur, *Sibyllæ* Antrum immane memorati, multa de iis proculdubio *Romam*, matrem Urbium renunciarunt, Belli eventa, & in *Insula* quæ notanda literis mandantes; quæ cum a *Clemente* demum *Alexandrino* legerentur, eique innotescerent, in causa forsan essent, quod de *Britannia* vir ille perdoctus, inter

ὑπομνήματα εἰς γήρας scripserit in hunc modum [Λέγουσι ὅτι καὶ τὰς ἰσοείας συνταξάμενοι, Et Clementi ὁ Βρετανικὴν νῆσον πὺ υποκείμενον ὄρει, ἐπὶ ᾧ menti τὸ κορυφῆς χάσμα. Ἐμπίπτουσι ἔνθα ἀνέμους εἰς τὸ fortassean ἀντερεν, καὶ περὶ σφυγμῶν τοῖς κόλποις τῶ ὀρύγματι, Alexandrino. κυμβάλων δρυθμῶς κρομῶν ἦχον ἐξακέειν].

Id est, Dicunt autem ii qui conscripserunt *Historias*, in *Britannia Insula* esse quandam speluncam monti subiectam, in fastigio autem hiatum: cum autem ventus in speluncam incidit, & in fossæ sinu alliditur, audiri sonum *Cymbalorum*, quæ numerose pulsantur. Certe *Ogo* noster Antrum monti subiectum est, quod in loco ejus edito prope fastigium habet Hiatum, in quem dum *Caurus* inflat (hoc autem maximam anni partem facit) & in speluncam incidit, inque sinum Antri illiditur, numeros sonorum edere videatur, qui
imagi-

imaginationis ope, Cymbalorum esse judicentur. Specus in *Cilicia Coryceus*, huic non multum absimilis, a *Pomponio* 1 *Mela* verbis elegantissimis exprimitur, non sine voluptate summa legendis.

HUIUS opinioni astipulatur id, quod sequitur, nempe *Clementem* tempore *Severi* & *Bassiani* Impp. floruisse, unde ea de Rebus *Britannicis* legendi discendique, post tot tantasque Copias in *Britanniam* missas, non una fuit oportunitas. Verum quidem hæc hæctenus.

I Lib. I. Cap. XIII.

CAP.



CAP. XVII.

*De Urnis, Seria, rebusque
aliis in Belgio dudum
inventis.*



§. I.



URNÆ in Belgio quamplurimæ, alio alioque tempore, fuerunt effossæ; quæ fortuito, vel negligentia diffractæ, formam & decus amisere: Nos hic eas solum memorabimus, quæ dudum inventæ etiamnum integræ servantur, aliqujus notæ sunt, & observatione dignæ.

§.

§. II.

*Urna
minor,*

PRIMA igitur, ut a minima incipiam, Tab. XIV. Figura prima exprimitur: quæ utique pulcherrima, fit ex Luto cinereo, continetque Aquæ Uncias octo. *Aquis Solis* ad me, cum aliis quibusdam antiquorum monumentis, *Iscam* missa, Ossium ustorum Frustula, (quæ Puerilia parvitate videbantur) itemque Cineres habuit. Puelli proculdubio nobilis cujusdam *Urna* fuit, in qua delicii sui cineres & ossa condi, voluit pater mœrentissimus.

*major, in
Sepulcreto
Julii ef-
fossa.*

ALIAM simul accepi, capaciore, (vide Fig. 2.) quæ Aquæ libras minimum octo, sive Congium unum recipit; colore pariter cinereo: Hæ duæ prope *Aquas Solis* in Sepulcreto *Julii Vitalis*, sunt effossæ. Aliæ porro fuere, quarum mihi sunt Figuræ, quæ cum aliis, ab Auctoribus jam descriptis, conveniant, plura de iis dicere supersedebo.

§. III.

Α σπρία, quod vocabulum est *πολύσημον*, est *σπρία*; unde Latina vox *Seria*. Est autem *Seria* vas figlinum, quod sub terra fere defodi

defodi solitum est, oleo seu vino condendo
 inferviens: Anglice a *Jarr*: de quo vide
 1 *Plautum*, 2 *Livium*, 3 *Terentium*, 4 *Ca-*
tonem, 5 *Varronem*, 6 *Persium*, 7 *Colu-*
mellam.

Relevi Dolia omnia, omnes Serias,
Inquit Terentius.

— *O si*

Sub raistro crepet argenti mihi Seria, dextro
Hercule: Persius.

Prior de *Seria* Vinum continente, poste- *Seriae*
 rior de *Thesaurum* habente intellegendus. *Description,*
 Vas hoc *Hispanis* adhuc in usu, olei con-
 dendi ergo, a Mercatoribus hanc in Ur-
 bem sæpius adfertur.

HUJUSMODI Vas est, quod Figura
 tertia exprimitur, Os angustum habens,
 & utroque ejus latere Ansam. Trium
 pedum altitudo est, ambitio quatuor cum
 dimidio, Aquæ sex Congios capit. Apud
Devisas, oppidulum *Belgii* perantiquum,
 una cum Penatibus & Numismatum the-
 sauro erutum, hodie penes olitorem est,
 C c Pena

1 *In Captivis, Aët. IV. Sc. IV. Vers. IX.* 2 *Lib.*
IV. Bello Punic. 46. 3 *Vide Heaut. Aët. III. Sc. I.*
Et in eum locum Fr. Guieti Commentarium. 4 *Cap.*
ult. 5 *De Re Rust. Lib. III.* 6 *Sat. II.*
 7 *Lib. XII. Cap. XVIII.*

*Ad vinum
conden-
dum usus.*

Penatium eo loci inventorem. Proculdu-
bio *Romanis*, ibi stationem habentibus, usui
fuit, ad Vinum vel Thesaurum custodi-
endum. *Vinum* mallem, quando nulla
in eo Numismata, juxta vero quampluri-
ma reperirentur. Ea nempe *Romana* mi-
litiae fuit lautitia, ut Vino adfueti nequi-
rent eo carere; quod ut curiose conserva-
rent, fictilia compararunt.

§. IV.

*Urna an-
sata.*

URNA porro *Ansata*, cum Puelli Of-
ficulis, *Urnaeque Vitreae* Fragmenta, cum
Lampade & Annulo Argenteo, fuere non
procul ab *Aquis Solaribus* inventa: de
quibus, cum ad manus nostras minime
pervenerint aut ipsa, aut ipsorum figurae,
neque de iis ex aliorum relatu distincte
possem eloqui, non est ut verba faciamus.
Minime vero tenendum est, Urnis non
nisi minoribus contineri juniorum Cineres,
ut & nati majorum Cineres Urnis ma-
joribus. Urna exilis sacros *Ciceronis*, in
urbe *Zacyntho*, cineres servabat, tradente
Favolio.

1 Brouckusius in Propertii Lib. IV.

CAP.



Fig. 2.



Fig. 3.




Fig. 4.




M. P. Guche Sculp.

Monumentorum hanc Britanno-Belgicorum
 Tabulam, cum publico communicari voluit. Honorabilis
 JOH: TREVELYAN, Baronettus,
 Vir Amplissimus, et Spectator Virtutis. C1DDCCXIIIX.





CAP. XVIII.

De Arca Lapidea, & de
Munimento Sepulcrali.

§. I.



ISTI Cadavera comburendi Arcarum
mos, apud Romanos, post ^{ab antiquo}
Syllam, multum invaluit; ta- ^{usus.}
men non universe: Nonnul-
lis placuit, ea, veterum ex
consuetudine, *Arcis* includere, sicque hu-
mo sepelire.

§. II.

SED cum *Arca* in re funerea significati- ^{Arca in-}
onis sit ambigua, nec a quoquam unquam ^{terdum}
(quod sciam.) satis explicata vox, operæ ^{Feretrum,}
C c 2 pre-

pretium erit initio notare, interdum eam *Feretrum*, *ὄρε τὸ φέρειν*, indicare; quod in eo Corpus ad Sepulturam efferretur: qua significatione, nunc Sandapila, nunc Orciniana sponda, nunc Libitina, nunc Lectus Stygius appellari solita est. Anglice, *a Bier*; ita ¹ *Lucanus*,

Da vilem Magno plebeii funeris Arcam.

Et ² *Horatius*,

*Huc prius angustis ejecta Cadavera cellis,
Conservus vili portanda locabat in Arca.*

Plebeium hoc Sepulturæ genus & ignobile habebatur; nam in Sandapila, ³ *Fulgentio* teste, non Nobilium corpora, sed Plebeiorum atque Damnatorum cadavera portabantur. *Polycrates Samiorum* Rex, postquam de cruce depositus, Sandapila deportatus est.

Nunc Mo-
numen-
tum.

NUNC Monumentum, sive Loculum significat *Lapideum*, supra terram ita constructum, ut emineat, & viatorum oculis se procul conspiciendum præbeat. Anglice *a Tomb*. Hoc sensu ⁴ *Seneca*, *Ræ-
vardo*

¹ Lib. VIII, V. 736:

² Ser. L. I. Sat. VIII.

³ Vide Libellum ejus De prisco Sermone, inter Auctores Lat. Linguae, per Gotofredum Editos. pag. 801.

⁴ Epist. LXXXVI, & ad eam Notas Var.

vario opinante, intellegendus. [In ipsa Scipionis Africani villa jacens, ait, hæc tibi seribo, adoratis manibus ejus & Arca, quam Sepulcrum esse tanti viri suspicor.] Hoc sensu Frontinus, [In campis statuerunt terminos quadratos cursorios, Spatulas vel Metas assignatas, & interjectis locis, Arcas & Monumenta, vel alia testimonia.] Ex vero Arca, ut doctissimus Editor, ¹ Rob. Keuchenius adnotavit, [Finales ut plurimum Sepulcrales erant, & condendis mortuis serviebant:] At quia finales erant, & ad Agrorum Limites ostendendos aliqua ex parte factæ, ideo supra Terram eas extare concludendum est. Ita ² Virgilius

—————Sepulcrum

Incipit apparere Bianoris.

NUNC Cavernam illam indicat Arca, Nunc Cavernam
(Anglice a Grave). quæ Monumento subiecta & obiecta, Cadaver recipit, dicique solet a capiendo Capulum: ita ³ Nonius [Sepulcrum Capulum veteres dici volunt, quod corpora capiat.] Hinc senex Capularis, i. e. Capulo proximus. ⁴ Apuleius [Ecce

¹ In Frontinum de Colonis, pag. 364, & 416. Ed. Amstel. 1661. ² Eclog. IX. ³ Vocab. Capulum. ⁴ Metam. Lib. X.

[Ecce pater, inquit, suis ipse manibus cooperculo Capuli remoto, commodum discusso mortifero sopore, surgentem postliminio mortis deprehendit filium :] Alibique a Monumento ¹ distinguit Capulum ; uti etiam ² Caius. Dicitur & Loculus, qui ad aliquid ponendum in terra factus est Locus ³.

§. III.

Nunc Capsam indicat:
Auctore

SED ad rem nostram ut propius accedamus, *Arca* sæpe Capsam five Cistam illam significat, in qua, (Anglice *a Coffin*) Cadaver impositum una cum ea humo condebatur. Hoc significatu Synonyma habet Arcula, Arcella, Loculus, Locellus, Capulum : Grace dicitur Σαρὼς, Λάφραξ, Κιβωτός, Κάμψα, de quibus ex idoneis Auctoribus singulatim. ⁴ *Petronii* jubet *Ephesia* matrona, mortuum scil. impendere malens, quam vivum occidere, [*Mariti sui corpus ex Arca, in conditorio locata tolli, atque cruci adfigi.*]

⁵ *LIVIVS* in *Arcam Lapideam* Numæ Regis Corpus, imponi tradit, & sub *Faniculo*

¹ Lib. IV.

² D. De Relig. et Sumpt. Lege 7.

³ Vide *Isidori Origines*, Lib. XX. Cap. IX.

⁴ Cap. 112.

⁵ Lib. I.

culo terræ mandari; quæ quidem *Arca* a
L.² Terentio effossa, *P. Cornelio* & *M. Bæbio*
Coss. A.U. DLXXIII, per tabem tot anno- Non uno
patet.
 rum (nempe *DXXXV*) inanis, sine ullo ve-
 stigio corporis humani fuit inventa. Idem
 fere narrant ¹ *Val. Maximus*, ² *Plinius*,
³ *Lactantius*, ⁴ *Plutarchus*: quorum ul-
 timus *Arcas Lapideas* vocat λιθίνας σοφῆς.

⁵ *HESYCHIUS* habet Σοφῆς, Μνήμα, Θή-
 κη. Λόγναξ, Κιβωτὶς, Σοφῆς, Κάμψα, pro quo
 legendum κάμψα, vel (secundum ⁶ *Meursi-* Synony-
um) κάψα. Habet *Lexicon Latino-Græ-* Arca.
cum vetus *Arca*, *Arcela*, Κιβωτὶς, Κάμψα,
 Λόγναξ. ⁷ *Suidas* Κιβωτὶς, Λόγναξ, Κίσπη.
⁸ *Martinius*, κάψα a κάμπτω, flecto, quod
 ex *Lignis* flexis fiat. Ita ⁹ *Ennius*, [*Leu-*
caten campfant,] i. e. cursum circa *Leuca-*
ten flectunt: *Anglice*, *Doubled the Cape*.
Arca, secundum ¹⁰ *Festum*, facit dimi-
 nitivum *Arculam*, & *Arcellam*. *Hanni-*
bal in *Arca Lapidea*, ¹¹ *Victore Aurelio*
 teste, positus est.

S.

-
- | | |
|--|-----------------------------------|
| 1 <i>Lib. 1. Cap. 1. Sect. 12.</i> | 2 <i>Lib. 13. Cap. 13.</i> |
| 3 <i>De Falsa Rel. L. 1. Sect. 22.</i> | 4 <i>In Numā.</i> |
| 5 <i>Voce Σοφῆς.</i> | 6 <i>Voce Κάψα.</i> |
| 7 <i>Voce Κιβωτὶς.</i> | 8 <i>In Cadmo Græco. Phœnice.</i> |
| 9 <i>pag. 92. Ed.</i> | 10 <i>Voce Arca.</i> |
| 11 <i>De viris Ill.</i> | |
- Wetsten. Cap. 42.

§. IV.

In locum
commodio-
rem

Arcam,
urgente
gravi cau-
sa, licuit
transferre.

UT Romanis Sepulcorum cura fuit
quam maxima, sic etiam Arcarum in
quibus sepeliebantur. Ita enim Mar-
cianus [Divi Fratres Edicto admonuerunt,
Ne justæ Sepulturæ traditum, id est,
Terra conditum, corpus inquietetur. Vi-
detur autem Terra conditum, etsi in Arcu-
la conditum hoc animo sit, ut non alibi
transferatur. Sed Arculam ipsam, si res
exigat, in locum commodiorem licere trans-
ferre, non est denegandum.]

§. V.

Xiphili-
ni Λάρ-
ναξ.

REFERT Dio 2 Xiphilini, & ex eo
Suidas in voce Λάρναξ, Petilium Cerealem,
aliosque a Vespasiano stantes, Urbem
Romam invadentes, per literas ἐς τὴν Λάρνα-
ξ μετὰ τῶν νεκρῶν, fieri certiores omnium
quæ in Urbe gererentur. Λάρνακες non
hic Urnas significant, quod Interpres
opinatur; verum Arcas, uti cenfeo, Li-
gneas: quod ipsa rei ratio videtur arguere.
Ita

Ita 1 *Iosephus*, Δύο λάρνακας ὡς εἰς ἐκκομιδὴν νεκρῶν παρεσκευασμένοι. Ita 2 *Thucydides*, Ε-

πειδὴ δ' ἢ ἐκφορὰ ἢ ἐκφόρεας κυπαιστίνας ἄγουσιν ἀμαξαι φύλης ἐκάστης μίαν: cum efferendum funus est, *Arcas* ex Cupresso currus singularum tribuum singulas ducunt. Λάρναξ

a 3 *Suida* quoque exponitur Σοεὶς, Κιβωλὶς.

4 *Lelandus* asserit *Arturium*, *Herculem* illum Britannicum, [robore alneo excavato fuisse conditum, idque ex more seculi, quod

Arturii
ex Alno
Cista.

Alnorum ingentes Truncos incavare, & in usus Sepulcrorum dedolare solebant. Habet enim *Alnus*, (inquit ille) nescio quid commune cum uliginoso solo, quale cæmiterium est, usque adeo, ut eius materia, in terra huiusmodi altius posita, tantum non æterna censeatur.]

§. VI.

SIC e Ligno, nunc Cupressino, nunc *Ex Metal-*
Alneo, eoque nunc cavato, nunc in asse-
lis, *Arcæ*.
res diviso, fieri solebant *Arcæ*: His addi
possunt Metalla, si veterum opinionibus
standum fuerit. *Homerus* ex 5 *Argento*

D d

Ar-

1 Περὶ ἀλώσεως: 2 Lib. 2. 3 In voce Λάρναξ.
4 Vide Assertionem Arturii, pag. 45: 5 Iliad. σ.

Arcas & ex ¹ *Auro* factas memorat, in *Parnassō*, ut opinor, effossas.

— Ὅπλα τε πάντα
 Λάρνακα, ἐς ἀργυρέῳ συλλέξατο τοῖς ἐπονείτε.

Iterumque

Καὶ τὰ γὰρ χρυσεῖω ἐς λάρνακα θῆκαν ἑλόντες,
 Πορφυρέοις πέπλοις καλύψαντες μαλακοῖσι.

Quin & ex ² *Plumbo* fieri docet *Diaconus*, in *Narfete*, [*Cujus Corpus positum, ait, in Locello Plumbeo, cum omnibus ejusdem divitiis, Constantinopolim est perlatum.*]

§. VII.

Corpus ab
 alienæ mi-
 stura ma-
 teriæ libe-
 rum, con-
 servat Ar-
 ca.

PATET ex his Excerptis, primo *Arcam*, eo sensu, quo nos usi sumus, a *Sandapila*, a *Monumento*, a *Cavea* differre; *Cistam*que, uti dixi, significare: Deinde, in *Sepulcrum* illatam eam non sine gravi causa oportere dimoveri; sed tamen, urgente ea posse *Arcam* alibi, cum incluso corpore, transferri: Deinde, usum ejus, five ex *Metallo*, five ex *Ligno*, five ex *Saxo* factæ, continentem esse, ut mortui

Corpus

Corpus in ea conditum, per se, ab alienæ mixtura materiæ conservetur. Mortuorum Honos usquequaque retinendus, ampleque decernendus; eumque populi, quibus Sanctitudo, Pietas, Religio cordi fuit, grate semper impertivere.

§. VIII.

PLURIMÆ sunt hujusmodi *Arce*, *Arcæ Lapidææ*, apud nos inventæ, ⁿⁱ⁻ *pideæ*, ^{ad} mirum apud *Trinobantes*, *Icenos*, & ¹ *Or-* ^{Aquas} ^{Calidas} *dovices*; quarum unam alteramque in æs incisam, (quoniam minime publicatam meminerim) in medium feram. Non ita pridem ad *Aquas Calidas* effossa est, in suburbiis, juxta viam, qua ad Colliculum itur, *Lansdown* appellatum, ea, quæ Tab. XI. Figura prima exprimitur. Est ea magnitudine, forma, duritieque, quæ Humano Cadaveri tam conservando, quam recipiendo sufficiat. Longa fuit pedes sex, uncias tres, & dimidiam: alta tredecim uncias; crassa tres; cava, qua Humeros cepit, uncias octodecem; qua

D d 2 pedes

¹ Vide Camdeni Britanniam: Galæum in Antonini Iter. I. Weaver of Funeral Monuments, pag. 30.

effossæ, di- pedes, octo. Lapis ei fissilis operculo
mensiones. fuit. Ossa tenuit Humani corporis adulti
 universa, prona, utpote corporis in faciem
 inversi. In hac autem æterna domo,
 quam forte se vivo fieri curavit, dum mor-
 tuus adquiescit, a facinorosorum homi-
 num impietatibus, ab improborum mali-
 tia, a nequissimorum simulatione diffi-
 mulationeq; tutus & immunis adquiescit:
 Quin & hac æterna domo quiescunt, qui
 nunquam antea quievere.

FRAGMENTUM erat alius *Arca*,
 non procul a *Julii Vitalis* Sepulcreto eru-
 tum, priori non absimilis.

§. IX.

*Pronum
 in ea Cor-
 pus.*

UNUM est, quod me sollicitum habet,
 & in quo non parum hæreo: nempe Cor-
 pus (quantum ex ejus Ossibus licet conji-
 cere) pronum, non, ut moris est, supi-
 num, in *Arca* fuisse positum. Certe hoc
 in *Diogenem Cynicum* optime quadrabit:
 (de re præsentī, nihil habeo, quod dicam.)
 Ad *Xeniadem*, cum hic interrogaret, quo-
 modo sepeliri vellet, responsum dedit
Cynicus, sepeliri se voluisse, *εἰς τὸ πρόσωπον*,
 i. e.

Vide *Laertiam*, in *eius Vita*.

i. e. *in faciem versum*: Illoque causam sciscitante, subjunxit, ὅτι μετ' ὀλίγον μέλλει τὰ κάτω ἀναστρέφεσθαι, *quia paulo post inferiora in contrariam partem converterentur*. Hanc rem aliis explicandam relinquo: Unum tantummodo subjiciam, Urnas etiam interdum ore prono inveniri. Hoc in *Mona* sive *Anglesey* notari tradit *Harrisonus*, sive potius *Lelandus*, in *Britanniae Descriptione*, Cap. X. ut hoc non tam fortuito, quam studio & de industria, fieri existimetur.

§. X.

FIGURA tertia exprimitur *Arcella*, *Arcella*, quæ autumno Anni 1706, prope *Julii Vitalis* Cippum, effossa, pedes quinque longa, alta quatuordecem uncias, extra; intra, octo; crassa vero quatuor; lata, pectoris regione, quatuordecem; pedum autem, uncias duodecem. Operculum pedes quinque, uncias duas longum; pedem unum, uncias novem, supra; pedem unum, uncias sex infra, latum; crassa uncias circiter quatuor.

PRÆ-

*Cum in ea
contentis.*

PRÆTER ossa Puelli quasi decennis omnia, binas tenuit *Arcella* Urnulas, singulo latere singulam; & ex Luto Imagunculam; ut non tantum Cadaveri, sed & iis, quæ ad illud pertinuerint, accipiendis, inservire has *Arcellas*, arbitremur.

§. XI.

*G. Rûfi,
& Lhew-
elyni
Arcæ.*

DE *Arca Lapidea* sepulcrali antiquorum hætenus: Hoc addam, in Ecclesia Cathedrali *Ventæ Belgarum*, *Guilhelmi Rûfi* corpus, in *Arca Marmorea* conditum, hodie jacere; & *Lherwelynum ap Forweth, Walliæ* principem inclytissimum, Anno 1240 defunctum, in *Abbatia Conoviensi* fuisse terræ mandatum; sed *Arcam*, in qua positum est cadaver, exauctorata *Abbatia*, remotam ad Ecclesiam *Lhan Rwest*, Doctiss. tradente ¹ *Lhwidio*, nunc etiam visendam.

§. XII.

De Munimento Sepulcrali.

*Monu-
menti de-
lineatio*

DUM in hisce prelo parandis essem, a nobili *Belga*, *D. Nathan. Palmer*, patri-
arum

¹ Vide ejus *Additamenta ad Camdeni Ordovices: In Denbigh-shire.*

arum Antiquitatum cum primis sciente,
 Literas accepi; in quibus ille monumēti
 pervetusti, & (uti videtur) *Romani* reli-
 quias, sua manu delineatas, perhumaniter
 mecum communicavit. Monumentum ^{e Belgio}
 isthoc, vulgò [*The Wedding*] appellatum, ^{missa.}
Aquis calidis septem octo milliaria distat
 occidentem versus, non procul a via mi-
 litari, quæ Tabula nostra *Belgii* descripta
 est. Constat autem ex Lapidum Circu-
 lis, numero diversis, diametro inæquali-
 bus, plus minus perfectis; quos ære scul-
 ptos Tab. XIV. videre licet. Primum,
 eorum, uti nunc sunt, statum exhibere;
 deinde, quem in finem construerentur,
 conabor explicare.

§. XIII.

A circuli majoris Centrum est. Lapi- ^{Ejus De-}
 des in Peripheria supersunt XIII, eorum- ^{scriptio.}
 que tres solum erecti: perfecti autem
 hujus Circuli, qualem olim fuisse, pro-
 clive est opinatu, Peripheriam Lapides
 XXXII, eosque XI virgarum ex inter-
 vallis inter se distantes habuisse, verifimi-
 le est.

ALIUS Circuli Centrum est B, a quo
 ad peripheriam Radius est virgarum XVI.
 Inte-

Interiores Circuli duo sunt, quorum intimus omnino integer, Lapides octo Cylicricos habet, eosque, si unum demas, erectos; sunt ii pedes novem alti, cum circuitu pedum XXII.


ALII porro Lapides sunt, iis qui in circulis cernuntur non abfimiles, ab iis vero nunc distantes; quales hos ad circulos olim pertinere, sed casu quodam e locis femoveri, & alios ad civiles usus, adificia nempe, vias muniendas, & ejusmodi alios, hinc auferri arbitror.

§. XIV.

De hoc
Monu-
mento Fa-
bula.

VULGUS, ut errori deditum est & fabularum amans, nescio quas de hisce Lapidum Circulis effutiit. Alii *Nuptias* ab iis significari volunt, a Gigante quodam e vicinia, eodemque Mago, hunc in locum & ordinem coactis: alii aliud cerebri figmentum. Ego, quicquid de iis sanum occurrit, & veritati consentaneum, in medium feram.

NIHIL omni antiquitate, quod sciam, huic monumento similis, quam quod O. Wormius inter monumenta *Danica* descripsit, cujus structuræ, non procul a *Roeschildia*, duo esse narravit. Saxa vero,



Inter varia Reipub.
 quatuor studio
 Munimenti Sepul-
 pernice communis
 de Fairfield, Amiger, Ordinis Senatorij.



CICCCXIX.

M. P. & G. S. S. S.

СЛОЖИЛИ

ro, cum Materia iis interposita, quibus ^{Apud} cingitur Monumentum, ^{Græcos,} *Pausania* ^{& Roma,} *Κρηπίδα* & aliorum *Maceriam* esse censet: his sepi- ^{nos huius-} re & ab injuriis defendere monumenta so- ^{modi fuere} lebant veteres, (ut ex sequentibus patebit) ^{monumen-} *tam Romani quam Græci. Germanicus in* ^{ta.} *Epigrammate de Tumulo Themistoclis,*

Καὶ τύμβῳ Κρηπίδα πάλυε φε Περίχδν ἀρη.

Ulpianus ¹ [*Intra Maceriam sepulcrorum loca pura hortis, vel cæteris culturis servata, si nihil nominatim venditor exceperit, ad emptorem pertinebit.*] Ad hæc verba *Gotofredus* [*Ex hoc loco possis observare, Maceriis sepulcra includi olim consuevisse; quod ex duabus Inscriptionibus probat Brissonus, & Kirchmannus ex Inscriptione, quæ Paduæ est.*] *Suetonius* in *Nerone*, de morte *Britannici* [*Bustum conssepiri nisi ex humili levique materia neglexit.*] *Macer I. C. Monumentum sepulchri* definit his verbis ² [*Monumentum autem sepulchri id esse D. Hadrianus rescripsit, quod Monumenti, i. e. causa muniendi ejus loci factum sit, in quo Corpus impositum sit.*]

E e

§.

¹ L. Æde Sacra. D. De contrahend. Empt.

² L. XXXVII. de Relig.

§. XV.

*Monu-
menti
usus,*

ERANT Lapidēs in hoc nostro monumento erecti, macerīæ stabilimento sive firmamento; nam cum ea nunc ex filice, vel alia humili aliqua materia, ruinosa certe & facile casura constet, Lapidibus hisce tamquam fulciminibus servabatur. Macerīæ quod Lapidibus interpositum, delevit ætas; Lapidēs, qui eam sustentarunt, aut disiecti in propinquo sunt, vel longe alio remoti, aut in pristino loco sunt, totius monumenti usum & naturam indicantes: sunt autem omnes impositi, rudes, ex isto Lapidum genere, quod Pyriten habet, & in ea regione frequentissimum est.

§. XVI.

*ut teneatur
Corpus hu-
manum
ibi sepul-
tum, a
Græcis
& Roma-
nis accep-
tus;*

HINC conijcere licet hujusmodi Circulis, sive alius figuræ Sepimentis (neque enim omnia perfecte rotunda sunt) mandari olim humo Cadaver Humanum, in eoque conservari: quoties autem duo Circuli, ut hic loci, fuerint, duo minimum Cadavera ibi condita fuisse.

DE crebris eo *Belgii* tractu Sepulturis nulla potest esse dubitatio, quando *Roma-*
ni

ni multum in eo versarentur, & in eo multa prælia pugnarent: neque mirum est istiusmodi Sepes, in *Wallia*, *Scotia*, & *Hibernia*, complures observari, quando *Romani* in omnem fere angulum hujusce Insulæ se insinuarunt, & eum sanguine perfuderunt: poterant autem, *Caledonii*, & *Hiberni* non minus quam *Cimbri* hunc morem a *Romanis*, sive *Græcis*, acceptum in se derivare.


§. XVII.

AT si aliis visum fuerit a *Runis*, ac-
 cipi hæc Monumenta, non id moleste fe-
 ram; quando Aborigines *Britannicos* ab
 iis effluxisse, & secum Mores illorum huc
 afferre potuisse, pro certo habendum.
 Verum ut quæ res esse videatur, apertius
 dicam, hujusmodi Monumentorum quan-
 do alia, (in quibus *Stone-henge*, &c.)
 propter altum apud Auctores *Græcos* &
Latinos de iis silentium, recentiora judi-
 centur, sic alia, quorum in numero Monu-
 mentum hocce nostrum, ante *Belgarum*
 adventum a *Runarum* Colonia quadam
 erigi, uti temere non statuero, ita præfra-
 cte non negavero. Atque hæc est nostra
 de hoc Monumento sententia; de qua
 judicent eruditi pro suo jure.



CAP. XIX.

De Andromache Britanno-Belgica.



§. I.

Monu-
mentum
hec ad A-
quas Ca-
lidas ef-
fossam.



BHINC anni fuere quinque cum Vir honestus *Franciscus Child*, Pharmacopola, & Prætor eo tempore *Bathoniensis*, muneri mihi *Bustum* misit *Exoniam*: (utor eo vocabulo, sensu novitio, sic, ut *Caput Statuæ* significet :) quod in Civitate sua, vel ejus suburbiis, aliquanto ante effossam est: Hoc quum Antiquitate venerabili sit, multisque nominibus æstimandum, hoc in loco discutiam, & Primum, de *Busto-*
rum

Fig. 1.



Fig. 3.



Fig. 2.




Bustum hoc Britanno-Belgicū,
Aquarum Calidarum Anti-
V. J. ROBERTUS
Unus e Banci Regii Iustitiariis,
-tum pertinax Defensor, Ere donavit, Reiq; pub:
Literaria consecravit.
A.D. CIO DCCXVII.



luci nuper restitutum, quod
-quitatem apertissime ostendit,
EYRE Eq: Auratus,
Patriarum Legum et Liberta-
-tum pertinax Defensor, Ere donavit, Reiq; pub:
Literaria consecravit.
A.D. CIO DCCXVII.

M. J. Gucho Sculptor.



rum apud Romanos usu, generatim: Tunc de hujusce nostri Figura, speciatim: Postremo, de ejus usu civili disputabo.

§. II.

SCITE a *Lactantio* dictum est, [*Si- Imaginum
militudinum rationem* iccirco ab hominibus ^{usus.}
inventam esse, ut possit eorum memoria re-
teneri, qui vel morte subtracti, vel absen-
tia fuerant separati.] Quid dulcius, aut
amore plenius, quam quorum illecebris
& bonitate capti fuimus, eorum memo-
riam animis nostris Imaginibus fervare;
sic, ut eorum cultus & consuetudo fiat
perpetua. Ut in virorum illustrium, in
Amicorum, in Deorum memoriam & ho-
norem, *Græci Romanique* homines Sta-
tuis utebantur integris, sic etiam inter-
dum earum *Capitibus*. Ubi defunt Ima-
gines, multum hac in re Capitibus effi-
citur: Caput enim reliquo corpore multo
significantius.

§. III.

UNIVERSI Corporis Arx est, at- *Faciei vir-*
que adeo tam intus quam extra muni- *tus,*
tissima. Per sensus in ea fiunt rerum ex-
tra

et pote-
stas.

tra positarum impressiones; ex ea per Musculorum motus adversum illas eruptiones. Ratio in ea dominatrix, de hisce omnibus judicium fert, jubet, vetat, dolet, lætatur, & in omni re exercet imperium. Extra, vires etiam admirandæ sunt: vide, quæ in domandis oppugnantium animis, & ad mansuetudinem convertendis, Faciei virtus sit, & quanta Majestas. Noveram, qui torvi Vultus Imperio, alienatos ad sanam mentem redigere solebat; additotantum idoneo victu. Neque hoc mirandum, quando ferocia Bellatorum Fœmineo vultui creberrime cedat, nec contra ejus auctoritatem vel hiscere sustineat. Et Pecudes & Agri, pro Faciei decore olim, tradente i *Lucretio*, distributi sunt.

*Condere cæperunt urbes, arcemque locare
Præsidium Reges ipsi sibi, perfugiumque:
Et Pecudes & Agros divisere, atq; dedere
Pro Facie cujusque, & Viribus, Ingenioque.
Nam Facies multum valuit.——*

O factum bene!

FA-

FACIEI Variatio juxta diversos ani- *Facies
variatio*
mi Affectus, multiplicem eam esse probat,
& hominis sensa indicat, modo appeten-
tis, modo abhorrentis, modo timentis,
modo triumphantis; ne dicam alias ejus-
dem hominis sexcentas Facies: Nam qui
unam tantum habet Faciem, plerumque
Philosophus est, aut Morio. [*Nec Augu-
ria novi, nec Mathematicorum cælum*
(ait Satyricus 1) *curare soleo, ex Vultibus*
tamen Hominum mores colligo.]

§. IV.

SED particulatim eos examinemus. *quotuplex
& quan-
ta.*
Frons animi Janua, Tristitiæ, Clemen-
tiæ, Severitatis, Hilaritatis index. Cu-
tis, quæ soli Homini in Fronte mobilis,
& in strias divisa, nunc caperat severi-
tudine, nunc erugata vacuum perturba-
tionibus animum ostendit: nunc austera,
qualis Hominum morosorum: nunc tri- *Partium
ejus*
stis, ut in sollicitis subdolisque: nunc aper-
ta, in conciliandis amicitiiis magnarum
virium. Si vel unas Oculorum vires o-
stendere conarer; si ardentem *Virgilii*, si
at-

attonitos *Claudiani*; si loquaces *Tibulli*; si mellitos, si ebrios *Catulli*; si minaces *Lucani*; si modestos *Ovidii*; si irretortos, si putres *Horatii*; si *Persii* scintillantes; si truces *Senecæ*; si æquos, si natantes *Silii Italici*; si venustos, si argutos *Ciceronis*; ampla quidem materies esset, & jucunda, sed in qua tractanda nimius essem, & defatigarer.

*Quæ Vir-
tutes?*

NASUS exstat, oris audax Promontorium, oculis submissum, Genas aptissime dispertiens. *Genæ* explicantur, in quibus, tamquam in Campis apertis, ludunt, gestiunt Cupidines. Ibi Pudor habitat, ibi Salus. *Oris* usus & Venustates nemo umquam satis apte pinxit, aut depinget. Quam firmiter mandibulas sejungit, & *Oris* gratiam tuetur *ἔργον ὁδόνον*? Quis *Linguae* virtutes vel animo poterit comprehendere? Quis *Sonorum* varietates & dulcedines? quis eorum miras, ad stuporem usque diversas Compositiones? quis *Eloquentiæ* vim divinam, quam nec ipse *Cicero* verbis exprimere potuit. Ipsi *Capilli* suas habent virtutes, & honores: Illud testatur *Romanorum* [*Calva Venus*]: Hoc universum fere genus humanum. Ex tanta Capitis excellentia, nequaquam mirum videbitur, si illius

illius Icon in pretio habeatur, qua Amici Forma, Indoles, Ingenium, aliæque tam Animi quam Corporis Dotes tam apte repræsententur.

Atque hæc de *Bustis*, univérse.

§. IV.

HOC quod dono mihi datum, & in porticu nostra hodie propter raritatem muro affixum est, ex Lapide Spongioso, de Laromiis in *Aquarum Calidarum* vicinia, confectum, pondo centum est. Vide Tab. XV. Fig. I. Facies lata decem uncias, longa quatuordecem; unde si integra esset Statua, pedes octo cum duabus unciiis, secundum [*Hominem Symmetrum*] *Joh. Sigismundi Elsholtii*, longa sit necesse est. Nasus ætate, sicut in muliere *Parturisa* laborante, exesus, a Romano sive Aquilino multum abest. Capitis ornamentum, quale in veterum Nummis & Poematis non raro, in Statuis raro observatum; nec quidem umquam, quod sciam, nisi in *Cleopatra* Statua, apud *Baudelotum* (de qua & in *Valesianis*) & in *Veneris* Icone, nuper apud *Belgas* eruta; qua de re certior me fecit *avtór* *ins.* Formam habet hoc ornamentum semicircularem, utroque si-

F f

ne,

ne, juxta Aures, quibus adſiguntur *παρά-
νες*, acutiorem; ſupra in medio arcu, ſi-
ve Fronte, latiore. Bullulæ ſunt in ejus
ſuperficie, tamquam ex Sindone conflatae:
Latus ſupernum uncias habet XLVII; in-
fernum ſive cavum, XXV. In Occipitio
Capilli ſatis promiſſi, Spiræ modo, tor-
quentur in Nodum, vertici adfixum; qui
Figura, quam verbis, melius exprimitur.
Vide Tab. XV, Fig. II. Hæc capillo-
rum ea ætate *Cura*: nam præter ſtudium
ornandi totius corporis, obſervante *Gro-
novio* Patre, proprium erat hoc verbum
comtus Capillorum. Extat autem or-
namentum in parte poſtica Bullulis refer-
tum, quale deſcripſimus in antica. *Bu-
ſtum* hoc quaſi Coloſſi Caput eſt effictum,
ad Hortum, Atrium, vel Viam aliquam,
& fortasſe Viam militarem, quæ a *Julii
Vitalis* Sepulcreto ducit in Urbem, ador-
nandum: ſed illuſtrium ævi fui Matro-
narum ad formam effictum.

§. V.

Romano-
rum An-
droma-
ches

QUONAM autem ævo ſit, ex Poetis
& Numiſinatis hauriendum. *Statius* in
Epithalamio *Violantillæ*, — *Celſæ*

—*Celsæ procul aspice Frontis honores,*
Suggestumque Comæ. Descriptio,
ex Poetis,

*Et Juvenalis Satyra sexta, qua mulierum
 in vestitu enormitates acriter perstringit,*

Tot premit ordinibus, tot adhuc compagi-
(bus altum

Ædificat Caput, Andromachen a Fronte
(videbis,

Post minor est : Credas aliam.

De Andromache, Ovidius.

Omnihus Andromache visa est spatiosior
æquo.

*Et alibi—Quod erat longissima, nunquam
 Thebais Hæctoreo nupta resedit equo.*

Hinc Bustum meum Andromachen appel-
lare soleo ; & ut distinguatur a Romana,
Britanno-Belgicam.

QUÆ a *Statio & Juvenale*, sub *Domitiano* florentibus, citantur, a Nummis egregie confirmantur ; qui, ut hæc *Capitum* ornamenta, priscis minime contenta modis, in altum creverint ; ut in eo statum & æquum habuerint ; ut denique resederint, docent apertissime. In Nummo *Antoniæ Aug. Avæ Drusi & Caligulæ*, Capillis in

e Numis-
matibus.

Fronte ejusque tegumento nihil depressius. De *Agrippina*, Matre *Caii Cæs.* idem fere dicendum. *Poppæa Neronis* Uxor primum apud *Romanos*, & secundum illam *Julia Aug. Titi* Filia, crinem habuit aliquantulum sese extollentem : In Capite *Domitiæ Aug. Uxoris Domitiani Imp.* idem observandum. Vide ejus Figuram, apud *Leonardum Augustin m.* ad *Gemmas Antiquas*; Fig. 160. Ed. *Gronoviana*. *Plotina & Matidia* (quarum altera *Trajan*i Uxor, altera ex Sorore *Neptis*) celsiorem habet utraque Frontis honorem, elatum scil. & in Turrim exstructum. Vide *Plotinæ* Faciem, in ejus Nummo Tab. XV. Fig. III. sculptam. Sub *Adriano* mos ille deserbuit: Nam in *Sabinæ Aug. Uxoris* ejus Nummo, altitudo media est, in *Divæ Faustinae*, quæ sub *Antonino* Philosopho vixit, nulla : sic, ut etiam in aliis omnibus quibuscunque ad *Hele-*
nam usque. Vide Suggestum horum apud *Romanos*, Incrementum, Statum, & Declinationem : Diebus hisce nostris apud nos repullulavit iste mos, (ut est omnium pane rerum perpetua fere vicissitudo renovatioque) quem omnino perridiculum, magnopere peritrixit rari vir ingenii, *Rich. Steele*, Eques Auratus, &
— *Diram contudit Hydrum.* §.

§. VI.

EX iis, quæ supra ex Poetis & Numis- ^{Bustum}
 matibus hauriuntur, in promptu est opi- ^{hoc cum}
 nari, sub *Domitiano*, *Nerva*, *Traianoque*, ^{A. D. 81}
 Caputum hæc ornamenta in altitudinis ^{sculptum,}
 statu fuisse. Hoc istorum temporum Poe-
 tæ, *Statius* & *Juvenalis*, evidentissime
 probant; hoc confirmant Nummi, ex
 unis Tabulis *Gevarianis* sumti: Con-
 cludimus ergo, sub hoc tempus sculptum
 id fuisse *Busti*, & quidem, uti verisimile
 est, *Agricola* rebus *Britannicis* jam præ-
 posito; cujus in exercitu pro certo haben-
 dum, tum qui *Romanos* vestiendi modos
 apprime callerent, tum qui Sculptura eos
 exprimere possent, non defuisse. Huc spe-
 ctat, quod a *Tacito*, qui Socerum hac
 expeditione comitavit, traditum est in ejus
 vita, jam tum, anno Expeditionis tertio
 (qui fuit A. D. 81.) Principum *Britanni-*
corum filios liberalibus artibus erudiri:
 [Inde, inquit, habitus nostri honor, & fre-
 quens Toga, paullatimque discessum ad
 delinimenta vitiorum, Porticus, & Bal-
 nea.]

§. VII.

Ante hunc
annum in
honore fu-
isse

Aquas
Calidas,
verisimile
est.

LONGIOR in hac re iccirco fui, quoniam *Bustum* hoc consideranti mihi visum est, ab eo, de *Aquarum Calidarum Urbis* antiquitate, melius certiusque ferri posse iudicium, quam ab argumentis vulgo ad eam rem confirmandam adhibitis. Certe, qui *Solinum* hac in causa citant, tamquam de Aquis hisce verba primum facientem, tota errant via: *Solinus* enim non modo diu post *Alexandrum Mamae* vixit (quod doctissimus & *Salmasius* ostendit) sed & post *Ammianum Marcellinum*, qui sub *Theodosio Magno* vixit, opinante non sine ratione *Claudio* & *Chifletio*. *Antonini* & *Ptolemæi* plane sunt immemores hi vaniloqui; quorum ille, non alius quam *Caracalla* (secundum Itinerarii Editorem doctissimum, illustratorem felicissimum *Tho. Gubæum*) *Aquas Solis* habet Itinere XIV; *Ptolemæus*, qui sub *M. Aurelio Antonino* floruit, (Autore *Suida*) & *Antonino Pio* fuit superstes, habet τὰ ὕδατα θερμά: At his utrisque multis annis senior fuit

An-

x Vide illius Prolegomena in *Solinum*. 2 De Vita *Ammiani Marcellini*, ab *Jac. Gronovio* Editæ *Lugd. Bat. MDCXCIII*.

Andromache nostra. *Agricola* post adventum in *Britanniam*, (fuit ille A. D. 79.) annos aliquot cis *Tuedam* egit, duos scilicet semisse; *Sparsis* (ut ait *Tacitus*) per provinciam *Numeris*. Eo temporis spatio, sicuti videtur, vel ab *Agricola*, vel istius exercitus aliquo, positum hocce *Bustum* est. Ab eo tempore, ad *Antonini Pii* mortem (qui fuit A. D. 160) anni sunt 78: quod utique tempus, Urbis hujus antiquitati, supra quam *Antoninus*, (ut de *Solino* nihil dicam) supra quam *Ptolemæus*, impertivit *Andromache*. Siquis hasce difficiles *nugas*, [*de mulierum ornatu*] judicaverit, cogitet omnino velim, quod hæc *nugæ* in *seria* ducant, & nobilissimæ Urbis antiquitatem luculenter exponant. Hæc de *Belgio* nostro in præsentia.

RESTANT alia duo præclara admodum Monumenta; quorum alterum *Equestris Statuæ*, cum *Parma* & *Hasta Pura*, Fragmentum est; alterum *Julii Vitalis* Epitaphium habet: de quibus in Voluminibus II, & III, copiose.

Δόξα τῷ ἐν ὑψίστοις Θεῷ.





TABULARUM

Et in iis

FIGURARUM

Dispositio.



Abula Prima Belgii Geographica est, locos in eo omnes, quorum Nomina occurrunt, antiquos, nonnullos etiam recentiores exprimens, in Libri initio.

Tab. II. Fig. I. Decurionem e Glevo exhibet, ad Pag. 69.

Fig. 2, 3, 4. Literas quasdam perobscuras.

Fig. 5. Inscriptionem quæ Successæ Petroniæ est.

Fig. 6. Aliam, quæ Marci Valerii.

Fig. 7. Aliam, quæ C. Murrii.

Tab.

Figurarum Dispositio.

Tab. III, Fig. 1. & sequentibus, Monumenta a Clarissimo *Guidoto*, *Thermiatro* collecta, denuo repræsentantur. pag. 71, 72.

Proximæ sex *Tabb.* sunt *Penatium*, quorum quinque *Venus*, *Jupiter Ammon*, *Neptunus*, *Hercules*, *Vulcanus*, Tab. IV, post pag. 125.

Tab. V, Tres habet, *Bacchum*, Deum quendam ignotum, & *Pallada*; pag. 132, 3.

Tab. VI, Duas, *Virginem Vestalem Maximam*, & *Mercurium*. pag. 133, 4.

Tab. VII, *Lupam*, cum *Romulo* & *Remo*. pag. 136.

Tab. VIII, Ignotum alterum, & *Apin*. pag. 137.

Tab. IX, *Anubin*, *Bucephalum*, *Bacchum* alium, eumque formosissimum, & *Bustam*, pag. 139, & in seqq.

Tab. X, *Camaletum* ostendit, post pag. 172.

Tabulæ XI, ad pag. 195 referendæ, Fig. 1 & 2 repræsentant *Arcam Lapideam*.

Fig. 3, *Seriam*.

Fig. 4, *Arivogi* (vulgo *Arviragi*) nummum, de quo pag. 55.

Tab. XII, quæ ad *Paginam* est 206, *Munimentum* exhibet *sepulchrale*; de quo in *Capite XVIII*.

Figurarum Dispositio.

Tab. XIII, ad *Paginam* 187, *Fig. 1*, *Claudianam* habet *Inscriptionem*, in *Belgio*, duobus ante sæculis, effossam.

Fig. 2, *Claudii Nummum* habet cum *Epigraphe Spes Augusta*.

Fig. 3, *Nummum* ejus alium cum *Britannia*.

Tab. XIV, *Fig. 1*, *Urnæ* exhibet majorem.

Fig. 2, Minorem.

Fig. 3. *Herbam Isitida* dictam, *Melæ Pliniique* *Glaſtum*, *Noſtrorum* hominum *Woad*.

Tab. XV, *Fig. 1, 2*, *Buſtum* habet *Britanno-Belgicum*.


Fig. 3, *Plotinæ* *Faciem*.

N. B. *Caput Leoninum*, quod *Inſigni*, in hac *Tab.* *Gentilitio* ſuperponitur, *Corona* cinctum eſt; ſic, ut in *Tab. II*, *Vol. II* debuerat; ſed incuria, nescio qua, omiſſum eſt.


Elen-



Elenchus Rerum.



PROOEMIUM, de *Britannia* quondam pœne Insula.



CAP. I.

De *Belgii* nostri *Limitibus*.

I Ntroduc <i>ti</i> o.	Pag. 1
L imites primo breviter delineati,	2
Secundo loco fusius.	3
Tabulæ veteris Belgii corriguntur.	ib.
Exmore in Comitatu Somerset.	4
De Patria Cangorum. Eos in Belgio ha- bitasse,	5
Quæ argumententur ;	6
Et ad ea quæ respondeant,	ib.
G g 2	Et

ELENCHUS RERUM.

<i>Et Verba,</i>	7
<i>Et Facta.</i>	<i>ib.</i>
<i>His consentit Ptolemæus.</i>	10
<i>Cangorum patria circa Devæ Ostium,</i>	<i>ib.</i>
<i>Quod patet Inscriptionibus.</i>	11
<i>Quo anno Illi ab Agricola superati,</i>	12
<i>Belgii oram maritimam,</i>	13
<i>In Meridie, coluere Belgæ,</i>	14
<i>Quod ex Ptolemæo liquet.</i>	15

CAP. II.

De Belgii nostri Fluviis.

D E Fluvio Sabrina:	16
De Trajectu.	17
De Uzella.	18
De Fluvio Tona, ubi oritur.	<i>ib.</i>
Comb quid significet.	19
Romanos stationem habuisse apud Wilf-	
comb,	20
Ostendunt Nummi ibi inventi.	21
Quo tempore disit usus Romanæ apud nos	
Pecuniæ.	<i>ib.</i>
Tona adluitur Regio fertilissima: in qua	
Athelney.	22
De Ivello Fluvio.	23
De Cado Fluvio.	24
De Bryo Fluvio.	<i>ib.</i>
Nomen	

ELENCHUS RERUM.

<i>Nomen οὐέξαλα datum a J. Frontini mili-</i> <i>tibus.</i>	25
<i>De Axa Fluvio.</i>	26
<i>Ptolemæi Error.</i>	27
<i>De Avona Fluvio.</i>	<i>ib.</i>
<i>Taciti Emendatio,</i>	29
<i>Ptolemæi Τεισανή.</i>	<i>ib.</i>
<i>Alauna, sive Avona altera.</i>	30

CAP. III.

De Belgii Divisionibus.

B ELGII pars a Segontiacis olim habi- <i>tata:</i>	32
<i>Illius alia pars Insularis.</i>	33
<i>Unde Severia dicta sit, ambigitur.</i>	34
<i>Belgium pæne omne in Britannia secun-</i> <i>da.</i>	35

CAP. IV.

De Belgii nostri Urbibus.

U Rbes in Britannia quales ante J. Cæ- <i>faris adventum;</i>	36
<i>Ex Romanorum Castris Urbes,</i>	37
<i>Quarum in Belgio numerus censetur.</i>	38
	Brige

ELENCHUS RERUM.

Brige reficit itinerantes.	39
Clausentum.	40
Regnum vetus.	41
Vindomis Segontiacorum Metropolis : (qui Belgis accessere :)	42
Præclara fuit hæc Urbs.	43
Cunetio.	44
Verlucio.	45
Ισχαλις.	46
Veteres Britanni neque Caseum, Neq; Butyrum habuere.	ib. 47
Hoc iis forte commendavit Largus.	48
Ischalis origo.	ib.
Sorbiodunum, unde sic appellatum.	49
Venta Belgarum, unde dicitur.	50
Nummi in ea Romani, Balnea, & Tex- trina,	51
Beatiss. Wiccarni Collegium amplum.	52
Cænobium Glaftenburiense non ab Arviro- go fundatum.	53
Motuum in Britannia Civilium Auctor Arviragus,	54
Sive rectius Arivogus,	55

CAP.

ELENCHUS RERUM.

CAP. V.

De Aquarum Calidarum Urbe.

D E Aquis Calidis.	56
Britanni <i>Magiæ dediti.</i>	57
Romanæ <i>hæc Urbs originis.</i>	58
Claudius Imp. <i>Aquæductus restituit.</i>	ib.
Balneis Celsus & Scribonius <i>utuntur.</i>	59
<i>Aquas ad usum commodiores,</i>	ib.
Sub Claudio Imp. <i>primum fieri.</i>	60
Romani <i>militēs huc otiosi confluxerunt.</i>	61
Unde Taciti <i>de Aquis his silentium.</i>	62
Cujus <i>ætatis, Andromache sit Britanno-</i>	
<i>Belgica,</i>	ib.
Et Templum <i>Minervæ consecratum.</i>	ib.
Decurio <i>octogenarius huc accedit.</i>	63
Quo tempore <i>Fabrica ibi erecta.</i>	64
Geta <i>Aquas Calidas restituit, auxit.</i>	65
Quo tempore <i>hæ Aquæ Solis primum appel-</i>	
<i>larentur.</i>	66
Militiæ Romanæ <i>lauta vivendi ratio sub</i>	
<i>finem Imperii,</i>	ib.
Præcipue <i>in hac Regione,</i>	67

CAP.

ELENCHUS RERUM.

CAP. VI.

De Romanis Aquarum Calidarum Monumentis.

T <i>Abulæ II. Explicatio.</i>	68
<i>Decuriones qui.</i>	69
<i>Inscriptio Successæ Patroniæ.</i>	<i>ib.</i>
<i>Marci Valerii,</i>	70
<i>Caii Murrii.</i>	71
<i>Tab. III. Explicatio.</i>	<i>ib.</i>
<i>Monumenta nonnulla jam diu desiderantur.</i>	72

CAP. VII.

De Viis, in Belgio, Militaribus.

R <i>Omanorum Monumenta in Belgio celebratissima sunt Viæ Militares;</i>	73
<i>Quæ recensentur, cum earum continuationibus,</i>	74
<i>Ad Totonesium usque:</i>	75
<i>Unde in Cornubia dicatur exordiri hæc via.</i>	<i>ib.</i>
<i>Ad Aquas Solis ab omni regione concurratur.</i>	76
<i>Urbium inter se Distantiæ,</i>	77
<i>De</i>	

ELENCHUS RERUM.

<i>De Viis hisce adnotanda.</i>	79
<i>Hæ viæ sæpe a rectitudine deflectunt.</i>	80

CAP. VIII.

De Insulis, Belgio nostro adjacentibus.

L Elandi <i>de Insulis Britannicis</i> <i>scriptura.</i>	81
<i>Vectæ Græcis non ignota.</i>	<i>ib.</i>
<i>Nominis Derivatio.</i>	82
<i>Melæ Correctio.</i>	83
<i>Allecti Classis sub Vectam Ins. subducitur.</i>	84
<i>De Insula Barry.</i>	<i>ib.</i>
<i>Comitis ab ea Nominati Honos.</i>	85
<i>Steep & Flat-Holmes.</i>	86
<i>Gildas huc commigravit: quanta perpessus.</i>	87
<i>An hic Librum Quærulus composuit.</i>	88
<i>Danis hæ Insulæ perfugio.</i>	<i>ib.</i>

ELENCHUS RERUM.

CAP. IX.

De Belgii Populo.

A lbion olim Avium Terra.	89
Gallos omnium mortalium primos Albiona coluisse.	90
Forte per Isthmum huc advenientes :	91
Vel certe Mari.	92
Incolæ novis e Gallia Colonis in Boream pulsi,	ib.
Aborigines habebantur.	93
Hæc Japeti proles fuit,	ib.
Ex Euehemeri testimonio.	94
Belgæ e Gallia venere,	ib.
Sui Juris Populus,	95
Religionem Druidum amplectens.	96
Romanos Belgium mature accepit.	ib.
Cogidunus iis se dedit.	97
Hinc Vespasiano Honos, hinc Imperium Romanum.	ib.
Gavius hac Expeditione meruit :	98
Dona ei donata militaria.	99
Belgæ, a Romanis subacti, militiæ se dant.	ib.
Belgæ nostri a quibus memorentur,	100
Quibus in rebus inservire Romanis.	ib.
Re-	

ELENCHUS RERUM.

<i>Rerum in Britannia,</i>	101
<i>Sub Romanis immutatio.</i>	102
<i>Domitorum hujus Insulae Virtutes.</i>	ib.

CAP. X.

De Belgarum Lingua.

<i>PRima in hac Regione Lingua, Runi-</i>	
<i>ca;</i>	103
<i>Sed Vetusta.</i>	104
<i>Quae in Galliis sensim corrupta, Runam in</i>	
<i>Britanniis postea corrupit.</i>	105
<i>Post Romanorum adventum in usu hic eo-</i>	
<i>rum Lingua.</i>	ib.
<i>Romani Juris in Britannia consulti floru-</i>	
<i>ere pertissimi.</i>	106

CAP. XI.

De Diis Belgicis.

<i>NULLa Gens sine Deo.</i>	108
<i>Veteris Germaniae Dei, veterisque</i>	
<i>Galliae.</i>	109
<i>Hinc manavit Theologia Belgica.</i>	110
<i>De Mercurio.</i>	ib.
<i>De Apolline.</i>	111

ELENCHUS RERUM.

De Jove.	112
De Druidum Religione,	113
<i>Non adhuc abolita.</i>	115
De Fluminum cultu.	ib.
De Avona Dea.	117
De Geada.	ib.
De Minerva, ejusque Templo Aquis Calidis erecto.	119
De Hercule,	120
Ejusque Aquis Calidis Imaginibus.	121
Minerva & Hercules Συμβωμοι.	122

CAP. XII.

De Penatibus apud Devisas, Anno
1714, effossis.

P Enates,	123
<i>Ubi inventi.</i>	124
Venus, Regis Cyprii scortillum.	125
<i>A viduis culta propter alteras iis felices Nuptias.</i>	126
<i>Ejus Icuncula Descriptio.</i>	ib.
Jupiter Ammon.	128
Neptunus.	129
Hercules.	130
Vulcanus.	131
Bacchus.	132
Pallas	

ELENCHUS RERUM.

Pallas.	ib.
Virgo Vestalis Maxima.	133
Mercurius,	134
A Martiano Capella <i>descriptus</i> .	135
Lupa, Romulus, & Remus.	136
<i>Ut hi Duo, tamquam Diis oriundi, in Pa-</i> <i>triis Hymnis celebrabantur.</i>	137
Apis.	ib.
Anubis.	138
Bucephalus.	ib.
<i>Græci Deorum honori pocula bibebant.</i>	ib.
Bacchus.	139
<i>Cornu olim Honoris signum, & in S. S. &</i> <i>apud Autores Ethnicos.</i>	140
<i>Cornua in hoc Baccho qualia subulorum.</i>	141
<i>E Poetis Excerpta de Baccho mellitissima.</i>	142, 3
<i>Unde signa fierent Infamiae.</i>	143
<i>Penatium usus.</i>	144
<i>Bustum.</i>	ib.
<i>Penatibus favet Alexander Severus.</i>	145
<i>Quo anno terræ mandarentur.</i>	ib.
<i>Christi imaginem adoravit Alexander S.</i>	146
<i>Plura de Penatibus.</i>	147
<i>Duo Penatium ignoti prorsus.</i>	148
<i>Penatium Honos.</i>	ib.
<i>Eorum Potestates.</i>	149
	Ho-

ELENCHUS RERUM.

Horatii locus explicatur.	150
Non omnes hæ Icunculae pro Deis accipien- da.	151
Conclusio.	152

CAP. XIII.

De Belgarum Mercatura.

B Elgæ primum Mercatura, deinde Bello magis dediti.	153
Quæ Exarçyma, quæ Eisarçyma.	154
De Pecore Britannico.	155
De Stanno,	ib.
Quod in Dunmonio effodi probabile est.	156
De Ferro.	ib.
Ferrum Glocestrense ad usus communes o- ptimum.	157
De Mancipiis, & populi multitudine.	ib.
De Canibus.	158
De Agasæis,	159
Præcipue Belgicis.	ib.
Canum in Bello usus.	160
De Gemmis.	ib.
Isaaci Vossii redargutio.	161
De Calce,	162
Ara Dæ Nehalennia.	163
De	

ELENCHUS RERUM.

<i>De Gagate,</i>	164
<i>Ejusque Viribus.</i>	165
<i>De Bascauda,</i>	166
<i>Romam e Belgio missa.</i>	167
<i>De Sale.</i>	168
<i>Εἰσαγωγή.</i>	169
<i>E Continente quatuor in Britanniam Tra-</i> <i>jectus.</i>	<i>ib.</i>
<i>Prima, Mercium permutatione, Merca-</i> <i>tura.</i>	170
<i>Romani Vett. ære appenso, non numerato,</i> <i>debita solvebant.</i>	<i>ib.</i>
<i>Sub imperio Rom. Nummus omnis Cæsaris</i> <i>imagine notabatur.</i>	171

CAP. XIV.

De Romanis in Belgio, Æstivis ;
præcipue, de Camaletto.

Æ <i>Stiva in Belgio permulta:</i>	172
<i>Quorum multa ab Aubreio de-</i> <i>scripta.</i>	173
<i>Camaleti Descriptio.</i>	<i>ib.</i>
<i>Romana hæc fuisse Castra, minime dubi-</i> <i>tandum.</i>	175
<i>Quanta eorum Area, quis usus:</i>	176
<i>Multæ de Camaletto Fabulæ.</i>	177

CAP.

ELENCHUS RERUM.

CAP. XV.

De Colore Belgico.

P ropertius citatur.	178
Cæsaris [Vitrum] quid significet.	179
Glastum unde derivatur.	ib.
Propertius illustratur.	180
Id Belgicus absolute positum.	ib.

CAP. XVI.

De Claudii Tropæo, propter Ogonem eruto.

I nscriptio omnium, quæ in Britanniis in- venta sunt, antiquissima,	181
Quo tempore posita.	182
Nummi Camdeniani Error.	183
De eo dubii,	ib.
Solutio.	184
Consulatus annum multis inde post Annis citari,	ib.
Quod Inscriptione probatur.	185
Doctiss Savilii Fastorum emendatio.	ib.
Numeri IX. vetus scribendi mos.	186
Plumbum, in quo Inscriptio,	ib.
Fodinis	

ELENCHUS RERUM.

<i>Fodinis Mendippensibus effossam, earum antiquitatem ostendit.</i>	186
<i>Columnæ Plumbum adfigitur.</i>	187
<i>Nummi duo Claudiani ex Gevartio.</i>	188
<i>Ogonis Antri Notitia Romanorum,</i>	<i>ib.</i>
<i>Et Clementis fortasse Alexandrini :</i>	189
<i>Cui non absimilis Melæ specus Coryceus.</i>	190

CAP. XVII.

*De Urnis, Seria, Rebusque aliis
in Belgio dudum inventis.*

U <i>RNA minor, major, in Sepulcreto Julii Vit. effossæ.</i>	192
<i>Seriæ Descriptio.</i>	193
<i>Ad Vinum condendum usus.</i>	194
<i>Urna ansata.</i>	<i>ib.</i>

CAP. XVIII.

*De Arca Lapidea, & de Munimen-
to Sepulcrali.*

A <i>Rcarum ab antiquo usus.</i>	195
<i>Arca interdum Feretrum,</i>	<i>ib.</i>
<i>Nunc Monumentum,</i>	196
<i>I i</i>	<i>Nunc</i>

ELENCHUS RERUM.

<i>Nunc Cavernam, Anglice a Grave,</i>	197
<i>Nunc Capsam indicat, Auctore</i>	198
<i>Non uno.</i>	199
<i>Arcæ synonyma.</i>	ib.
<i>In locum commodiorem Arcam, urgente gra- vi causa, licuit transferre.</i>	200
<i>Xiphilini Λάραξ.</i>	ib.
<i>Arturii Regis ex Alno Cista.</i>	201
<i>Ex Metallis Arcæ.</i>	ib.
<i>Corpus ab alienæ mistura materiæ liberum, conservat Arca.</i>	202
<i>Arcæ Lapideæ, ad Aquas Calidas</i>	203
<i>Effossæ, dimensiones.</i>	204
<i>Pronum in ea Corpus.</i>	ib.
<i>Urnæ etiam pronæ sunt effossæ.</i>	205
<i>Arcella</i>	ib.
<i>Cum in ea contentis.</i>	206
<i>Arca Guilh. Rufi, & Lhewelini ap Jor- weth.</i>	ib.

De Munimento Sepulcrali.

<i>Monumenti delineatio e Belgio missa.</i>	ib.
<i>Ejus Descriptio.</i>	207
<i>De hoc Monumento Fabulæ.</i>	208

CAP.

ELENCHUS RERUM.

CAP. XIX.

De Andromache Britanno-Belgica.


M onumentum hoc ad Aquas Calidas effossum.	212
Imaginum usus.	213
Faciei Virtus,	ib.
Et Potestas.	214
Faciei variatio quatuorplex & quanta.	
Partium ejus	215
Quæ Virtutes.	216
Busti Bathoniensis descriptio,	217
Et usus.	218
Romanorum Andromaches,	ib.
Descriptio ex Poetis,	219
Et Numismatibus.	220
Bustum hoc, A. D. circiter 81, sculptum.	221
Ante hunc Annum in honore fuisse Aquas Calidas.	222
Annos hoc Bustum Aquis Calidis impertit LXXVIII.	223

E R-

ERRATA.

PAG 38, in Margine lege *Quarum*. Pag. 67;
l. 8, lege *Mamææ*. Pag. 105, Marginis l. 5.
lege *Runam*. Pag. 151, l. penult. lege *Κεμήλια*.
Pag. 176, Margine l. 2, lege *eorum*. Pag. 179,
l. 9, lege *Ισάπδα*, & l. penult. *Isatide*: Sic, ut
etiam in *Elencho Rerum*. Pag. 188, l. 1, pro *in* lege
e. Pag. 193, l. 16, lege *quod*
Tab. XI, *Figura*.

In Vol. II, de *Geta Britannico*, Notarum linea 3,
lege *collegit*.



Libri ad eodem Auctore de Antiquitati-
bus hisce, jampridem editi.

De JULII VITALIS Epitaphio.
MDCCX.

De GETA BRITANNICO.
MDCCXV.

